



BIBLIOTECA NAZ.
Vittorio Emanuele III

XX

A

65

NAPOLI



D
DANIELIS BERCKRINGERI
INSTITUTIONUM
ET
EXERCITATIONUM
ETHICARUM

Academico - Peripatetico-
Stoico-Scholasticarum

LIBERI SECUNDI,

Qui est

Περὶ τῆς Ἀρετολογίας,

DE

VITÆ RECTÆ REGIMINE,

Sectio Prima.



AMSTELODAMI,
Apud Johannem Janssonium à Waesberge, &
Vidnam Elizei Weyerstract,
ANNO 1668.



CONSPECTUS CAPITUM
LIBRI SECUNDI,

Qui est

Περὶ τῆς Ἀρετολογίας,

DE

Vitæ Rectæ Regimine,

Sectionis Primæ.

Caput.

- I. **Q**uid ἡ Ἀρετολογία, eique substrata Ἀρε-
τὴ, quid nomen, quid rem nomine ve-
litate? Cum connotatione insinuativa
subjecti ejus formalis operationis anticipa-
tive, vitiique oppositi condefinitione, vir-
tuti ἀνταλλήτως.
- II. Τῆς Ἀρετῆς Divisio, secundum anima po-
tencias virtutis susceptivas, in Intelle-
ctualē sive Mentis, & Moralem si-
ve Appetitus.
- III. Quid Virtus Intellectualis sive Mentis, quā
Nominalitatem, quā Realitatem? Quod
ejus Genus, Subjectum, Objectum,
quaque Affectio?
- IV. Virtutis Intellectualis Subdivisio in Theore-
ticam & Practicam, sumpta ex Subje-
cto, Objecto, Modo, & Fine, cum or-
dinis inmutuaria designatione.
- V. De Intelligentiā, & ejus Extremis, hoc est,
inde Scrupulositate, hinc Errore sive
Ignorantia Principiorum.
- VI. De Scientiā, & ejus Extremis, hoc est, in-
de Nimiā Subtilitate, hinc Errore sive I-
gnorantiā Conclusionum.
- VII. De Sapientia, & ejus Extremis, hoc est,
inde Nimiā Sapientia Persuasione, sive
τῷ Νίμιῳ Σαπερὲ, hinc Ruditate, sive
τῷ Μινίμῳ Σαπερὲ.
- VIII. De

Conspectus Capitum.

- VIII. *De Arte, & ejus Extremis, hoc est, inde Kazoτixία ἢ Ματαστειχία, hinc Ατixία.*
- IX. *De Prudentia, & ejus Extremis, hoc est, inde Versutiā, hinc Imprudentiā seu Stoliditate.*
- X. *An & quatenus ad Ethicam pertineat, tractare de Virtutibus Intellectuilibus? Et cur proxime Prudentiam agatur de Virtutibus Moralibus?*
- XI. *Sectio, ut Virtutis, ita Vitiū Moralis, in tria Segmenta sive Gradus, Incipientium, Proficientium & Perfectorum, quorum Graduum ille Semivirtus vel Semivitiū, iste Virtus, vel Vitium, hic Virtus Heroica, vel Vitium Heroicum, audit in Auditorio Morali.*
- XII. *Quid Semivirtus, oppositumque Semivitiū? Quotplex Aristoteli, & sequacibus?*
- XIII. *De Continentia, & ejus Extremis, hoc est, inde Incontinentia sive Impotentia, hinc Stupore.*
- XIV. *De Tolerantia, & ejus Extremis, hoc est, inde Intolerantia, hinc Mollitie.*
- XVI. *Quid Virtus Moralis sive Morum, quā Nominalitatem, quā Realitatem? Et quod ejus Genus? Facultasne? Affectusne? An Habitus? Isque Πραγματικός Electivus? Et quidem Bonus?*
- XVII. *Quae Virtutis Moralis Materia ex qua, sive Υἷον analogicè sumta?*
- XVIII. *Quae Virtutis Moralis Materia in quā, sive ut Quid, quā Partialē, sive ut Quis, quorum illud Denominationis, hoc Inhabitionis, in Diatribis Philosophicis.*
- XIX. *An Subjectum Virtutis Moralis Partialē, sive ut Quis, nominatim sit Mens, cum Socraticis, Platonicis & Stoicis? An Voluntas cum Scotistis? An Appetitus Sensitivus cum Peripateticis? At denique, partim*

Conspectus Capitulorum.

partim *Voluntas*, partim *Appetitus Sensitivus*, cum *Thomistis & Cassitis*, verum ἀλλος ἢ ἄλλος, alio atque alio sensu?

- XX. *Qua Materia circa Quam Moralis Virtutis sive Objectum? Et quotplex? Quod Internum sive Primarium? Annon Affectus? Actionesque persuade Internae? Voluptasque & Dolor? Quod item Externum sive Secundarium respectivè?*
- XXI. *Quae Virtutis Moralis Forma? Negatione, saltem Privatio Extremorum? Mediocritative juncta Medietas? Congruentiaive cum Recta Ratione? Ac non potius Relitudo Congruens?*
- XXII. *Annon interim Mediocritati juncta Medietas sit Forma Virtutis Moralis, minimum Objectivè, Effectivè & Adjunctivè? Et si, quotplex universè sit Medium? Qualeque Medium Virtus Morum in genere, in specie vero Justitia. Reine, an Rationis seu Personae?*
- XXIII. *De Medii Oppositione Logico-Logistica cum Extremis, & Extremorum inter se.*
- XXIV. *Atque adeo, Ἀρπύρανε Extremitas cum Pythagoricis, an Μετρίότης ἢ Μεσότης, Mediocritas Medietasve cum Aristotelicis, sit Virtus Moralis? Μετρίωνάβετα ἢ ἰσότης item potius, sive Temperamentum Affectuum, cum prænominatis Peripateticis, an Ἀπάθεια, sive Vacuitas Affectuum, cum Stoicis?*
- XXV. *De Indivisibilitate & Divisibilitate Virtutis Moralis, Affectuumque & Actionum, verum Ethicā, non Mathematicā.*
- XXVI. *Duo famosa Paradoxa Stoicorum, de Rectè & Pravè Factorum Aequilibrio Morali, contra Peripateticorum Disequilibrium, cum Conciliatione Partium Controvertentium.*
- XXVII. *Quae Virtutis Moralis Causa Efficiens? Na-*
tura

Conspectus Capitem.

*curane cum Stoicis ? Temperamentumne
cum Galenicis ? Institutione seu Doctrina
cum Socraticis & Platonis ? An verò
Consuetudo cum Peripateticis ? Et si , Pò-
sitivene , an Præsuppositè , Categorematicè ,
an Syncategorematicè , hoc est , Significa-
tive an Consignificative ?*

XXVIII. *Qua sit Actionum , quibus Virtus Moralis
domi acquiritur , tanquam causis , ut
Quantitas , ita Qualitas ? Et , an specie ,
an verò Gradu , differant ab iis , quas
illa acquisita edit , tanquam effecta ?
Quaque aded sit signatura habitus con-
tracti ?*

XXIX. *De Fine Virtutis Moralis his causis descri-
pta : Et , an simplex ea secundum Stoi-
cismum , an verò Multiplex secundum
Peripateticismum ?*

XXX. *De Virtutum Moraliſſon Connexione in Pru-
dentia secundum Thomam , earundemque
Inconnexione secundum Scotum , cum Syn-
crisi Philosophica.*

XXXI. *Divisio Virtutis & Vitii Moralis , Acroa-
matica ex Objecto Formali , Exoterica ex
Objecto Materiali , illius in Pietatem &
Probitatem , huius in Impietatem & Im-
probitatem.*

CONSPECTUS CAPITUM LIBRI SECUNDI, Sectionis Secundæ.

Caput

XXXII.

DE Pietate, & hujus Extremis, id est, inde Superstitione, hinc Impietate, complectente Imprecationem & Ingratitudinem erga Deum.

XXXIII. De Probitate, hujusque Speciebus, tam Usu Loquendi, quam Usu Artis, qui melior in comparatione.

XXXIV. De Fortitudine, & hujus Extremis, id est, inde Audacia & Timiditate, hinc Ignavia & Intimiditate, dicam, an Intimiditate, dicam, an Indolentia.

XXXV. De Temperantia, & hujus Extremis, id est, inde Intemperantia, hinc Stupore in genere, in specie verò, de Frugalitate, & hujus Extremis, inde Edacitate & Bibacitate, hinc Nimia à Cibo & Potu Abstinencia, Castitateque, & hujus Extremis, id est, inde Libidine & Impudicitia, hinc Diogenica à Venere Venereisque Abstinencia.

XXXVI. De Liberalitate, & hujus Extremis, id est, inde Prodigalitate, hinc Avaritia.

XXXVII. De Magnificencia, & hujus Extremis, id est, inde Lavæ, hinc Sordibus.

XXXVIII. De Magnanimitate, & hujus Extremis, id est, inde Fastu, hinc Pusillanimitate.

XXXIX. De Modestia, & hujus Extremis, id est, inde Ambitione, hinc Inambitione.

XL. De Mansuetudine, & hujus Extremis, id est, inde Iracundia & Cruelitate, hinc Lentitudine & Indulgentia. De

Conspectus Caputum.

- XLI.** De Veracitate, & hujus Extremis, id est, inde Arrogantia, hinc Dissimulatione, utrinque Mendacitate.
XLII. De Comitate, & hujus Extremis, id est, inde Blanditia, hinc Morositate.
XLIII. De Urbanitate, & hujus Extremis, id est, inde Scurrilitate, hinc Rusticitate.

CONSPECTUS CAPITUM LIBRI SECUNDI, Sectionis Tertiæ.

Caput.

- XLIV.** **D**E Justitia Universali, & hujus Extremis, id est, inde & hinc Injustitia Universali.
XLV. De Justitia Distributiva, & hujus Extremis, id est, inde & hinc Injustitia Distributiva, sive Πεσομενδικία, Acceptione Personarum, modò in plus, modò in minus.
XLVI. De Justitia Commutativa, & hujus Extremis, id est, inde & hinc Injustitia Commutativa, modò in lucrum, modò in damnum.
XLVII. De Jure Talionis, quò Absolute, quò Analogice, id est, quò Æqualitatem, Absolutam, quò Analogicam.
XLVIII. De Virtute Heroica, & hujus Extremis, id est, inde Feritate Morali, hinc Ignavia Stupenda sive Immani.
XLIX. De Amicitia Origine, Principiis, Causis, quæ Conservantibus, quæ Corruptivis, Necessitate, Usu, in genere.
XL. De Amicitia in Specie, & hujus Extremis, id est, inde Nimia Familiaritate, hinc Solitudine.

C A P U T XLIV.

*De Justitiâ Universali, & hujus Ex-
tremo. id est, inde & hinc, hinc &
inde, Injustitiâ Universali.*

ATque hætenus Philosophus, cujus
seram ducimus, disseruit de Virtu-
tibus Moralibus, quæ nos dirigunt in
ordine ad nos ipsos, excipit Justitia, quæ
nos dirigit in ordine ad alios, eâdemquæ
operâ consideravit, primò virtutes, quæ
versantur circa affectus, secundò eas,
quæ sunt quasi mediæ, versantes, par-
tim circa affectus, partim circa actus:
Deinceps eam declarat, quæ hæc omnia
aliquo modo complectitur, primò occu-
pata circa actus, ex consequenti verò cir-
ca affectus, contra quàm fit in reliquis
virtutibus, quæ primò occupantur circa
affectus, & operationes interiores, poste-
riùs verò circa effectus & operationes ex-
teriores, accipientes Philosophicè om-
nem bonitatem moralem, quam ha-
bent, ab interioribus, ut quæ ideò bo-
næ sint & audiant, quia illæ, imitatio-
ne cultus divini externi, accipien-
tis Theologicè perfectionem suam ab

interno. Est & alia causa , cur Philosophus ultimo loco agat de Justitiâ in catalogo virtutum moralium , non quasi ea sit ultima ordinis dignitatis , cum ut sic sit prima & princeps , tanti , quanti sol in cœlo , quo obscurato tenebræ in mundum inducuntur , unde eam hespero & luciferolucidiorem facit Aristoteles , pariliter tenebræ in Rempublicam oppressâ justitiâ , tanti , quanti cor in corpore humano , quo mortuo vita hominis tollitur , pariliter vita humana sublatâ justitiâ , tanti , quanti in grege pastor , quo absente dispergitur grex , pariliter absente justitiâ dormienteve populus , tanti , quanti in exercitu imperator , quo remoto conturbatur exercitus , pariliter loco suo motâ justitiâ idem populus , tanti , quanti in nave gubernator , quo excusso navis in scopulos illiditur , pariliter Respublica , actâ in exilium justitiâ , vigente in cœlo pariter & elementis , in quadripartitâ temporum vicissitudine , in quatuor humoribus corporis humani , in alimenti hinc distributione , in animæ quin insuper facultatibus . in omni quin vitâ hominum , suum cuique tribuens , Deo cultum , regibus obedientiam , majoribus reverentiam , minoribus humanitatem , oppressis auxilium , dubiis consilium , omnibus innocentiam ,

non

non, inquam, quasi ea sit ultima ordine dignitatis, sed quòd ordine doctrinæ. Cum enim sit aliquo modo tota virtus, quasquè aggregatum quoddam ex omnibus virtutibus moralibus collectivè sumtis, adeoque quoddam compositum, ideò ad ejus naturam penitiùs intelligendam non non necesse fuit virtutes reliquas præexplicare, quoniam simplicia composito suo sunt priora. Quicquid sit de ordine, *Iustitia*, si *Nomen* sive *Nominalitatem* ejus *species*, sic dicta, vel quasi *Vistitia*, quòd vim sistat. vel quasi *Juristitia*, quòd cuique jus suum sistat, verè, si rem, talis è, si nomen attendas. Deducitur quippè à justo *iustitia*, sicut à malo *malitia*, ipsum porriò *justum* à *jure*, idquè iterum à *jubendo*. Quid enim aliud *jus*, quàm naturæ, populi, ejusvè, qui vicem gerit populi, *jussum*? Græcè loquentibus *Δικαιοσύνη* audit, tracto nomine à *δικα*, quod valet *bifariam*, sive *divisim* & *duatim*, mutato *χ* in *κ* *ἐνφωρίας* *ἐννεα*, cur nisi quòd *ὁ δικαστής* rem quamlibet in duas medietates secet, verè *δικαστής* hoc nomine. Quid si dicamus, *δικαιοσύνην* nihil aliud esse, quàm *δικαίου* *σύνησιν*, *justi* intelligentiam internam, & disciplinam externam, eamquè vel generalem, quæ omnium virtutum catena quædam, ut cum *Aristides* dicitur cogno-

mento iustus, non auditor tantum sed factor qui fuit legum, vel specialem, quæ certæ alicujus virtutis, ut cum iustus dicitur miles, qui pro aris & focis strenuè pugnans neminem concutit, iustus mercator, qui neminem defraudat, sed fidem & æqualitatem in contractibus observat, quâ ratione omnes particulares virtutes iustitiæ vocari queunt, quando ad alios referuntur, licet hoc nomen in iustitiâ distributivâ & commutativâ potissimum hæserit. *Sin Rem sive Realitatem ejus spectes*, ut sic Justitia est Habitus, Virrus, inquam, (putà Moralis, sive Acquisita More,) quâ homines propensi sunt ad res justas gerendas, quâque res justas gerunt, & volunt etiam gerere, constans, inquam, & perpetua voluntas, jus suum cuique tribuendi, quarum definitionum altera Aristotelica, Ulpianica aut Simonidéa veriùs altera, utraque iustitiæ universalis, aut iustitiæ in genere, neutra interim duarum omnibus absolutis numeris: Non Aristotelica, quia in eâ communiter tantum natura Justitiæ delineatur, neque tam substantia ejus exprimitur, quàm vis & proprietas, quòd videlicet per ejus habitum homines apti & propensi reddantur ad res justas gerendas, easque gerant, & gerere quoque velint, tripliciter *περὶ τοῦ* hoc nomine,

& quia eas gerunt, cùm non sit satis habere aptitudinem & propensionem agendi iusta, nisi etiam agas iuste, quia facultates & potentiae sunt contrariorum, quicquid potest iusta agere, nã ille etiam potest agere iniusta, & quia gerere volunt, cùm non sit satis, ut quis iusta agat, nisi velit quoque, quæ iusta sunt, agere, eò quòd fieri possit interdum, ut quis non volens, sed coactus, aut alioqui per imprudentiam, tribuat alicui, quod suum est, quem nemo propterea iustum dixerit, quia iustitia, non facultate, non facto, sed facientis voluntate, definitur. juxta illud Philemonis in Palamede:

Ἀνὴρ δίκαιός ἐστιν, ὅς ἂν μὴ ἀδικῶν,

Ἀλλ' ὅστις, ἀδικεῖν δυνάμενος, μὴ βέλεια.

Utut interim melior definitio iustitiæ vix dari possit, ut quæ per proprium actum & objectum naturam ejus exponat: Non etiam Ulpianica, nisi sic concipiatur cum Thomâ, quòd sit habitus, secundum quem aliquis constanti & perpetuâ voluntate jus suum cuique tribuit: Qui sic? Quia enim iustitia propriè non est ipsa voluntas, quæ potentia animi, sed adjunctus habitus voluntatis, ut omnis virtus moralis, sumto voluntatis vocabulo pro omni appetitu hominis sequente cognitionem, nedum ut constans & perpetua voluntas sit sola, quorum voca-

bulorum alterum est essentiae & habitus magis, alterum verò existentiae & actus, neutrum cadens perfectè in quenquam hominum, cum nullus mortalium in terris queat ad hunc modum esse justus, ut immutabiliter velit atque iusta semper, quod videtur præsumere definitio, congruens ad eam speciem definitionum, quæ causales dicuntur. Nam causa efficiens significatur, quando dicitur voluntas constans & perpetua, finalis verò, cum additur, jus suum cuique tribuens. Sed cur non talis sola? Quia enim hoc ipsum commune omnibus virtutibus, non soli iustitiæ proprium, quomodo fortitudo constans & perpetua voluntas fortiter agendi, liberalitas liberaliter, temperantia temperanter, mansuetudo mansuetè. Sed iuvât ἀναλύνειν. *Definitio utraque constat Genere, & Differentiâ Specificâ. Genus Iustitiæ Universalis secundum Aristotelem est Habitus, aut Virtus veriùs, eaque Moralis, secundum Simonidem verò & Ulpianum Voluntas, aut adiunctus habitus voluntatis veriùs. At Iustitiam verè re esse virtutem moralem.* id liquet inde, quòd & ipsa suo loco sit habitus electivus, habens requisita virtutis moralis, rectam rationem pro principio agendi, mediocritatem inter plus & minus pro medio, honestatem verò pro fine,

fine, quodquè bonum faciat habentem, opusquè ejus rectum ac perfectum det, quod proprium virtutis moralis: Ubi autem ingredientia virtutis moralis, ibi & ipsa virtus moralis. *Eandem Justitiam quoque quoquo modo esse voluntatem*, semel per metonymiam causæ pro effectu, sive in sensu causali, quoniam ex actibus voluntatis promanat, iterum per metonymiam subjecti pro adjuncto, sive in sensu subjectivo, pro adjuncto habita voluntatis latè sumptæ, id iterum liquet hinc, quod actum justitiæ, per quem definitur & specificatur habitus, conveniat esse voluntarium. Ut enim justitia non sit voluntas, rectitudo est voluntaris essentialiter, est tamen causaliter, dum facit, ut quis alteri non tantum velit jus suum tribuere, sed tribuere constanter, sive, cum proposito habituali deliberato firmo, tribuere perpetuò; sive semper, atque in omni eventu, non semel bis ter. vè, quod etiam homini injustissimo competere potest, cum nemo tam injustus esse queat, quin interdum velit illud, quod justum est. Quid ergò? Ut genus vacillet in definitione Ulpianicâ justitiæ quoad τὸ πᾶν, sententia tamen verissima est, quod videlicet justitia sit firma *ἡ ποσὶς*, constans, inquam, & perpetuum propositum voluntatis humanæ, suum cuique tri-

buendi positivè , putà bonum , & intribuendi , hoc est , non tribuendi negativè , putà malum , positivè bonum , tribuendo jus , negativè malum , abstinendo ab injuriâ. *Differentia Justitiæ Universalis explicitè sumitur ab objecto ejus , & Adjuncto Officio circa illud Objectum , implicitè verò à Subjecto , positivè , inquam , ab illo , præsuppositivè verò ab hoc. Objectum Justitiæ Universalis & ipsum , vel Internum est , vel Externum , ex quo utroque simul sumto objectum ejus totale & adæquatum conflatur. Objectum Internum Justitiæ Universalis , non tam sunt Affectus , cogendi in gyrum rationis , circa quos justitia occupatur per accidens , eò quòd reliquæ virtutes morales subjectum ejus , hoc est , hominem justum , domi præparent , ne vel commoveatur metu potentiae alterius , fiduciavè gratiae & honorum , quòd minùs cuique jus suum dicat , vel cupiditate voluptatum & pecuniae se patiat expugnari . offâ libidinis aut massâ auri objectâ , viventis , quoniam tot habet insidiatores , vel transversus abripiatur irâ odiové , à viâ justitiæ in avia injustitiæ , quorum illud præcaver fortitudo & magnanimitas , illud temperantia & liberalitas , hoc mansuetudo , quàm Actiones Internæ Immanentes , à quibus omnem*
bo-

bonitatem moralem accipiunt actiones
externæ transeuntes , quæ ided bonæ ,
quia illæ. Dico , non tam affectus. Verâ
quippe re justitia eâtenus moderatur affe-
ctus , saltem secundariò , quatenus illa
moderatio est medium necessarium ad
finem ipsius intrinsecum , qui est , red-
dere cuique jus suum , vel absque inter-
ventu intentionis alterius virtutis, imme-
diatè ex affectu justitiæ , non fortitudi-
nis , magnanimitatis , temperantiæ , libe-
ralitatis , mansuetudinis , operationibus
ejus exterioribus magis existentibus ma-
teriâ justitiæ , quàm aliarum virtutum
moralium. *Objectum Externum Justi-
tiæ Universalis , universè vel Negativum
est, v. l. Positivum. Objectum Externum
Negativum Justitiæ Universalis est Jus,*
quod vocant , Oeconomicum Metaphori-
cum sive Similitudinarium , continens
præcepta seu regulas de officio œcono-
mico personarum domesticarum , quod
quæque sibi invicem debeant , suoquè
jure à se invicem exigere possint , v g ,
uxor à marito , ut rei familiari det foris
operam acquirendo , maritus ab uxore ,
ut rei familiari det domi operam custo-
diendo , curandoquè negocia domestica ,
similiter liberi à parentibus alimentatio-
nem , institutionem , educationem , de-
fensionem , parentes à liberis , pietatem ,

reverentiam, obedientiam, servi à dominis, alimentationem & stipendia, domini à servis, operas & obsequia, quæ officia domesticorum domestica juris similitudinem quandam habent, sed similitudinem scilicet veri magis, quàm veram. Verâ quippè re maritum inter & uxorem, parentes & liberos, dominum & servos, non datur simpliciter jus, eò quòd, quæ sibi invicem debent, hæc debeant à naturâ potiùs, quàm ab hominum instituto, exquè lege pietatis potiùs, quàm justitiæ, nec ut alienis, & prorsus distinctis, sed tanquam sibiipsis, non magis, inquam, inter eos datur jus simpliciter, quàm injuria simpliciter dicta, quæ nullius ad seipsum, & sua, quare nec mariti in uxorem, quæ una cum eo caro, unitate consentaneâ & conjugativâ, nec parentum in liberos, qui pars quædam parentum, saltem aliquid parentum, usque dum adoleverint, & ex potestate eorum exierint, nec domini in servos, ut qui sint possessio & res domini, utiquè adeo ejus, Philosophando Oeconomicè, nullis existentibus legibus inter domesticos, quæ ipsos pariter obligent viâ justitiæ & juris, eò quòd non sint simpliciter alterum, ut duo homines, quorum unus non est sub altero, sed ambo sub alio, verùm quasi aliquid ejus existens.

stans, uxor quid mariti, filius quid patris, servus quid domini, adeòquè nullo jure extante inter eos simpliciter, sed quodam, putà, maritali, paterno, herili, ac benè datur ut jus ita injuria inter eos Philosophando Phytico. Ethico-Politicè, quomodo saltè hæctenus injuriæ locus, si injuriæ, ergò & juri, inter præallegatas personas, in quantum uterque, & maritus & uxor, & pater & filius, & dominus & servus, homo, & aliquid secundum se subsistens, atque ab aliis distinctum, maritus ab uxore, pater à filio, dominus à servo, maritus v g repudiatus alia persona ab uxore repudiatâ, pater paciscens cum filio, alia persona à filio, quicum paciscitur, dominus verberans alia persona à servo vapulante. Ut enim filius, patrem occidens, non videatur peccare contra justitiam præcisè, dum facit contra debitum filii, & jus paternum, cum sic solùm peccet contra pietatem, tamen hoc stante, neque interim obstante, peccat contra justitiam ἐν πλάττει, quatenus sine legitimâ auctoritate hominem interimit. Est enim in hoc facto duplex malitia, altera contra justitiam, ratione substantiæ personæ, quæ læditur, altera contra pietatem, ratione circumstantiæ ejusdem personæ. Atque adeò, quid impediatur, quò minùs inter præfatas

tas personas possit esse debitum justitiæ, quatenus sunt distinctæ, habentes jura & dominia distincta, ut si filius sit emancipatus, habeatquæ bona castrensia, vel quasi-castrensia: Si item dominus & servus spectentur, prout sunt homines distincti, & in multis rebus liberi, sui quæ juris, diversa jura habentes, quo in casu inter eas non non potest esse, ut jus, ita injuria, ut si dominus talem servum occidat, vel mutiler, quoniam in vitâ, membrisquæ conservandis & tuendis, servus non subest domino, sed est sui juris: Aut, si servus fureretur, damnumvè domino suo inferat, fugamvè contra jus & fas capessat. Sed satius næ satius fuerit, præterito Aristotele jus duplex constituere, naturale & positivum, atque ad illud quoquo modo referre æconomicum, quod commune potius jus, quàm proprium, & à naturâ magis, quàm ab hominum instituto. *Objectum Externum Positivum Justitiæ Universalis est Ius, quod vocant, Politicum, sive id, quod Justum est, tribuquæ cuique debet*, voce politici acceptâ latè, in eo sensu, quo hominem appellitamus animal politicum, & hætenus civile, quæ differunt. Politicum quippè Græcis id dicitur, quod hominibus, societate quâdam inter se devinctis, est commune, ut vendere, emere, locare,

con-

conducere, civile contra Latinis, quod suæ cujusque proprium est civitatis, quomodo civilis olim Romæ fuit toga in Græciâ pallium. Dico, sive id, quod justum est. Cùm enim jus modò propriè sumatur, pro naturæ, populi, ejusvè, qui vicem gerit populi, jussu, impropiè verò, modò per metonymiam adjuncti, vel pro juris scientiâ, regulâ, inquam, sive normâ, cuique id, quod suum est, tribuendi præscribente modum, adeoque directivè & activè, ut cùm jus à Celso definitur, quòd sit ars boni & æqui, vel pro loco, in quo jus dicitur, veluti cùm dicimus, aliquem in jus vocare, modò per metonymiam causæ, pro potestate jure concessâ, ut in definitione itineris, cùm iter dicitur esse actus eundi ambulandi homini, actus verò jus, id est, potestas agendi, vel jumentum, vel vehiculum, modò per metonymiam subjecti, pro eo, quod juri propriè dicto sive legibus conveniens atque consentaneum est, quodque cuique tribuitur, adeoque passivè & objectivè, sola omnium ultima significatio est hujus loci, siquidem jus spectetur, ut præstandum tamen, quomodo objectum fuerit justitiæ formaliter, eâque prius, quia à jure sive justo iusti nuncupamur nominaliter, & inde porrò justitia, non ut præstitum, quomodo effe-

effectum fuerit justitiæ , eâque postea
realiter , jus sive justum prius justo ,
& hinc justitiâ Grammaticè , sive derivatio-
ne Grammaticâ , concretum abstracto ,
justitia contra prius justo Logicè , sive
derivatione Logicâ , abstractum concreto.
Jus Politicum dicitur , quod obtinet inter
homines liberos , numero aut proportio-
ne æquales , vitæque communione jun-
ctos , ut iis omnia suppetant , quæ ad
vitam sunt necessaria : Inter homines
liberos , quia inter servos , quemadmo-
dum nulla civitas , ita nec jus : Inter
æquales , quia æqualitas maximè pro-
pria juris , adeò , ut inter quos est com-
munis libertas , si tamen non sit æquali-
tas , nullum verè sit jus , ut inter mari-
tum & uxorem , patrem & filium , quia
jus inter eos propriè , inter quos lex , quæ
nulla inter maritum & uxorem , patrem
& filium : Et quidem numero vel pro-
portione æquales , numero , in populari
Republicâ , eâque liberiori , proportio-
ne , in aristocratâ & regno : Vitæque com-
munionem junctos , quia inter liberos ,
æquales , & civitatis communione jun-
ctos , solum est legis communio , quare
& juris , quoniam id propriè ab omnibus
justum dici consuevit , quod legibus est
consentaneum , legibus definitur , est-
que legitimum , quo fit , ut quibus lex
data;

data, iis quoque jus datum esse videatur, interquē eos solūm sit legis communio, qui se mutuū lādere, atque injuriā afficere possunt: Ut iis omnia suppetant, quæ ad vitam sunt necessaria, qui finis societatis in genere, & hujus societatis in specie. *Estquēvel Naturale, vel Positivum sive Legitimum.* Sicut enim eorum principiorum, quæ pertinent ad veritatis contemplationem, alia sunt generalissima, & lumine naturali notissima, alia verò minūsgeneralia, & minūsnota, quæ ex generalissimis vi rationis theoreticæ deducuntur, ita eorum principiorum, quæ pertinent ad mores, & vitæ agendæ rationem, alia item sunt notissima & generalissima, atque in his lex naturalis est posita, alia verò minūsnota, & minūsgeneralia, quæ ex illis notissimis & generalissimis vi rationis practicæ deducuntur, atque in his lex humana est posita, quorum jurium illud naturale, quia omnibus naturali lumine innotescit, hoc positivum, quia lege aliquā expressā positum est, nec nisi voce aut scripto promulgatum hominibus innotescit. Atqui omnia jura videntur esse civilia & legitima, nulla naturalia, eò quòd omnia sint mutabilia, ipsa quin lex, de reddendo deponenti deposito, quæ tamen naturalis: Quare malè jus Politicum tribuitur in natu-

naturale & legitimum? Immo verò non malè, saltem hætenus, quatenus in ipsis iuribus mutabilibus discernendis, quæ videmus plerumque ad eundem modum, & apud plerasque omnes gentes, se habere, saltem eas, quæ ex ratione vivunt, politioemquæ vitam sequuntur, neque barbaræ sunt & feris similes, hæc naturalia vocamus, civilia verò, quæ non plerumque ad eundem modum se habent, sed quotidie, & omnibus in locis, ferè sunt diversa, quemadmodum mensuræ esculentorum & potulentorum, quas in omnibus locis constat esse dissimillimas, & per singulas civitates variare. Quod attinet legem de reddendo deposito deponenti, illa, ut admittat aliquam mutationem in hypothesis respectu furiosi aut hostis, tamen non respectu hominis & humanæ naturæ in thesi, quæ si semper foret recta, non admitteret talem mutationem. Saltem videtur omitti in hac divisione jus divinum, quod nec naturale, cum excedat naturam humanam, nec positivum, quia non innititur auctoritati humanæ, quare vel hoc nomine videtur malè dividi! Malè autem? Immo benè, quia jus divinum morale est ipsum jus naturale, quo cum convenit essentiâ, differens ab eo accidentibus, uti videre est lib. 2. *Instit. Polit. cap. 3. § 12. Jus Na.*

Naturale est, finitore Aristotele, quod ubique & semper eandem vim obtinet, idquæ naturâ suâ, non quia ita decretum vel non decretum est. Ut ita tres ejus sint notæ famosæ, una loci, quod omnibus in locis eandem vim & potestatem habeat, non aliam Romæ, aliam Athenis, aliam in Europâ, aliam in Asiâ, altera temporis, quod sit perpetuum, non aliud olim, aliud nunc, aliud posthâc, tertia, quod suâ vi & per se valeat, non quia ita hic vel ille statuit, Lycurgus aut Solon, adeoque veritate, non opinione, obligans omnes homines in latitudine, si minùs in actu secundo, quomodo obligat adultos tantùm, sed habiles, minimum in actu primo, quomodo obligat ipsos etiam pueros infantes, naturale, ratione causæ & originis, Politicum ratione usus, utroque modo immutabile, non quasi ab omnibus & semper præstari soleat in vitâ communi, cùm non observetur apud eos, atque ab iis, qui rebus non ita utuntur, sicut à naturâ est comparatum, apud bestiales, inquam, homines, sed quia omnes, idquæ semper, & ubique, obligando obliget ad illud præstandum, obedienter & directivè bonos, hoc est, secundum naturam viventes, inobedienter & coactivè malos, hoc est, contra naturam viventes, utrosque in foro

foro interiori sive conscientiae, cuique ut distantis ita reddentis suum jus, atque vel excusantis, vel accusantis, absolvantis vel condemnantis. Scilicet jus naturale idem atque immutabile apud omnes & non idem: Idem, consideratum per se & simpliciter, prout à Deo naturæ autore est conditum, nobisque impressum, cum ita à Deo sit conditum, ut semper eodem se habeat modo apud homines, quâ homines, sive eâ ratione, quâ homines sunt naturaliter: Non idem, consideratum ratione circumstantiarum & hominum, quâ talium innaturaliter. Sicut ergo dicimus, quædam esse simpliciter & de naturâ suâ sana, quæ tamen alicui non sunt sana, putâ febrienti & febricitanti, du'cia, quæ tamen alicui non sunt dulcia, putâ ei, qui habet gustum corruptum, id quod tamen non est v g ex naturâ vini vel mellis, sed ex corruptione illius, qui vino vel melle utitur: Eodem pacto jus naturale invariabile in se non haberet eam varietatem, quam habet, si omnes homines essent, ut esse deberent, sequendo rationem ducem. *Quod, putâ Jus Naturale, an detur, questionis est, non voluntariæ, sed necessariæ*, contra negantes, nominatum Epicurum & sequaces, nominatiùs contra Callidem Scaphistam, nominatissimè contra Archelaum

um Socratis Præceptorem, Pyrrhonem, Carneadem, qui jus non φύσις naturâ sancitum, sed διζα νόμῳ ἔθει, opinione lege consuetudine constitutum, existimârunt, quasi turpe illud sit, quod tale utentibus videtur, ac non potius, quod tale in se, siue videatur, siue non. Atque aded, dari jus naturale vel illud argumento, quòd sicut in speculativis dantur quædam ut principia, quædam ut principia-ta, siue ex principis procedentia, sic & in activis: At in speculativis principia quædam sunt per se nota, quæ statim cognitis terminis percipiuntur lumine intellectus agentis, sine ullo discursu, ut de quolibet affirmatio & negatio, & de nullo istorum ambo, aut cum discursu, verùm unperceptibili, ut, si ab æqualibus æqualia demas, ea, quæ remanent, sunt æqualia, quæ sciuntur in scientiis, tanquam per se nota, neque probantur, sed ex illis positis, tanquam per se notis, vi illorum procedimus ad probandas conclusiones: Similiter in activis sunt quædam principia & jura naturalia collocata in intellectu activo, quibus ex ipsâ naturâ, sine ullâ probatione, intellectus assentitur, ut omne honestum est prosequendum, omne turpe fugiendum, quæ præsupponuntur in prudentiis, tanquam per se nota, neque probantur, sed ex
illis

illis positis, tanquam per se notis, vi illorum procedimus ad jura civitatum, tanquam conclusiones, atque in his universalibus propriè est positum jus naturæ, hærentibus suapte naturâ cuique intellectui sano, sine cujusquam doctrinâ & institutione: Etiam quin illud, quod, si honestum & turpe, cujus discrimen est jus naturæ, non naturâ, sed lege & consuetudine discernitur, tunc quicquid autoritate publicâ decernitur, quicquid usu recipitur, honestum futurum sit, neque ampliùs immutabile dictum jus, sed mutabile, adinstar legum & consuetudinum, quæ in dies variant, quod æquè in comparatione absurdum, ac si diceres, calidum & frigidum distingui naturâ, honestum & turpe non item: Denique illud, quod in animantibus brutis simile quid deprehendere licet: Leo quippè versis introrsus unguibus incedit naturaliter, & caudâ pedum vestigia deler, quæ elephantorum prudentia, quæ vulpeculæ, præsertim si transeunda sit glacies, sagacitas, quæ canum fides, quæ asini memoria, quæ in brutis quoque numerandi peritia, qui hirundinum niduli, quæ aranearum telæ, quæ apicularum mellificia, qui gruum volatus & vigiliæ, quæ formicarum œconomia, serpentum astutia, piscium, nominatim thyn-

thynnorum, industria & vigilantia, notum est in vulgus, & Deus, qui hæc suam per naturam prædicta animalia docuit, deficiat in homine, rex qui est animalium, nec huic in animo consignatas notiones, seminaria quæ sunt cognitionis & actionis, quibus ceu adminiculis homo in contemplando & agendo adiuvetur, ad discernendum verum à falso, vnestum à turpi, duit? Credat Judæus fella, non ego. Verùm obstare videbitur dictis, quòd animum, si res intellectæ, & secundum intellectus apprehensionem agere debeat, oporteat ab omni scitiâ vacuum esse, non secus ac organa sensus ἀνοία, sua uti objecta percipere possint: Quodquæ jus naturæ in tenellis pueris nullum sit, saltem appareat, ut qui ipsos terminos simplices, è quibus principia constant, ignorent, quare multò magis ipsa principia: Quòd denique naturalia mutari nequeant, jus naturæ autem subindè mutetur. Sed videtur scilicet. Verâ quippè re non obstant. Non primum, quia animi & sensuum diversa ratio, quoniam lingua discernere sapes haud porest, si inantè sit sapore quodam imbuta, uti viderequæ est in febricitantibus, adeòquæ iis, qui mel acetum absinthium & similia degustârunt, cùm contrà animus, quò plus habet notitiarum, hoc

hoc paratior & expeditior sit ad intelligendum, non imparatior & impeditior ex eo. Non secundum, quia aliud τὸ εἶναι esse, aliud τὸ φαίνεσθαι videri, argumento scintillarum, quæ cineribus obrutæ cum sint, non apparent, & tamen verè subsistunt, similiter notitiæ naturales in parvulis, ut non actu secundo, nisi ser-
 suum ministerium accesserit, ita actu p-
 mo. Non tertium, quia mutatio illa ju-
 naturalis tenet in assuefactilibus & d-
 sciplinabilibus tantum, tum in pauculis
 quomodo videmus ea, quæ totius s-
 ciei, non rarò quibusdam in singulari-
 deficere, v g, videndi audiendi loque-
 di facultatem, in pauculis, inquam d-
 his pessimis: Jam verò, quid natu-
 conveniens sit, quid minùs, ex pluribu-
 iisque optimis, qui normæ & regulæ in-
 star, non ex paucioribus, & his pessimis,
 v g, hominibus ἀνθρώποις φάσις, colligen-
 dum, neque ex naturâ corruptâ, & fa-
 cultate appetente, quæ sæpè rationem
 non modò deserit, sed etiam secum abri-
 pit, verùm incorruptâ, saltem incorru-
 ptiori, adeoque facultate cognoscente,
 quæ deleri non potest, nisi ipsa deleatur
 natura, ratioquæ destinat esse ratio, vel
 malè dispositi corporis commercio sui
 obliviscatur, ut fit in furiosis. *Jus Positi-
 vum Legitimum* est, finitote eodem A-
 ristotele.

ristotele, quod ab initio, hoc an illo modo fiat, nihil refert, cum verò constitutum est, tunc refert, Et hujus juris tres sunt notæ famosæ. Prima, quòd juris positivi sive legitimi hæc sit vis & natura, ut priusquam decreto est sanctum, sit *ἀδύνατον*, hoc est, nullam vim obligatoriam habeat, citraquè culpam servari possit, vel non servari, postquam verò semel sancitum est, non item sit *ἀδύνατον* sive disobligatorium. Ita v g in vestibus possum ego pileum, qualemcunque velim, gerere, est *ἀδύνατον*; at si constituatur lex, ne quis pileo holoserico utatur, post constitutionem non est amplius *ἀδύνατον*. Secunda, quòd jus positivum & legitimum per se suâquè vi haud valeat, sed *θέσει τὰξει νόμῳ*, ut quòd ab hominibus suam habeat ut originem ita auctoritatem, qui illud constituerunt, adducti probabili aliquâ ratione, desumptâ, vel ex lege naturæ, vel ex aliquâ circumstantiâ. Ex lege naturæ, quæ v g docet, fures esse puniendos, cui lex positiva addit modum pœnæ, dammando eos ad duplionem triplionem quadruplionem, latomias, tritemes, fustuarium, exilium, laqueum, sequens in eo constituendo probabilem rationem. Ex aliquâ circumstantiâ, ut cum frumentum tanto vel tanto precio venditur.

ob rei frumentariæ facilitatem vel difficultatem, aut cū in testamento condendo tot vel tot adhibentur testes, propter aliquas circumstantias, v g, sex septem numero, quod, antequam certus numerus lege determinaretur, utiq; fuit ἀδιάφορον. Tertia, quòd jus positivum & legitimum præsupponat honestatem, quam habet ex jure naturali, tanquam hypothesis ex thesi, referaturquē ad utilitatem eorum, quibus fertur, unde & τὸ δίκαιον καὶ σύμφερον audit, ut intendi, ita remitti, ut exasperari, ita mitigari, valens, aut etiam, siquidem sit ex usu Reipublicæ, planè abrogari, saltem mutari, etiam si omnes circumstantiæ, cum quibus antea obligabat, eadem maneant, cū idè dicatur jus positivum, quia in ponentis est positum potestate, rationabiliter tamen. Quid multis? *Jus Positivum sive Legitimum à Jure Naturali differt.* I. Origine, altero existente à Deo & naturâ, altero ab hominum voluntate arbitrio & autoritate. II, Objectis, altero existente generis, altero speciei. III Certitudine, altero existente ἀπὸ πάντων, saltem ἀξιολόγητον altero πιθανόν IV. Amplitudine, altero existente eòdem ubique, si minùs de facto, minimum de jure, altero aliàs alio alibi, ad similitudinem mensurarum, quæ hîc majores, illic minores, & dierum

ac nocturnum, quæ in diversis regionibus dissimiles, cum contrà ignis ubique urat, & in Græciâ, & in Persiâ: Ut ita alterum omnibus in terris, omni loco & tempore, eandem vim ac potestatem habeat, alterum verò apud alias atque alias gentes sit aliud, ac ne apud easdem quidem semper idem, sed nec obligatorium semper, cum non antè obliget, quàm fuerit sancitum. V. Duratione, altero existente firmo sive immutabili, tanquam radio divinæ lucis, manentis quàm diu semens benè habet, habet autem, quàm diu cum normâ immotâ divinæ mentis congruit, discernentis honesta à turpibus, sicut lumen in oculis manet idem, donec natura hominis est incolumis, altero verò mutabili & variabili. Jura quippè civilia non ubique sunt eadem, quia non eadem est omnium civitatum ratio, sed varia & multiplex. Apud alios namque viget democratia, cujus multa rursus sunt genera, apud alios monarchia, cujus item, apud alios aristocratia, cujus item. Cum ergò varientur civitates, ut varientur harum jura necesse est, cum leges civitatibus, non civitates legibus, accommodatas esse conveniat. *Iurisconsulti Ius universè jecant in Commune & Proprium: Commune iterum in Ius Naturæ & Gentium, sive Ius Naturæ*

Primævum & Secundævum: Proprium in Jus Publicum & Privatum, hoc in Scriptum & Consuetudinarium sive Non Scriptum. Jus Naturæ Primævum, quòd hominibus convenit cum cæteris animalibus, ipsis est, quod natura omnia animantia docuit, quæ in cælo, quæ in terrâ, quæ in mari nascuntur, benè; si quidem accipias analogicè, & eâtenus, quatenus homines expetunt conservationem sui, & societatem in genere, in specie verò, maris & foeminae conjunctionem, sobolis procreationem, alimentationem, educationem, defensionem, similiterquè bestia, secundum legem à naturâ impostam, sive secundum jus naturæ, per quod reguntur passivè, malè, si quidem Logicè, & eâtenus, quatenus homines insuper expetunt honestatem in rebus, & fugiunt turpitudinem, qui appetitus homini proprius, iisque naturis, quæ ratione & intelligentiâ sunt præditæ, quibus cum careant animalia bruta, minùs propriè ad ea juris naturæ nomen extenditur, cum in brutis tantùm sit naturæ instinctus, & phantasie operatio, non rationis, ex principiis practicis per naturam, sine accessoriâ institutione, deducendis conclusiones, cum distinctione boni & mali, voluntatisquè electione. Quæ causa, cur Deus nuspiam legatur legem

legem vel inscripſiſſe vel præſcripſiſſe
brutis, fortean etiam ided, quia nuſpiam
verè & ſimpliciter juſ reperitur, niſi ubi
propriè & verè eſt locus oppoſitæ inju-
riæ, cùm habitus & privatio ſint circa
idem, injuria autem non reperiatur in
brutis, quare nec juſ. Immodò verò injuria,
eaquè tam paſſiva, ut cùm quis avibus
nidulantibus vim facit tempore foeturæ,
contra interdìctum divinum, equumvè
alterius occidit, quàm activa, quemad-
modum ea res patet ex bovis cornupetæ,
& jumentì concubini, poenâ lege ſtatutâ,
haud dubiè ob injuriam. Injuriam autem?
Quaſi verò, cùm quis avibus nidulanti-
bus manus affert, injuriam hiſ faciat,
ac non potiùs Deo, capturam prohiben-
ti? Aut quaſi, cùm quis alterius beſtiam
occidit, ob injuriam illi illatam vocetur
in juſ, cùm ob quamcunque cauſam oc-
cidantur beſtiæ ab homine, nunquam
hiſ injuria fiat, ac non potiùs, ob injuri-
am factam domino ejus, actione furti
intentatâ: Aut quaſi, cùm bos cornupeta,
jumentumvè concubinum, puniuntur
morte, patiantur poenâ propriè moraliter
ac formaliter ſumtam, quatenus præſup-
ponit ἀνομιαν, & cum eâ ſimul culpam,
occidanturquè, quòd injuriam fecerint,
contravè legem deliquerint, cùm penes
neutrum ſteterit, quòd minùs facerent,

quod fecerunt, ac non potius materialiter & physice sumtam poenam, pro passionem dolorificam, cadente quoque etiam in bestias, quibus ea irrogatur, jubente ita earum creatore, in detestationem homicidii, sanguine hominis vel à bruto reperto, Sodomiae, & in genere peccati, in cujus execrationem & abominationem ipsa terra fuit maledicta, tentoriumque Achanis cum suppellectili ejus exultum, quemadmodum hodieque videmus, in crimine laesae majestatis humanae, destrui aedificia reorum, ut tam nefandi criminis memoria inter homines penitus aboleatur, quibus lata proprie est lex de bove cornupeta & jumento concubino occidendis, non illis. Atque adeo jus naturae non cadere proprium in bruta, vel illud insuper argumento, quod nulla actio merè naturalis, qualis brutorum & brutalis, sit virtuosa aut vitiosa, justa aut injusta, quae actiones morales naturalibus superaddit: Etiam quin illud, quod sic turpis libido, caedes, & cuncta flagitia, sint futura juris naturae, quia in his exprimendis videmus bestias sequi suam naturam, quae propterea sine peccato omitti haud poterunt, eò quod sint juris naturae, quod absque peccato omitti nequit: Denique illud, quod, quicquid positis omnibus necessariis requisitis ad agendum

agendum non potest non agere, (non potest autem non bestia, cum omnis irrationalis potentia sit μία ἐνός, ad unum,) id nullâ lege cogi queat ad secus agendum. Aliâs, quid veraret, leges dare lapidibus, ne deorsum cadant, cancris, ne obliquâ viâ incedant, scorpionibus, ne veneno noceant, cum penes prædictas creaturas non stet agere aliter, quibusdam hoc ipsum vertitur vitio, næ blasphemè in ipsum Deum creatorem faba eâdem operâ caditur. Quid ergò? Cum jus naturæ commune dicitur esse in brutis, id ita accipiendum, non quòd jus in illis reperiatur formaliter, quoad rationem juris, sed quòd in iis deprehendatur materialiter, hoc est, id, quod quando in hominè est, jus dicitur, v g, maris & fæminæ conjunctio, quæ alia in hominibus, quàm in beluis. In hominibus quippè matrimonium est, dissolvi nequiens, nisi alterius morte, in beluis non item, quæ non junguntur matrimonio, verùm ὀχεία, hoc est, vagâ quâdam promiscuâ & ἀλόγῳ, naturâ impellente, congressione. Similiter natorum & sobolis, cum procreationem, tum educationem, reperire est in bestiis, at hæc non rationi pietatî honestatî tribui debet, nedum moribus & legibus, verùm πρὸς φύσιν, amorî atque affectioni &

inclinationi naturali. Ut ita jus naturale sit commune bestiis cum hominibus, quoad opera cadentia sub illud, non tam positivè quàm negativè tamen. Ut enim opera illa suo modo sint his communia, tamen ommissio eorum non est communis. *Ius Naturæ Secundævum sive Gentium*, quod hominibus tantùm convenit cum cæteris hominibus, ipsis est, quod naturalis ratio inter omnes homines constituit, deductis conclusionibus è principiis nobis insitis, apud omnes tantùm non gentes, eo ipso momento, quo gentes esse cœperunt, communi usu receptis, absque constitutione aliquâ tam è. Sicut enim jus naturæ primævum eodè esse cœpit momento, quo homines, ita jus naturæ secundævum eodem momento, quo gentes, occupatum ferè in his, quæ utilia his, qui accipiunt, dantibusquè non molesta, ut non prohibere aquâ profluentem, pati ab igne ignem capere, consilium deliberanti dare, transitum innoxium concedere, non offendere &c. *Ius Publicum* ipsis est, quod ad statû totius Reipublicæ pertinet, ad salutem, inquam, non unius vel alterius, sed totius populi, spectatquè justitiam legalem sive universalem. *Ius Privatum* ipsis est, quod ad singulorum utilitatem pertinet, spectatquè justitiam moralem sive particularem. Dicitur privatum,

vatum, non quasi privatâ autoritate sit constitutum, sed quòd singulorum privatum emolumentum, & domesticum interesse, concernat, ut quod in singulorum hominum rebus atque bonis parte sui multò maximâ sit occupatum immediate, nec publicum, hoc est, Rempubicam respiciat, nisi mediatè, quatenus opes privatorum sunt divitiæ civitatis. *Ius Scriptum* ipsis est, quod lege aliquâ expressâ constitutum est, nec nisi voce aut scripto promulgatam innotescit hominibus, cujus generis, Leges Manuscriptæ, Plebiscita, Senatusconsulta, Principum Placita, Magistratum Edicta, Prudentum Responsa. *Ius Consuetudinarium*, sive *Non-Scriptum* ipsis est, quod consensu utentium est approbatum, hoc est, exemplorum & actuum uniformium frequentiam, in ratione consistentium, quæ, sicut anima legis scriptæ uspiam, ita consuetudinis scriptæ nuspiam. Quamvis enim consuetudinis permagna vis sit & autoritas, ita ut legis vim habeat, eamquè interpretari dicatur, prioremquè abrogare, putà, siquidem sit rationabilis, tamen si pugnet cum rectâ ratione, tunc sui momento, hoc est, solo cursu, non valet, tantum abest, ut legem vincat autoritate. Inter requisita quippè consuetudinis, quæ pro lege esse

debeat , inprimis requiritur , ut sit rationabilis. Quòd si enim rectæ rationi adversetur, desuetudo potius est , quàm consuetudo , aut consuetudo quidem , verùm nequam sive spuria , qualis illa , quæ naufragorum bona addicit domino territorii , quæ florem castitatis sponsæ sponso debitam domino territoria*i* præcipiendum & præcerpendum offere , quæ marito defuncto uxorem vivam cum eo Vulcano consecrat , quæ accusatorem furti furem suspendere cogit , carnificem in acta supplicii deficientem lapidibus obruit. Judæos inverso corpore suspendit appensis canibus molossis , nobilibus hominem occidentibus capitalem poenam , pecuniâ cadaveri impositâ , pro sepulturæ honoribus , remittit , dictatori moribus Romanis licentiam dat , ut , quem velit civium , indictâ causâ impunè interimere possit , quæ lues porius , quàm leges . Est namque unum jus , & una lex , quod jus , & quæ lex , est recta ratio imperandi & prohibendi , quæ ubi cessat , cessat jus , & cum eo insimul lex. Utut interim non levis consuetudinis sit autoritas ad præstandam domi excusationem à poenâ , juxta illud Augustini , dicentis , quia tunc mos erat , peccatum non erat , nunc quia mos non est , peccatum est , & alteram Senecæ , nihil pronunciantis.

nunciantis in uno aliquo judicari notabile aut fœdum, quod genti suæ publicum est, quare nec pœnale aut punibile ex hoc capite, Quod enim lege permitte fit, id pœnam non meretur, ergò &, quod consuetudine, ut quæ legis vim habeat, jurisquè scripti fit loco. Scilicet inter causas malorum nostrorum hæc non est postrema, ait idem Seneca, quòd ad exempla vivimus, nec ratione componimur, sed consuetudine adducimur, Quòd si pauci facerent, nollemus imitari: Cùm plures facere cœperunt, quasi honestius fit, quia frequentius, sequimur, & recti apud nos locum tenet error, ubi publicus factus est, fit autem consuetudine Sed transeat sanè cum cæteris erroribus etiam hic error. Quòd si jures rogare, quomodo præallegata jura, ut convenient, ita disconvenient inter se, respondebo, jus naturale & gentium convenire ratione formæ, ut quæ eandem habeant normam, nempe rationem naturalem, quæ in omnibus hominibus est eadem, sicut ubique & semper una eademquè est humana natura, hoc & civile ratione materiæ, eò quòd utrumque versetur circa res homini proprias, at disconvenire idem jus naturale & gentium ratione materiæ, eò quòd jus naturæ positum sit in iis rebus, quæ ho-

mini communes sunt cum bestiis , v g ,
 in maris & foeminæ conjunctione , nato-
 rum procreatione , eorundemquè tem-
 porariâ educatione , quas res tamen ho-
 mines faciunt & faciunt vi rationis na-
 turalis, bestiae verò cœco quodam instin-
 ctu atque imperu , eoquè à juris naturâ
 alieno , jus gentium contrâ positum in
 rebus homini propriis , v g , in gentium
 discretione , dominiorum distinctione ,
 regnorum constitutione , commercio-
 rum institutione , bellorum gestione ,
 disconvenire ratione dispositionis , eò
 quòd homo , quâ homo , ad juris natu-
 ralis notitiam & obedientiam disponatur
 in primo naturæ momento , sive , per pri-
 mam naturæ inclinationem , ad juris ve-
 rò gentium notitiam atque obedientiam
 in secundo naturæ momento , sive per
 secundam naturæ inclinationem , qua-
 renus idem homo est membrum generis
 humani , societatis , inquam , humanæ ,
 ad illam sine discursu explicito , ad hanc
 cum , ad illam sine dependentiâ à pote-
 state humanâ , ad hanc cum , tanquam
 per jus positivum humanum , derivatum
 à naturali , saltem non naturale in rigore ,
 factâ suppositione , v g , divisionis
 honorum , absque quâ præceptum non
 faciendi haud haberet locum , non magis
 quàm præceptum serviendi dominis .
 nisi .

nisi suppositâ servitute, disconvenire ratione evidentiae & probabilitatis, tam quoad præcepta affirmativa, quàm negativa, eò quòd jus naturæ inferat necessitatem rei præceptæ ex solâ rei naturâ, per evidentem relationem ex principiis naturalibus, prohibeatquè aliquid, quia per se malum, non quia prohibendo demùm malum fiat. non sic jus gentium, disconvenire ratione universalitatis & immutabilitatis, eò quòd jus gentium non sit tam universale & immutabile, atque jus naturæ, cùm hoc omnibus sit commune, illud non semper omnibus, sed ferè omnibus, hoc magis sit necessarium, illud minùs, quod autem non æquè commune & necessarium, illud nec æquè immutabile, disconvenire hinc jus naturale & gentium à civili, alterum horum, & ratione materiæ, eò quòd jus naturæ versetur circa res homini cum bestiis communes, jus civile circa res homini proprias, & ratione formæ, quæ juris naturæ convenientia cum ratione naturali, juris civilis cum ratione civili, alterum ratione formæ tantùm, ejusquè tam internæ, quæ juris gentium similiter convenientia cum ratione naturali, juris civilis verò convenientia cum ratione civili, quàm externæ, quoniam jus gentium, non scripto, sed moribus, iustificuè

quæ, non unius alteriusvè civitatis provinciae, aut gentis, sed omnium, aut tantum non omnium, gentium constat, jus civile contra scripto, non moribus, aut moribus quidem, verum municipalibus aut provincialibus, universalitatisquæ atque immutabilitatis inde natæ, quæ minor in jure civili, quod quoad singula præcepta facile in totum abrogari potest, major in jure gentium, quod tantum in unâ vel alterâ parte diminui potest, neutro interim horum jurium moraliter existente mutabili in totum, quoad totam, inquam, collectionem præceptorum, quia neutrum potest vel à toto genere humano absolutè tolli, ita ut nullum amplius detur jus gentium aut civile sive civitatis. Ut brevè faciam, jus civile ad jus naturale & gentium se habet, tanquam rivulus ad fluvium, & hic ad fontem, quia ex jure naturali & gentium derivatur velut conclusio specialis ex propositione generali, vel ut specialis determinatio axiomatis generalis.

Officium Justitiæ Universalis circa suum Objectum, vel Primarium est, vel Secundarium. Officium Primarium Justitiæ Universalis est, Æquitatem Naturalem Colere atque Exercere Ritè. Ut enim jus naturâ nullam correctionem aut laxationem admittat in thesi, tamen ad-

mittit

mittit in hypothesi, circumstantiis personarum temporum locorum & rerum sic postulantibus, quæ si negligerentur, factum contra jus naturale futurum foret quibusdam in casibus. Hinc fit, ut leges naturæ inferiores à superioribus subindè mitigentur, ubi ambæ servari nequeunt, lex, v g, suum cuique tribuere, à lege, neminem lædere, in materiâ depositi, reddendi prodigo vel furioso, quarum illa inferior, hæc superior, lex non occides, quæ secundæ tabulæ, à lege, diliges Deum supra omnia, quæ primæ tabulæ, in historiâ Patriarchæ Abrahami, quarum illa iterum inferior, hæc superior, Deo legem ponente, non sibi, sed hominibus. Ut enim in hac majore. non occides, ne Deus quidem dispensare possit, tamen in minore facere est potius, ut homicidium non sit, per quemcunque tandem executio fiat, quod sine ejus indultu alioquin rale foret. *Officium Secundarium Justitiæ Universalis est, Equitatem Moralem, dicam, an Civilem Colere atque Exercere Ritè*, universalem sententiam legis, ad casus non expressos, secundum rationem utilitatis, & finem legislatoris, accommodando, extensâ v g poenâ parricidæ in matricidam, ob rationis identitatem, ideoquè & juris, benigne vè interpretando, ejusquè mentem potius,

potius, quàm verba, respiciendo, remissa contra legem, si peregrinus conscensit murum, capital esto, poenâ capitali peregrino, conscendenti muros civitatis, ut hostes dejiciat, quem peregrinum, si adesset legislator, æquè absolveret, ac vir æquus bonus, vicem ejus subiens per ejus absentiam, exacto & stricto jure neglecto, eò quod circumstantiæ loci temporis & personæ, ipsaquè adeò legislatoris mens, mitigationem requirant in hoc particulari casu, regulamquè Lesbiam sive plumbeam flexibilem & applicabilem, non Atticam inflexibilem, arque uno tantum applicabilem modo, hoc est, ad casus expressos & determinatos, non indeterminatos, determinatione procedente ex jure naturæ, quod vir æquus bonus rationabiliter sequitur, illius principia præsupponens, & hinc deducens conclusiones illis correspondentes, pro re natâ, ne v g in nostro argumento maleficio patiat, cui debetur beneficium, contra omnem rationem, quare & jus rationale, quocum pugnat jus summum, non quidem ratione constitutionis, quomodo quò magis est summum, hoc est perfectius, sed ratione interpretationis, cum v g in calumniam & sycophaniam vergit, facitquè jus pendere ex verbis, cum non verba

ba veniant in judicium , sed ea res , cu-
jus causâ verba in leges conjecta sunt,
quas scire , non est earum verba , sed vim
& potestatem tenere , executionisque ,
sumtum pro jure rigido & stricto sine mi-
tigatione , quam legislator admitteret
propter aliquam circumstantiam & pro-
babilem causam , vigorem ejus, dicam ,
an rigorem , suspendendo. *Subjctum*
Justitiæ Universalis , & ipsum , vel Ne-
gativum est , vel Positivum. *Subjctum*
Negativum Justitiæ Universalis , præter
Deum , & *Seipsum* , sunt *Falsò sive Ap-*
parenter Iusti Universaliter. *Præter*
Deum , in quem non cadit Justitia univer-
salis , nisi admodum abusivè , cum in eum
non cadat appetitus sensitivus , qui subje-
ctû ut quo virtutû moralium , perfectiove
accessoria per habitum acquisitum more,
in moderamine rerum alienarum cõsi-
stentem , non habentem locum in Deo ,
cum Dei sint omnia , qui , quantumvis
bonis abundet , nunquam tamen plus
justo habet , nonquam in iis est nimium ,
& proindè nec jus : Ne dicam , quòd
indignæ sint Deo actiones rerum contra-
hendarum : *Et Seipsum* , cum erga se
non magis quis possit esse universaliter
justus , dum sibi jus suum tribuit , quàm
clemens , dum sibi ignoscit , misericors ,
dum suis malis tangitur , liberalis , dum
sibi

sibi quid donat, comis & urbanus, dum erga se est affabilis, secumquè ludit & jocatur: *Falsò sive Apparenter Iusti Universaliter*, quales, qui alicui jus suum tribuunt, verùm inviti, vel coacti, non suâ sponte, & deliberato animi consilio, consultò, inquam, & cogitatò, quiquè adeò semel atque iterum faciunt ea, quæ justa sunt. Sicut enim injustum propriè vocamus eum tantùm, qui habitum injustitiæ contraxit, non qui actum, ita & verè justum eum tantùm, qui ex electione atque habitu agit, quod justum est, non, qui opus aliquod justum edit, inscius fortè, aut invitus, coactusvè, cùm possit quis agere, quæ justa sunt, ut non fiat ideò ocyùs justus, denominatione sumtâ, non tam ex actu, quàm ex habitu, in scholâ. Dico, in scholâ, purâ morali. In foro enim, non tantùm virtutum sed etiam vitiorum nomina iis tribuuntur, qui actus virtutum & vitiorum scientes ac volentes perperrant, licet ex dispositione sæpè potiùs, quàm bonitate vel malitiâ habituâli, atque ita justus vel injustus etiam is rectè dicitur in foro, qui vel semel sciens volens jus fecit injuriamvè. Ut ita tam justus quàm injustus audiat, uno modo, qui agit justa vel injusta sciens prudens, v g; justus Cambyfes, qui semel injusto judici pellem detraxit, eâquè

eâquè intravit tribunal judicarium; geminoquè exemplo fur, quisquis furatur, adulter, quisquis adulterium committit, alteto modo, qui ex habitu & proæresi justè vel injustè agit, qui κατ' ἐξοχήν ita vocatur, v g, Aristides cognomento justus κατ' ἐξουσίαν, & sic fur formalis ac formularius, qui non semel tantùm furatus est, adulter, qui non semel tantùm adulterium commisit, sed sæpiùs, quodam quasi animi morbo incurabili, qui modus loquendi est hujus loci. Etsi enim Ethica meritò iis loquendi formulis uti debeat, quæ non abhorrent à communi consuetudine, & à populari sermone non multùm recedunt usu loquendi, tamen in philosophando accuratè distinguere eadem debet inter actus nudos & habitus usu artis, hominemquè idèd justum potius describere ab habitu, quàm ab actu.

Subiectum Positivum Iustitiæ Universalis sunt in genere Verè seu ὁμοίως Iusti, in specie verò Supremus & Absolutus Princeps. In genere Verè seu ὁμοίως Iusti, quales, qui non tantùm propensi sunt ad res iustas gerendas, easquè gerunt, sed gerere quin etià volunt, idquè constanter & perpetuò. Qui enim tantùm semel aut bis, non autem semper, & in omni eventu, vellet cuique jus suum reddere, ille non est verè justus, cùm id etiam competere possit.

possit injustissimo, quoniam nemo tam injustus, quin interdum illud velit, quod justum est, saltem materialiter, idquè vel quodam animi affectu, vel specie virtutis, vel suasu amici, vel impulsu hostis, judicisvè, vel appetitu & spe laudis, majorisvè commodi, non formaliter, quomodo qui agit, semper est justus, quia agit ex habitu, hoc est, sciens spontè & perseveranter. Nec est, quòd dicas, justitiam justum justè esse conjugata, ideoquè, qui justum agit vel semel, eum eo ipso esse justum, agerequè justè, quia, cui utrumque conjugatorum competit, huic competat & alterum! Respondeo, conjugata esse, vel quoad nomen tantum, vel quoad rem, vel quoad nomen & rem simul, primæquè classis conjugata esse justitiam justum justè, hoc est, nominalia, non realia, ideoquè nihil concludere realiter. *In specie Princeps Summus*, tum quia huic totius Reipublicæ cura peculiari ratione est commissâ positivè, inclinante hunc justitiâ universali ad omnium virtutum, & per consequens legum observantiam, uti eas & ipse domi servet, & à subditis suis servari curet, cujus observantiæ causâ, adeoque

*Hæc unâ reges olim sunt sine creati,
Dicere jus populis, injustaque tollere
facta, tum*

tum quia dictum principem de facili
justitiæ capit oblivio negativè , ade-
ptâ licentiâ , propter ingenium ejus
versatile , quod , si bonum , cor-
rumpitur dominatione , si malum ,
erumpit in dominatione , ubi nihil est ,
quod retinet , eò quòd legibus sit solutus ,
si minùs quoad vim doctrinalem , docen-
tem , quid omittendum & committen-
dum sit , & directivam , obligantem ad
obedientiam , minimùm quoad vim cor-
rectivam , obligantem ad pœnam , qua-
rum obligationum duæ priores à tertiâ
separati queunt , actuquè separantur in
nostro subjecto , hoc est , principe absolu-
to , qui , ut respectu doctrinæ & dire-
ctionis non non sit subjectus legi vel à se
latæ , tamen non item respectu corre-
ctionis , immò ne directionis quidem
semper , non utique , cùm ratio legis ,
v g , de pendendo tributo , non concer-
nit pariter principem & subditos , aut
lex aliqua est abrogata , quo in casu desi-
nit esse lex , quare & obligare. Di-
ces objectabundus & responsabun-
dus , sic principem sibi ipsi videri te-
neri ad præstandam domi obedientiam !
Immò verò , sed ratione honestatis & de-
centiæ scilicet , hoc est , quatenus leges
illæ spectant bonos mores , non ne-
cessitate obligationis propriè dictæ ,
cùm

cùm enim à principe legislatore lata lex eum dicitur obligare, tunc non tam consideratur, ut ipsius, quàm honestatis & justitiæ communis, præceptum, omnes obligans ad obsequium, v. g. lex Solonis Solonem, Lycurgi Lycurgum, Charondæ Charondam, Zaleuci Zaleucum, Mosis Mosen, legem naturæ violaturos, siquidem nollent obligari suis legibus, quas cùm toti tulerunt universitati, cujus sunt pars, etiam sibi tulerunt, eò quòd eos legis ratio pariter attingat, quare & obliget, Turpe quippè foret in hoc toto colectivo, si pars, eaque princeps, haud congrueret cum suo toto in iis, quæ partibus omnibus sunt communia, atque ad salutem totius faciunt. Absit enim, ut hominem sinamus dominari in civitate benè rectâ & regulatâ, qui, qualiscunque tandem sit, affectibus est obnoxius, & corruptibilis ab intuitu personarum, ut apud quem sit iræ locus, locus odio, metui, gratiæ, auctoritati, potentiæ, beneficio, pecuniæ & muneribus, sed benè rationem, hoc est, legem, quæ semper sibi similis, atque ad omnia immobilis, quibus homines solent moveri ad acceptionem personarum, cùm sit res surda atque inexorabilis, nihil laxamenti aut veniæ habens, neque salubrior & melior inopi quàm potenti, potenti quàm

quàm inopi, ideoquè homine dignior,
quia communior, quò autem bonum
communius, hoc dignius, justior, quia in-
differentior, ut quæ omnes indifferen-
ter respiciat, cùm homo princeps aut
magistratus frequenter flectatur amore
odio pecuniâ, & quantumcunque bonus,
sit flexibilis, securior, ut quæ nequeat
fieri pejor, cùm princeps bonus possit fie-
ri malus, aut hominem & rationem sive
legem simul, verùm *ἄλλως καὶ ἄλλως*, il-
lum propter æquitatem, particularef-
què rerum eventus, qui non semper ex-
primuntur lege, quem defectum supplet
homo pro suâ prudentiâ, hanc propter
jus, & universalia, sive ea, quæ lege com-
prehendi & definiri possunt, illum ut
artificem, sine quo nihil potest ars, hanc
ut artem, sine quâ nihil potest artifex,
cui illa præest, partim ut norma secun-
dam quam imperium suum conformet
homo rex adminiculo justitiæ universalis,
partim ut frenum, quo affectus ejus co-
erceantur in operando, qui affectus uni-
versè magis locum nescio quomodo in-
veniunt in legum executoribus, quàm
conditoribus, eò quòd in his minor sit
suspicio affectus pravi, cùm statuant ge-
neratim, & pro tempore futuro, major
contrà in illis, eò quòd decident in ca-
su particulari, concernente personas

notas & præsentes , ubi duplo major occasio sinistrae affectionis. Tribus, quod ajunt, verbis: Cùm in omnibus hominibus necessaria justitia universalis, tum in principe viro vel maximè, in illis per prædicationem, atque ut virtus directâ, in hoc per imperium & causalitatem, atque ut virtus dirigens. *Sic descripta Justitia Universalis, quâ Objecto, quâ Subjecto, utroque tam Negativo quàm Positivo, differt à Virtute Universâ, quod idem habitus, quatenus ad exercitium boni actus inclinat subjectum sive habentem, præcisè virtus dicatur, eaque nuda, atque in se spectata, quatenus verò refertur ad alterum, huicquè deservit, virtute suâ alios, totamquè Rempublicam beans, præcisè iustitia dicatur, illic consideratus ut κτῆμα, hîc ut ἄνθρωπος: Quæ differentia in distinctione, non reali sive rei, sed rationali sive rationis, modo, inquam, considerandi, non essendi, quasi toto esse differant, consistit. Nullam quippè aliam virtus universa à justitiâ universâ essentiam habet, at benè existentiam & operationem, illâ agente domi, hâc foris & forâs, nullâ liberalitate, magnificentiâ nullâ, fortitudine & mansuetudine nullâ existente, nisi erga alios, idquè per imperium & causalitatem justitiæ universalis, tanquam virtutis archi-*

te-

testonicæ omnibus imperantis, adinstar principis. *Extremum Iustitiæ Universalis est Injustitia Universalis in Excessu pariter & Defectu, unum & idem re vitium, differens interim ratione*, contrà quàm sit in aliis virtutibus. Cùm enim aliarum virtutum extrema, v g, audacia & timiditas, diversis operationibus committantur atque contrariis, unicâ autem operatione impossibile sit agere secundum audaciam & timiditatem, quæ sunt excessus & defectus fortitudinis, adeoque duo sint vitia distincta, differentia inter se, & re, & ratione, injustitia una & eadem res, unicâ operatione conficit & plus & minus, excessum, inquam, & defectum, qui sunt idem re, differunt ratione. Etenim, qui v g aufert, & plus habet, & alicui aufert, cui verò aufertur, is minus habet, & aliquid perdit, quo fit, ut una eademque ablatio faciat plus habere eum, qui aufert, & simul minus eum, cui aufertur, sicquè injustitia, unum re vitium, conficit utrumque extremum, differens ratione tantùm, prout subit rationes plaris & minoris, excessus & defectus, quia licet sit eadem res injustitia, tamen est alia ejus ratio, ut est plus, alia verò, ut est minus. Cùm ergò opponitur justitiæ injustitia, hæc subit vicem duorum extremorum, non

vitiosorumvé habituum, quorum extremorum alterum est plus habere de bonis, putà, divitiis & honoribus, & minus de malis, putà, laboribus & damnis, alterum verò minus habere de bonis, & plus de malis. *Injustitia Universalis* est vitium morale, quo non præstatur obedientia legibus, humanaquè societas turbatur, sicut contraria justitia universalis, & vi contrariorum, virtus moralis, quâ præstatur obedientia omnibus legibus, ad publicæ societatis conservationem, illa *ἀνομιὰ* Græcis, hæc *ἀνομία*. Universalis namque injustitia ita se habet ad cætera vitia, ut universalis justitia se habet ad cæteras virtutes: Quare, sicut hæc idem est, quod universa virtus, cæteras virtutes ambitu suo complectens, ita illa idem, quod universum vitium, cætera omnia vitia sub se continens, hoc cum discrimine interim, quòd justitia universalis in uno numero homine, sive uno individuo, esse possit, eò quòd virtutes non contrariantur inter se, non item universalis injustitia secundum totam suam latitudinem, cùm vitiorum mutua contrarietas id non permittat, de quorum ratione & conditione est, ut inter se dissideant, atque ita dissideant, ut simul se compati nequeant, eò quòd malum seipsum destruat, quod si integrum, intolerabile.

Sic

Sic v g unus idemquè homo simul avaritiâ & prodigalitate, audaciâ & timiditate, nimiâ lenitate sive lentitudine & crudelitate, laborare nequit, cùm unum illorum vitiorum alterum suâ naturâ pellat, non in eodem genere tantùm, sed in diverso, v g, ambitio avaritiam, hæc ebrietatem. Accedit, quòd cùm omni virtuti duo repugnent vitia, qui uno horum laborat, ille nequeat simul laborare altero, v g, simul esse timidus & audax, avarus & prodigus, quo fit, ut non necesse sit, vitia inter se sororio vinculo esse connexa. Quæres tamen non impedit, quòd minùs hâc ratione injusti dicantur, qui omnibus vitiis oppleti sunt, quia tantum vitiorum tunc intelligitur, quantum cadere in unum hominem potest. *Obiectum Injustitiæ Universalis sic est Injuria, ut Justitiæ Universalis Jus,* estquè illa nihil aliud, quàm damnum, quod invito à volente immeritò infertur. Cùm autem triplex sit damnum, unum, quod ab invito fit, alterum quod à sponte agente, tertium, quod ab eligente pariter & volente, quorum illud ἀτύχημα Græcis, casus fortuitus Latinis, istud αἰμάρτημα Græcis, culpa Latinis, hoc ἀδικημα Græcis, injuria Latinis, non quodvis horum damnorum injuria, sed ultimum: Non primum, quia ἀτύχημα, sive

casus fortuitus, qualis, qui humano capiti prævideri nequit, aut, si maximè prævideatur, nequit impediri, est, si quid à nobis fiat *παράλογως*, inopinatò atque inexpectatò, sive per ignorantiam probabilem, & contra saltem præter rationem quodammodò, ut si quis magistratui debitum honorem non exhibeat, tecto decidens prætereuntem ruinâ fortè opprimat, venatorvè feram persequens hominem in vepreto delitescentem, Cephalus v.g. uxorem suam Procrin, pro ferâ jaculo conficiat, quo in casu, non solum præter voluntatem agentis, sed præter opinionem atque expectationem omnium, damnum illatum est, neque quicquam, nisi per accidens, attulit, qui occidit, cum injuriâ fiat à volente & sciente. Dico *ἀτύχημα*, sive casus fortuitus, ut distinguam ab *ἀτυχία*, sive infortunio, quæ voces, non iam factum fortuitum, quàm calamitatem & adversam fortunam, valent. Non secundum, quia *ἀμάρτημα* sive culpa est, si quid committatur vel omitatur, *μὴ παράλογως* sive inopinatò atque inexpectatò quidem, absque malitiâ tamen, hoc est, affectatâ ignorantia, sinequè adeò animo nocendi, id quod multis modis accidere potest, ignorando, quem, quo modo, quâ re seu organo, & cujus rei causâ, læseris,

læseris , ut , si quis ex fenestrâ , in viam publicam , quâ transire solent homines , jaculatus prætereuntem percussit , qualis quidem nolens hominem percussit , causam interim aliquam attulit læsionis , eò quòd in viam publicam telum emisit. Atque hinc eadẽ apparet discrimen ἀτύχημα inter & αἰμάρτημα. Etenim αἰμάρτημα est tunc , cùm in ipso peccante fraudis aut noxæ fuit principium , ἀτύχημα verò tunc , ubi principium totum est extra agentem , neque in facientis potestate , quâ ratione alter peccare dicitur , ut in quo aliquid sit situm , quicquẽ non facere potuerit , alter verò non , ut in quo nihil sit positum , nullaquẽ culpa , lata , latior , latissima , immò ne levis quidem , quid levis , quin immò ne levissima quidem. Cæterùm Culpa Lata est omissio ejus diligentiaẽ & circumspeditionis , quam passim homines ejusdem conditionis adhibere solent , ut si quis librum commodatum relinquat foris ante ostium. Culpa Latior est dolus præsumptus. Culpa Latissima est dolus apertus , cùm deliquit quis affectatâ ignorantia , negligentia vè , quam sequitur incommodum , obrendens ignorantiam in iis rebus , quas omnes homines , communi sensu prædicti , intelligunt , aut non adhibens eam diligentiam in rebus alienis , fidei suæ

commisissis, quam adhibere assolet in propriis. Culpa Levis est omissio communis diligentiae, quâ utuntur patresfamilias boni, sive, cum quis, peccans consuetâ in suis rebus negligentia, non praestat in rebus alienis ea omnia, quæ diligens paterfamilias in suis rebus adhibere solet, v g, servus euangelicus, defodiens talentum domini sui. Culpa Levissima est omissio ejus diligentiae, quam non diligens, sed diligentissimus paterfamilias, adhibere consuevit in rebus suis, hoc levior hinc culpa, quod castigatior inde diligentia, quia non est cuiusvis talis diligentia, sed curiosissimi. Non primum, inquam, aut secundum, verum tertium atque ultimum, quia *ἀδίκημα* sive injuria est damnum, cum quis nocet sciens, atque eo animo, ut noceat, sive id fiat fraude, sive vi, quarum utraque à proposito ac studio nocendi proficiscitur, utraque etiam invito infertur, sed vis scienti, fraus ignorantii, consultò interim ac cogitatò utraque, non item similiterquè, cum quis irâ amore aliove animi imperu concitatus, sine deliberatione ullâ, alteri nocet, qui *ἀδικεῖ μὲν*, neque interim *ἀδικός ἐστι*, eò quod non ex proæressi, atque ex malitiâ, seu habitu vitii, peccet, verum *διὰ πάθος*, per affectum, qualia *ἀδικήματα* sunt
ἀπὸ

ἀπροαίρετα καὶ ἀπροβούλευτα, ut horum
causæ, πᾶσι πάθῃ, putā, quæ ut sint ἐκούσια
propriè, quia cum scientiâ, & quia vo-
luntas ea frenare, & potest, & debet, ta-
men ἀκούσια impropriè, quia horum non
est autoris, qui irâ aut aliâ animi per-
turbatione commotus quid fecit, sed
is, qui laceffivit. Atque hujus rei si-
gnum est, quòd ii, qui injuriæ postulan-
tur, quam non intulerunt deliberato ani-
mo, sed justâ irâ provocati, confitentes
factum soleant se tueri ipso jure, cùm,
qui deliberato ànimo alicui intulerunt in-
juriā, non se jure, sed facti negatione,
soleant defendere. Scilicet quatuor modis
injuriā quis inferre dicitur, inscīenter, sive
per ignorantiam, invitè & fortuitò, sive
præter intentionem, furenter, sive per affe-
ctum, insaniamvè, denique spontaneè &
consultò, sive per malitiam, Atque ab hoc
quarto modo formaliter quis injustus di-
citur: Non à primo, quia ignorantia incul-
pata excusat de injustitiā, siquidē sit facti,
& per consequens de injuriā, qualis, quan-
do ignoramus, non, an honestè vel inho-
nestè quid fiat, sed facti tantum circum-
stantias, sive principales, ceu sunt, ob-
jectum, circa quod versatur actio, & finis
particularis, propter quem suscipitur
actio, sive minùs principales, ceu sunt,
locus, tempus, instrumentum, antece-

dentia, consequentia, connexa, ignorantia item juris particularis, quâ ignoratur aliquod speciale atque extraordinarium edictum, vel mandatum, promulgatum à magistratu, qualis ignorantia ad tempus excusare potest, sed ad tempus scilicet, non semper & perpetuò: Non à secundo, quia, quod quis invitus & fortuito facit, illud moraliter non fecisse putatur, nisi fortè per accidens, hoc est, efficiendo illud, cui hoc accidit, ut sit injustum, siquidem fuisset spontaneum: Non à tertio, quia, qui per affectum, dummodò non sit atrocissimus, insaniamvé, facit id, quod injustum est, hoc facit per accidens, atque indirectè, saltem non ità directè, atque qui sciens, & suâ sponte, qui absolutè injustus. Ut ita quid injustum esse possit, quod tamen non sit ἀδίκημα injuria, ut cùm voluntas fertur in causam, v g, in ebrietatem, neque interim in effectum, siue mala ebrietatis, aut furiosus quem occidat, sed illud tantùm, quod scientis & volentis est, cùm nemo possit ἀδικεῖσθαι, injuriam accipere, si non sint ἀδικῶντες, injuriam facientes. *De hoc Objecto Injustitiæ Universalis, siue Injuriâ, disputatur in Peripato, tum ratione Subjecti Ferentis Injuriam, hoc est, Injuriati, an videlicet volenti ea queat fieri, tum ratione Subjecti Infereptis Injuriam,*
hoc

*hoc est, Injuriantis, an videlicet quis eam sibi queat facere, atque ita simul esse, & Injuriatus, & Injurians? Quod attinet primum nodum, an videlicet volenti possit fieri injuria propriè dicta, hunc solvunt Moralistæ, distinguendo Voluntatem inter Rectè Compositam, Regulatam, Solutam, Absolutam, Plenam, Expressam, Injuriamquè in Sensu Formali, & Voluntatem Defectu Laborantem, Erroneam, Ligatam, Conditio-
natam, Semiplenam, Tacitam, Injuriamquè in Sensu Materiali. Priori concipiendi modo injuriam fieri posse negant volenti, tum quia contrariorum contraria sint attributa, facere verò & pati injuriam sint contraria, quare si illud voluntarium, hoc involuntarium, tum quia injuria sit spontanea & malitiosa læsio, nemo autem se spontè & malitiosè lædat, lædivè velit, cùm nemo intendens ad malum operetur, injuria autem sit in malis, tum quia nemo appetat simpliciter sui destructionem, appeteret autem appetendo injuriam, conjunctam cum boni alicujus privatione, majori minori-
vè pro re natâ. Quod si ita, cùm Glaucus Homericus dat arma aurea, accipitquè ferrea ab hospite Diomede, eo ipso haud passus est injuriam, quia dedit spontè, inquè potestate ejus fuit non da-*

re. Permutatio quidem ipsa fuit injusta, permutanti interim non est facta injuria, quæ nolentis, non volentis, & a faciente non patiente. Cum deinde mercator plaris vendit mercem, quàm par est, emtorquè sciens, non egestate pressus, tantum solvit ex liberalitate, quantum venditor petit, & hæc emtio est injusta, emtori tamen non fit injuria, quia emtor, cui aliàs fieri potuisset injuria, cessit de jure suo. Sed nec virgini fit injuria, quæ volens patitur stuprum, cumquè scortator multatur, multatur non ob injuriam illatam virgini, sed familiæ & Reipublicæ. Atque hoc innuere videntur verba Euripidis in Bellerophonre, ubi patricidium excusans filius, matrem, inquit, peremi meam, sponte & suâ & meâ, aut suâ, non meâ, vel, volens volentem, seu volentem non volens. Pertinent huc & sequentis commatis quæstiones: An fiat injuria, si volens quis veneat, & servus fiat? Si cui furtum fiat volenti? Si quis vastet vineam custode consentiente? Si minus quis accipiat, quàm ipsi debetur, idquè ferat æquo animo? Si reliquum debitori remittat? Si convicia, verbera, & id genus alias contumelias, patienter ferat? Ex quibus perspicuum, posse quem injustam rem perpeti volentem, ut ramen nullam accipiat injuriam. Ut enim:

enim omnes, qui perpetiuntur injuriam, etiam perpetiantur rem injustam, tamen non contrà, qui perpetiuntur rem injustam, etiam perpetiuntur injuriam, quia fieri nequit, ut accipiat injuria, ubi nemo est, qui eam intulit, ut si v g ignorans quis alium percutiat, qualiter percussus non accipit injuriam, eò quòd percussor illam non faciat, quippe ignorans, quamvis injustum interim, & ille faciat, & hic patiatur. Ut ita omnis injuria quidem sit injustum factum, quippè læsio malitiosa. non contrà omne injustum factum ocysus injuria, cùm possit esse læsio casualis, non causalis. Posteriori concipiendi modo injuriam fieri posse affirmant volenti, Voluntate Defectu Laborante, sive eclipsin moralem patiente, propter perturbationem nimiam, quomodo armiger Saulis haud dubiè injuriam intulisset homini desperabundo, si ipsum cædem sui præcipientem trucidasset, licet eam non appeteret sub specie injuriæ: Voluntate Erroneâ, sive ea sit simplicis & puræ negationis, quomodo Josephus haud dubiè fratres suos magnâ affecisset injuriâ, si in voluntariâ eorum sententiâ, contra seipsum dictatâ, acquievisset, sive pravæ dispositionis, ut si quis furioso petenti cultrum porrigeret, eoquè ille se vel alium læderet: Vo-

Iurante hinc Ligatâ, vel Naturaliter, ut si puer vellet omne, quod suum est, alteri largiri, & is oblatum acciperet, qui injuriam utique hætenus pateretur volens, vel Moraliter & Civiliter, ut si quis alteri volenti manum detruncaret, cum nemo sit dominus membrorum suorum, ita ut de iis possit pro suo arbitrio dispensare. Ut enim cessio juris locum habeat in iis, in quibus jure nostro cedere possumus, v g, de famâ honore & bonis externis, quorum sumus domini, quia sunt dispositionis nostræ, tamen non item in iis, quorum non sumus domini, sed custodes tantum, ut vitæ & membrorum, in quibus jure nostro cedere haud possumus, aut, si cedamus, cessio est invalida, permansente toto jure in vigore, ut si quis interficeret Titium volentem, aut eo volente adulterium committeret cum uxore ejus, malè, quia neutro jure valuit cedere, nec alter sic cesso uti, utroque peccante, quia alter voluit, quod velle per leges non licet, alter verò fecit, quod facere per leges non licet: Voluntate insuper Conditionatâ, ut, si sub certâ conditione quis persolvat usuram ultra sortem egestate pressus, quò præsentî necessitati subveniat, idquè volens nolens, qualis injuriam patitur, quia ita vult, ut mallet simpliciter sortem restituere.

tuere absque usurâ , saltem tali usurâ , si-
quidem gratis usurarius , licitâvè usurâ ,
pecuniam mutuari vellet , sicut & is , qui
latronibus pecuniam dat volens , quò vi-
tam redimat , etsi volens eam det , quia
non censetur viator cessisse jure suo , si
quo modo involuntariè , renitentequè ac
reclamante affectu , consentiat , inductus
ad id ab eo , qui læsurus est , intervenien-
te ex unâ parte voluntate , ex alterâ verò
dolosâ persuasione , jam verò is , qui deci-
pitur . pro non volente habetur , cui idèò
fit injuria , ex hoc capite : Voluntate
præterea Semiplenâ , putâ , cùm volens
non habet voluntatem integram suprâ
totam actionem cadentem , ut cùm mar-
tyres volentes martyrium patiuntur , quò
lucrentur cœlum , nolentes verò , ne mar-
tyrisantes in æternum pereant , atqui ,
cùm volens non totaliter sed partialiter
quid vult , alioquè fine & modo vult læsi-
onem , quàm ipsi infertur , v g , martyres
ut veram religionem sanguine suo confir-
marent , tum *δογματικῶς* , tum *παράδειγ-
ματικῶς* , martyrisantes contrâ , ut eam stir-
pitùs extirparent , excruciatùs & excarni-
ficatis confessoribus ejus , næ ille hætenus
injuriâ patitur , quoniam , ne cui inju-
ria fiat , non sufficit voluisse quid ex par-
te , verùm omni ex parte . Adhuc Volun-
tate Tacitâ , si v g invidus volens patiatur
leviusc;

leviusculum damnum, quò alteri noceat, Titiusvè sibi velit Sempronium furari æquum, quò ei suspendium adjudiceretur, qui Sempronius si optatà Titii exequeretur, næ ille injuriam pateretur volens, ut non voluntate expressâ, saltem tacitâ: (Atqui Titius eo ipso juri suo renunciavit, cui idèd cùm aufertur equus, non fit injuria, quia jus equi à se abdicavit, nec ampliùs habet, cùm privatio & habitus sint in eodem subjecto, quo fit, ut, qui non habet jus in rem, in eum cadere nequeat injuria, siquidem Titius expressâ voluntate id volùisset tamen, non tacitâ:) Denique in sensu materiali, non formali, ut cùm avarus, suum defraudans genium, opes multas corradit, qui injuriam quidam sibiipsi infert volenti in sensu materiali, si nudus actus, absque consideratione intentionis ad ulteriorem finem, perpendatur, at non in sensu formali. Quamvis enim, quod defraudat genium suum avarus, in se & in rei veritate, injuria sit, tamen injuria ipsi non videtur esse, eò quòd defraudatio illa genii avari ingenio sit conveniens, qui idèd injuriam sibi infert, non formaliter, sive sub specie injuriæ, & cum proposito nocendi, sed materialiter tantùm. Scilicet sicut illud propriè & per se homo facit, quod volens facit, ita illud

lud propriè & per se patitur, quod contra voluntatem suam patitur: Quo fit, ut sicut justum per se & formaliter nullus potest facere nisi volens, ita nec injustum pati nisi nolens; nisi fortè per accidens, & loquendo quasi materialiter ac concomitanter, quomodò quis poreft id, quod est de se injustum, vel facere nolens, vel pati volens, fide superiorum. Atque hâc interpunctionis spongiâ unâ liturâ inducuntur, quæ contra tritam & communem sententiam in medium afferri solent. Primò, quasi videlicet is, qui scit, secundum voluntatem alterius accidere, quod ei accidit, non videatur habere propositum lædendi & nocendi, abique quo nulla datur injuria, quam idè is non videatur inferre, aut intulisse. Ad quod objectum respondeo, eum, qui facit alteri sciens & volens, quod lex prohibet fieri, volentem lædere, lædendiquè propositum habere, hoc est, faciendi id, quod facere non licet, quare afficere injuriâ. Secundò, quasi malum nemo suâ sponte patiarur, injuria autem sit in malis, & tamen hoc stante, neque interim obstante, videamus appetere adulterum impunitatem, quæ mala utique, & contra legem! Ad quam difficultatem respondeo, magistratum, qui adultero aut homicidæ impunitatem dat, huic non facere

cere injuriam volenti, licet interim faciat id, quod malum & injustum est, cur, quia neuter eam appetit sub specie injuriæ, & formalitate mali. Terriò, quasi denique nolenti jus suum fieri queat, v. g. furi, dum suspenditur, quare vi contrariorum injuria volenti! Ad quod cavillum respondeo, furi, cum suspenditur, non propriè jus suum tribui, sed parti læsæ. Ad eum quippè ius spectat, cui facta est injuria, quoniam privatio & habitus sunt in eodem subjecto, quare ad læsum, non lædentem. Quod attinet secundum nodum, *an videlicet quis sibi ipsi possit facere injuriam proprio dictam nominatim Αὐτοφόνος sive Propricida*, hunc solvunt Moralistæ, negando, quem sibi posse facere injuriam, tum quia, qui facit injuriam, & spontè faciat, & consultò, & prior, & alteri, habendo plus, at qui injuriam patitur, & invitus patiatur, nulloquè, ut id patiatur, consilio adhibito, & postquam illata ea fuerit, & quidem alteri, habendo minus, jam verò nemo idem simul possit esse volens & invitus, consultò & præter consilium agere, priùs ac posteriùs, in se quasi in alium, & ad alterum, haberequè simul plus & minus, quorum illud in lucro. hoc in damno esse solet, eodemquè adeò tempore inferre simul & pati malum, quæ

quæ συνάδυναται, immò ἀσύντακτα, tum quia si quis sibiipſi poſſet facere injuriam, tunc aut contra univerſalem juſtitiam eam ſibi illaturus ſit, aut contra particularem, non contra illam, quia, qui univerſaliter eſt injuſtus, is peccet contra aliquam legem, nulla autem ſit lex, de non faciendâ ſibi injuriâ, arque ut maximè eſſet, ſic injuria legi fieret & Republicæ, non injuri-anti, cùm volens patiatur, quicquid patitur, non etiam contra hanc, quia hæc ſit ἀπὸς ἑαυτοῦ, nemo autem à ſeipſo ſit ἑαυτοῦ tum id facturum quis ſit ſecundum certam aliquam ſpeciem injuriæ, putà, furando, adulterando, decipiendo, id quod fieri nequeat, cùm nemo poſſit rem ſuam furari, nemo cum ſuâ ipſius uxore adulterium committere, nemo ædium ſuarum parietem perfodere, depoſitum ſibi non reddere. Excipies for- tẽ, quaſi in parentheſi, ſi quis obæraro- rum tabernam ſuam eſſringat, atque inde auferat merces proprias, ſaltem hunc vi-deri ſibi facere injuriam. Sibi autem? Immò aliis, putà creditoribus, quia fraus illa ad alios pertinet, quos hoc modo frustrari conatur. Aliud en ex-emplum ejusdem argumenti. Maritus, ſuſpectam voluntatem uxoris ſuæ tenta-turus, eam ſoliciter verbis alterius, cedo, annon tentator, alienam perſonam in-duens,

duens, alienæ pudicitiae est insidiator? At non sub specie injuriæ, vel sui, vel suæ, saltem non sui. *Quod si quis sibi nequit facere injuriam volens, ergo nec Αυτίχρης ἢ Αὐτοφόνος* sive *Propricida*, quia sicut justitia semper est ad alterum, ita & injuria, & per consequens injuria, saltem externa, quâ spontè alicui contra illius voluntatem nocetur, non perindè interna, quâ quis adversus potiore & nobiliorem sui partem, putà rationem, in eodem supposito est injurius, licet interim hoc stante, neque tamen obstante, hic talis injuriam faciat Deo, in quantum est aliquid Dei, scilicet imago ejus, faciat naturæ, in quantum est creatura rationalis, faciat Republicæ, in quantum est pars ejus. Obfigno hunc locum, & eadem operâ rotum hoc caput, gemmâ Oberti Giphanii, Philosophi & Jurisconsulti Clarissimi. Quid ergo ille? Qui facit, inquit, quod lex vetat, injuriam utique facit: Sed, qui seipsum interficit, facit id, quod lex vetat: (Neque enim lex jubet quenquam sibi ipsi mortem consciscere, quod autem non jubet lex, id vetat, persuade, in rebus turpibus & inhonestis, quæ si nominatim non cientur, aut iubentur, tacitè prohibitæ censerì debent, quomodo Solon parricidia non jussit, neque etiam nominatim vetuit, censeretur tamen

tamen vetuisse, quia non jussit.) Ergò injuriam facit: Sed nulli alii, quàm sibi ipsi, cùm ipse sit & agens & patiens: Ergò, qui contra legem sibi mortem consciscit, sibi ipsi injuriam facit! Cui difficultati sic occurrit, respondendo, Reipublicę hunc potiùs facere injuriam, quæ illum propterea poenâ afficiat, qui, si neque sibi, neque privato alii, neque Reipublicę, injuriam faceret, poenâ affici haud posset, deberetvè: Atqui aliis injuriam ab eo non fieri, hoc certum est, nisi fortè per accidens: Sed nec sibi eum injuriam facere, quia sponte suâ patitur, & hoc certum est: Relinquitur ergò, quòd injuriam faciat Reipublicę, cui subtrahit civem injustè, cùm nemo membrorum suorum sit dominus. Hæc ille, non malè, meo judicio.

C A P U T X L V.

De Justitiâ Particulari, & hujus Extremo, id est, inde & hinc, hinc & inde, Injustitiâ Particulari.

Absolutâ Doctrinâ de Justitiâ Universali, contrâ ut distinctâ ita distinguendâ à Justitiâ Particulari, transit Philosophus ab illâ ad hanc. Dicò, contrâ ut distinctâ ita distinguendâ à particulari.
Quam-

Quamvis enim justitia particularis includatur seu contineatur in universalis materialiter, non secùs ac linea in lineato, principium in principiato, elementum in orto ex elementis, unitas in multitudine, adeoque, qui est justus justitiâ universalis etiam sit justus justitiâ particulari, differt tamen ab eâ formaliter, cùm nihil sit aliud, quàm *συμμετρία καὶ συμφωνία* omnium virtutum, quod non item dici potest de Justitiâ particulari, quæ tantummodò occupata est circa *ἐπέμνη*, tribuendo cuique, quod suum est. Unde fit, ut injustitia universalis, opposita justitiæ universalis, sit *παράνομός τε*, aliquid discrepans à lege, particularis verò injustitia, opposita justitiæ particulari, *ἀνίστον* & inæquale, ipsaque justitia, cui utraque opponitur, neque *ὁμωνύμως* justitia, sive æquivocè, neque *συνανύμως* sive univocè: Non illud, quia convenient in communi genere, relatione nimirum ad alterum, in nomine, inquam, & in quâdam ratione ipsius generis, cùm utraque sit justitia, & virtus ad alium: Non hoc, quia reipsâ differunt, & quælibet habet suam propriam rationem ac naturam, versans circa diversa, universalis circa omnia, circa quæ versatur homo studiosus, ad observandas leges, ob bonum commune, particularis circa certam materiam, putà hono-

honores , pecunias , & bona externa , utraque quidem ad alium , verum illa ad Rempublicam , hæc ad hunc vel illum particularem hominem , quæ diversa *χέσις* non permittit , ut omninò sint univoca , hoc est , ut cum habeant idem nomen , habeant quoque penitus eandem rationem , cum illud , quod dicitur ad alium , diversimodè intelligatur , quæ diversa *χέσις* etiam locum habet in aliis , quomodo duo v.g. Ajaces sunt homonymi , & tamen aliquo modo synonymi , quia non differunt *κατ' ιδίαν* , seu totis speciebus , sed sunt ejusdem speciei seu generis , quia uterque est homo , & sic utraque justitia justitia , hoc est , virtus ad alium , habitusque electivus utraque. *Atque aded , dari justitiam particularem , quæ diversa sit à cæteris virtutibus moralibus , quæque sub universali justitiâ , sicut pars sub toto , contineatur , sic ostendi potest.* I. Quia , si est aliqua injustitia , ut pars totius vitiositatis , erit quoque aliqua justitia , ut pars totius virtuositatis , quoniam contrarius habitus ex contrario habitu cognosci solet : Verum prius , cum detur species vitii , quæ dicitur injustitia pleonectica , consistens tantum in plus appetendo , habens suam propriam operationem vitiosam plus appetendi , conjunctam cum injuriâ lucrandi , & plus capiendi , contraque

traquē distinctam ab aliis vitiis, putā, timiditate, iracundiā, avaritiā: Ergò! Quia si injustitia hæc particularis non distincta sed eadem foret cum universali, tum παράνομος idem & πλεονέκτης foret: Sed falsum posterius, quoniam qui cætera per vitia quid agit, ille ἀδικεῖ μὲν, injustiē quidē agit, πλεονεκτεῖ δ' οὐδὲν, sibi tamen plura haud sumit, quā par est, ut si quis per timiditatem clypeum abjiciat in prælio, aliquem verberet per iracundiam, egeni suis opibus non succurrat per illiberalitatem: Ergò & prius! Quod si ita, cū dentur duūm generum injusti, alter παράνομος, alter πλεονέκτης, dabuntur quoque duo injustitiæ genera, unum ob παρανομίαν, hoc est, legum violationem, complectens quasi totum omne id, quod contra leges est, παρανομικὸν aliter, alterum ob πλεονεξίαν, hoc est, plus habendi studium, complectens quasi pars quædam inæqualem bonorum externorum distributionem, πλεονεχτικὸν aliter: Si inquam, dantur duūm generum injusti, ut dantur, ergò & justī, νόμιμος alter, ἴσος alter, totidemquē justitiæ genera, unum ob ἐννομίαν, legum obedientiam, alterum ob ἰσότητι æqualitatem, illud ἐννομον aliter, hoc ἴσον, cur, quoniam quorū modis contrariorum unum dicitur, totidem & alterum. Quod dixi, duūm gene-

generum dari injustos , illud hoc exemplo fiet clarius. Sint duo , quorum alter quæstus causâ committat adulterium , alius ob libidinem , dans aliquid de suo , jacturamquè rei suæ faciens , uterque injustus , sed hic injustitia paranomicâ , hoc est , hætenus , quatenus intemperantia sub universali injustitiâ continetur , idquè , quia *ἀννομία* est in ordine ad ipsum operantem , ille injustitiâ pleonecticâ , idquè , quia *ἀννομία* est in ordine ad alium , quæ res argumento utique totidem numerari justos justitiasquè. Sed interpellaverit & intercesserit forsitan aliquis , excipiendo , justitiam universalem esse virtutem totam , ergò in ea contineri justitiam particularem , ideoquè haud esse opus justitiâ particulari , distinctâ ab universali ! Responderit huic fortè alius , sive totum universale , sive totum integrale , intelligatur , nullam esse consequentiam , cùm neutrum horum possit esse sine partibus , quæ subjectivis , quæ integralibus , partes verò à toto semper sint distinctæ , cùm sint totius , non totum , quare & justitiam particularem ab universali ex hoc capire. Institerit fortè alius , species re non distingui à suo genere , justitiam verò particularem esse speciem legalis sive universalis justitiæ , ergò re non distingui ab eâ ! Restiterit alius , justitiam universalem à parti-

cu-

culari certo respectu specie differre, si-
quidem attendatur distinctio justitiæ uni-
versalis quoad prædicationem, spectetur-
quæ differentia formalis, manens reliqua
inter utramque. Denique arguerit alius,
in virtutibus nihil dari superfluum, non
magis, quàm in naturâ & naturalibus,
cumquæ justitia universalis sufficienter
ordinet, ut ordinat, hominem in his,
quæ sunt ad alterum, ideò non esse ne-
cessariam aliquam justitiam particula-
rem! Redarguerit alius, justitiam lega-
lem sive universalem sufficienter quidem
hominem ordinare in his, quæ sunt ad
alterum, quoad commune bonum im-
mediatè, & quoad bonum singularis per-
sonæ mediatè, at non immediatè, ideo-
quæ oportere esse aliquam particularem
justitiam, quæ immediatè ordinet homi-
nem ad bonum singularis personæ, ad
eum modum, quo videmus, universa-
lem causam physicam sufficere ad com-
munem cum omnibus causis particulari-
bus influxum, non item ad proprium
cujusvis causæ particularis effectum
producendum. *Justitia Particularis* est
Virtus (putà Moralis sive Acquisita More,) *&*
servans Mediocritatem in Distribuendo
& Commutando, inter Plus & Minus. In
rerum quippè, tam distributione &
compensationibus, quàm commutatione
&

& contractibus , adeoque in omnibus , in quibus cuiquam injuria fieri potest , ita hominem instruit , ut nec de externis bonis , persuade præmiis , honoribus , muneribus , pecuniis , & id genus aliis , plus sibi sumat , & minus alteri relinquat . nec de malis , hoc est , oneribus & pœnis , minus sibi , & plus alteri tribuat , quàm par est , jurequè illi debetur. Sed juvat ἀναλύειν. *Definitio hæc constat Genere , & Differentiâ Specificâ. Genus Justitiæ Particularis est Virtus Moralis , cùm & ipsa suo loco sit habitus electivus , habens requisita virtutis moralis , rectam rationem pro principio agendi , mediocritatem inter plus & minus pro medio , honestatem verò pro fine , bonumquè faciens habentem , opusquè ejus rectum & perfectum dans , quod proprium virtutis moralis : Ubi autem ingredientia virtutis moralis , ibi & ipsa virtus moralis. Differentia Specifica Justitiæ Particularis explicite sumitur ab Objecto ejus , & Adjuncto Officio circa illud Objectum , implicite verò à Subiecto , positivè , inquam , ab illo , præsuppositivè verò ab hoc. Objectum Justitiæ Particularis & ipsum , vel Internum est , vel Externum , ex quo utroque simul sumto objectum ejus totale & adæ-*
D qua.

quatum conflatur, *Objectum Internum* *Justitiæ Particularis* non tam sunt *Affectus*, quàm *Actiones Internæ*. Nam tam *Affectus*, quia proprium ejus officium non est, curare, ut homo v g non irascatur nimium, nevé metuat, amet, vé voluptates plus, quàm par est, sed ut cuique præstet, quod est ei debitum, & quamvis ab hoc impediri possit per iram, timorem, amorem, voluptatum vel pecuniæ, tamen ejus non est hæc impedimenta per seipsam tollere, verùm aliarum virtutum præsidio. Omnes enim virtutes se mutuò juvant, dum quævis tollit aliarum quædam impedimenta. mansuetudo iram, fortitudo timorem, liberalitas amorem pecuniæ, temperantia cupiditatem voluptatum, quo iterum Stante, neque interim obstante, Saltem secundariò potis est justitia moderari affectus, quatenus videlicet illa moderatio affectuum est medium necessarium, ducens ad finem ipsius intrinsicum, qui est, reddere cuique ius suum, eò quòd possit quis velle moderari iram, amorem pecuniæ, timorem, ne cui faciat injuriam, exquè vi hujus intentionis possit sequi moderatio illorum affectuum, absque interventu intentionis, quæ sit alterius virtutis, quæ intentio nemi-

nem

nem lædendi utique formaliter actus justitiæ, procedens immediatè ex affectu ejus, non alterius aut aliùs virtutis. *Non tam*, inquam, *Affectus*, quàm *Acti-ones Internæ*, à quibus omnem rectitudinem moralem accipiunt actiones externæ, quæ ut rectificari haud possint, nisi affectus sint rectificati, cum Thomâ, quia ex inordinatione affectuum provenit inordinatio in operationibus ad alterum, tamen ad justitiam rectificatio earum propriè & proximè non pertinet, nisi secundum quod unus homo coördinatur alteri, & non secundum quod homo aliquàlter disponitur in seipso ab affectibus, quæ rectificatio ut sic pertinet ad alias virtutes morales, occupatas circa affectus, secundum se inordinatos ad alterum, *Objectum Externum Justitiæ Particularis universè, vel Negativum est, vel Positivum: Objectum Externum Negativum Justitiæ Particularis sunt Bona Animi*, eò quòd in iis expetendis, nec peccare, nec aliis ea dispertiri queamus cum dispendio nostro. Ut enim ἡ πλεονεξία opposita interdum de omnibus bonis indifferenter dicatur, etiam animi, inquè bonam partem, ut si quis alium superare scientiâ aut virtute contendat, tamen qui alium superare hoc modo contendit, propriè

πλεονέκτης non est, quia in his bonis quis sibi plus, quàm ratio & æquitas postular, haud arrogat, in iisque non est accipere medium & extrema, ita ut per abusum possint fieri mala & sicut honores & divitiæ, quibus homines possunt uti benè & malè, cùm sint simpliciter bona. *Obiectum Externum Positivum Justitiæ Particularis sunt Bona Fortunæ sive Fortuita*, in quibus æqualitas aut inæqualitas, partim Arithmetica, partim Geometrica, locum habere potest, ceu sunt, honor, pecunia, salus, aliæquè, quæ uno nomine non possumus complecti, propterea, quòd multæ hujus materiæ sint partes, bona, inquam, fortunæ sive externa, quæ quidem simpliciter & de se bona, at non semper alicui. Etenim viro bono sunt bona, tanquam instrumenta beatitudinis, ad exercendas operationes virtutum, malo verò mala, propter illorum abusum, Quamvis namque propriè, nec bona sint, nec mala, tamen si alterutrum dicendum sit, bona potiùs quàm mala appellantur, diversificanturquè secundum usum. Atque hæc non quovis modo in justitiâ spectantur, sed quatenus aliis jure debentur, secundum proportionis æqualitatem, hocquè ipso differt justitia à liberalitate, quæ & ipsa ver-

versatur circa bona fortunæ , nominatim pecuniam , sed indebitam , putà , ex debito civili. Est enim , cùm miseris ex debito succurri debet , etiamsi illud ex ipsorum debitis haud sit propriis , putà , morali , nos ad illum actum domi obligante , ex lege pietatis , charitatis , liberalitatis , aliarumque virtutum , ut in quibus omnibus sit aliqua debiti redditio , saltem ἀναλόγως dicta.

Officium Justitiæ Particularis circa suum Objectum est , Servare Medium ,

cùm sit æqualitas , omnis autem æqualitas habeat duo extrema , excessum , inquam , & defectum , similiterque justitia , si minùs nomine , cùm ut sic unum tantùm agnoscat extremum , nempe injustitiam , minimùm re , saltem ratione , quo fit , ut non tam nominis sive appellationis sit habenda ratio , quàm rerum distinctarum & oppositarum , uno nomine significatarum , quæ sunt plus & minus , sive luctum & damnum , se adinvicem habentia , velut duo vitia , vel saltem , ut duo termini proportionem constituentes. *At quale Medium , Simplexne an Analogicum ?* Non illud , sed hoc , quorum duorum alterum inter duos terminos vertitur , personam & rem , alterum inter quatuor ad minimum , ἅς καὶ αὖ , τίς καὶ τι , per-

sonas, inquam, & res, cur, nisi quia iustitia non spectat, quidnam sit commensuratum suo subjecto secundum rectæ rationis regulam, ut reliquæ virtutes, per comparisonem ad ipsum hominem, ejusquè passiones & actiones, secundum diversas circumstantias, sed quid sit commensum & commensuratum rei, sive juri alterius, ut nec plus præstetur, nec minus, sed æquale, horumquè mediorum prius audit rationis, spectans, quidnam juxta dictamen rationis sit commensum subjecto, inexcédens indeficiensquè modum ejus, variabilequè pro varietate subjectorum, ita ut respectu unius sit medium & æquale, ad alterum verò nimium, ad tertium contrà parum, posterius autem rei, invariabile idemquè semper, quaecunque tandem sit subjectum, consistens in æqualitate rei ad rem, v g, precii ad rem venditam, proportionisvè ad proportionem, nempe ut talis sit proportio inter munera & onera communia, qualis est inter personas, quibus hæc distribuuntur, non excedens nec deficiens ad jus alterius. Res exemplo fiet planior. Ita in temperantiâ mediocritatem tenere est tantum comedere & bibere, quantum habito respectu personæ, valetudinis, temporis, loci

loci licet , quæ res cùm multis modis
variet , à rectâ ratione decidi debet ,
enimverò in justitiâ , quamprimùm tan-
tùm æqualitas rei adest , putà , ut nec
plus nec minus sibi quis vendicet , quàm
par est , mediocritas illa actuum confe-
stim rationi consentit. Quòd si enim in
distributione æqualitas sit meritorum &
præmiorum , in commutatione verò ex-
æquatio lucri & damni , nullam præ-
terea conditionem personæ , loci , tem-
poris , aut simile quid , à ratione addi
necesse est. *Ut ita Medium Justitiæ
Particularis sit Analogicum* , tum quia ,
ubique sunt quatuor termini , ratio-
nem inter se similem habentes , illic
necesse est esse proportionem analogi-
cam , & per consequens medium , quia
quod ἀνάλογον , illud & medium , tum
quia , ubi habetur & spectatur ratio di-
gnitatis personarum & rerum , illic ser-
vatur analogia & proportio , sed in ju-
stitiâ , siue in justo particulari , habe-
tur ratio dignitatis personarum siue me-
ritorum , & rerum siue precii & valoris
rerum , quæ aut distribuuntur , ut sit in
justitiâ distributrice , aut commutantur ,
ut sit in justitiâ commutatrice , ergò !
Est autem Analogia siue Proportio ni-
hil aliud , quàm similitudo siue æquali-
tas rationum , ratio verò duarum ma-

gnitudinum ejusdem generis motua
 quædam secundum quantitatem habi-
 tudo: Quo fit, ut, cùm quælibet pro-
 portio duas minimùm rationes habeat,
 & ratio quælibet duos terminos, om-
 nis proportio quatuor terminos habeat
 ad minimum, siue disjuncta ea sit, qua-
 lis, si dicam, ut se habent 2 ad 4, ita
 6 ad 12, quatuor terminis actu existen-
 tibus, siue conjuncta, qualis, si dicam
 ut se habent 2 ad 6, ita 6 ad 18, toti-
 dem terminis potentiâ existentibus, quia
 hic 6 bis sumuntur, sive unquè conse-
 quens prioris, & antecedens posterioris
 rationis. Licet enim reipsâ hæc analo-
 gia consistere videatur duntaxat in tri-
 bus terminis, tamen potestate consistit
 in quatuor, quia unus terminus bis
 repetitur. Unde sole meridiano clariùs
 apparet, omnem analogiam in quatuor
 minimis consistere, hoc est, ad mini-
 mum in quatuor terminis, Dico, ad mi-
 nimum. Potest enim habere plures
 terminos, ut, si dicam, sicut se habet
 hoc ad hoc, & hoc ad hoc, ita se
 habet illud ad illud, & istud ad istud.
*Analogia siue Proportio universè vel
 Arithmetica est, vel Geometrica,
 vel Harmonica siue Musica. Analo-
 gia siue Proportio Arithmetica est,*
 cùm numeri ita progrediuntur, ut æ-
 qualis

qualis inter omnes distantia sit, ita, ut quantum primum superat secundus, tantum tertium superet quattus, qualis proportio in his numeris, 2. 4. 6. 8. Quantum enim distant 2 à 4, tantumdem absunt 6 ab 8, & ut binarius à quaternario superatur duabus unitatibus, ita senarius ab octonario. Observat ergò rationem quantitatis, id est, numeri intervallum, spectatque æqualitatem, facta factis, res rebus, sine personarum delectu, exæquans. *Analogia sive Proportio Geometrica* est, quando ita numeri progrediuntur, ut quoties primus eorum continetur in secundo, toties tertius contineatur in quarto, & sic deinceps, qualis proportio in his numeris, 2. 4. 6. 12. Sicut enim se habent 2. ad 4, ita se habent 6 ad 12. & ut binarius bis continetur in quaternario, ita senarius bis in duodenario. Observat ergò rationem qualitatis, hoc est, rationis comparisonem, spectatque similitudinem, non æqualitatem. *Analogia Harmonica sive Musica* est, quando ita numeri ordinantur, ut eadem sit proportio maximæ ad minimum, quæ est differentia intercedentis inter majores duos, ad differentiam, quæ intercedit inter minores duos, qualis proportio in his numeris 3, 4, 6. Sicut enim senarius bis

1248: *Institut: & Exercit:*

continet ternarium , ita differentia , quæ
est inter senarium & quaternarium , putà
binarius , bis continet differentiam , quæ
est inter ternarium & quaternarium , putà
unitatem. Observat ergò rationem , tam
quantitatis , quàm qualitatis , spectat
quæ tam æqualitatem , quàm similitu-
dinem , adeoque utramque analogiam
conjungit , sicut justitia legem & æqui-
tatem. Lex namque , quæ omnibus ea-
dem in civitate , congruere videtur ad
proportionem arithmeticam , æquitas
ad geometricas rationes , justitia verò ad
harmoniam , quòd , ut hæc ex arithme-
ticis & geometricis rationibus fit , ita
justitia ex lege & æquitate coalescat. *Ubi
notandum in transitu discrimen , Pro-
portionem inter quod est , & Proportio-
nalitatem. Quod illud? Quòd illa sit
comparatio duarum quantitarum inter
se , λόγος Græcis , hæc illarum compa-
rationum similitudo , λόγος ἰσότης Græcis ,
quomodo habitudo binarii ad quaterna-
rium proportio est , sicut & habitudo
octonarii ad sedenarium , at similitudo
utriusque habitudinis , sive comparatio
habitudinis unius ad alteram , propor-
tionalitas audit , utut hic vocabulum
utriusque sumatur promiscuè: Conno-
sandum deinde autem discrimen , Æqua-
litasem inter quod est . & Analogiam ,
quas .*

quas inter hæc differentia, quæ inter speciem & genus. Etenim omnis analogia est æqualitas, non contrà omnis æqualitas analogia. *Notandum denique, cur doctrina proportionum hic explicetur.* Cur ergò, cur? Quia, etsi ea primò competit numero abstracto seu numeranti, tamen secundariò etiam competit numero numerato, hoc est, rebus moralibus, quæ & ipsæ quantæ, ratione numeri rebus inhærentis, non rerum tamen, neque tam per se, quàm ex eventu. *Subiectum Justitiæ Particularis, & ipsum, vel Negativum est, vel Positivum, Subiectum Negativum Justitiæ Particularis, præter Deum, & Seipsum, sunt Falsò live Apparenter Justì Particulariter. Præter Deum, in quem non cadit justitia particularis, nisi admodum abusive, eùm in eum non cadat appetitus sensitivus, qui subiectum ut quo virtutum moralium, perfectiove accessoria per habitum acquisitum more, in moderamine rerum alienarum consistentem, cùm Dei sint omnia: Et Seipsum, cùm ergà se non magis quis possit esse particulariter justus, dum sibi jus suum tribuit, quàm clemens, dum sibi ignoscit, misericors, dum suis malis tangitur, liberalis, dum sibi quid donat, comis & urbanus, dum erga se est affabilis, secum.*

quæ ludit & jocatur: *Falsò sive Apparen-*
ter Justi Particulariter, quales, qui ali-
 cui jus suum tribuunt inscii, inviti, vel
 coacti, semelvé, iterumvé, in foro ju-
 stitiæ distributivæ commutativævé, non
 semper. *Subiectum Positivum Justitiæ*
Particularis sunt Verè seu Γνωίως Justi,
tam Distributivè, quàm Commutativè,
 quales, qui non tantùm propensi sunt ad
 res justas distribuendas & permutandas,
 easquæ distribuunt & permutant, sed
 distribuere ac permutare volunt, idquæ
 constanter & perpetuò, hoc est, cum
 semper, tum in omni re. *Sic descripta*
Justitia Particularis, quæ Objecto, quæ
Subiecto, utroque tam Negativo quàm
Positivo, differt cum ab aliis Virtutibus
Moralibus, tum a Justitiâ Universa-
li: Ab aliis Virtutibus Moralibus ra-
 tione mediæ, idquæ duobus modis,
 semel, quòd aliæ virtutes medium ob-
 tineant inter duo distincta vitia, duas-
 quæ contrarias actiones, quarum una in
 excessu, altera in defectu peccat, justitia
 non item, cum, qui v g defraudat alterum,
 unâ actione modum excedat, quia plus
 sibi sumit, quàm par erat, deficiatquæ,
 quia minus alteri relinquit, quàm par
 erat, id quod in fortitudinis & liberalita-
 tis extremis nullo potest fieri modo,
 cum unicâ actione nemo simul queat
 esse

esse audax & timidus , avarus & prodigius , iterum , quia medium aliarum virtutum rationis tantum , justitiæ verò particularis medium etiam rei , quâ distribuendæ , quâ commutandæ , adeoque utriusque , illius , putâ rationis , propter diversitatem rationis , hujus , putâ rei , propter diversitatem rei : *A Justitiâ hinc Universalis materiâ* , quæ justitiæ particularis honores , pecuniæ , eaque omnia , quæ ad vitam tuendam sunt necessaria , omninoquæ ea , in quibus occupatur damnum & lucrum , justitiæ verò universalis non hæc sola & solum , sed alia , de quibus nunquam Deo possumus dare nimium , quia huic omnia debemus , hominibus malis nunquam parum , quia his nihil prorsum debemus. *Extremum Justitiæ Particularis est Injustitia Particularis* , quæ nihil aliud , quam nimium & parum , in bono & malo , contra æqualitatem analogicam. Nimium siquidem & parum sibi sumere solet injustus , boni quidem nimium , mali verò parum , in suo negotio in perpetuum , atque ad eundem semper modum , in alieno verò negotio non item. Neque enim semper eodem modo agit , sed prout occasio se rulerit , aut sibi visum fuerit , in eadem causâ nunc plus huic , nunc minus , tribuens , spectatâ personarum & rerum digni-

dignitate, alteri v g. majorem debito honorem, alteri minorem, deferens, & quidem semper, hoc est, semper plus uni, quàm alteri, neque eidem interim semper, cùm fieri possit; ut, cùm primo majorem honorem prius, secundo verò minorem, tribuerit, vel in eâdem causâ, virtutisque in æqualitate, posterius secundo majorem honorem tribuat primo.

C A P U T XLVI.

De Justitiâ Distributivâ, & hujus Extremo, id est, inde & hinc, hinc & inde, Injustitiâ Prosopo'epticâ..

Justitia Particularis subdividitur in Διαμετρικὴν, Distributivam sive Assignativam, & Διορθωτικὴν ἢ Ε'πανορθωτικὴν, Correctivam, Commutativam vulgò. Cujus bimembris divisionis hæc ratio bimembris: Una, quòd justitia particularis versetur circa bona fortunæ, ea autem sint, vel publica, vel privata, cùmquè illorum nullum sit commercium, permutatio nulla, sed potius donatio ac divisio, hinc fit, ut, quæ in rebus publicis cernitur justitia, meritò Græce sit dicta διαμετρικὴ, quâ munera & onera distribuuntur inter eos, qui ejusdem civitatis, aut omninò societatis, vel familiæ, sunt participes, horum verò sit aliquod com-

commercium, hinc fit, ut, quæ in privatis rebus cernitur justitia, meritò Græcè sit dicta *διανοητική ἢ ἐπανορθωτική*, quæ fraudes privatorum in commerciis, rebusque contrahendis, corriguntur, illic spectatâ personarum ratione, hic rerum æquatione: Altera, quòd eadem justitia particularis ordinet, vel totum ad partes, hoc est, id, quod commune, ad singulas personas, quem ordinem dirigit justitia distributiva, distributrix quæ est communium secundum proportionalitatem, vel partem ad partem, hoc est, unam privatam personam ad aliam, quem ordinem dirigit justitia commutativa. Sicut enim vel totum cum parte comparari potest, vel pars cum aliâ aliquâ parte totius, ita etiam vel Respublica cum privatâ personâ conferri potest, vel persona privata cum quâlibet alia personâ privatâ. In utroque ordine certa quædam officia continentur, quorum quæ à Republicâ singulis privatorum præstanda sunt, à justitiâ distributivâ, quæ singuli singulis præstare debent, à justitiâ commutativâ præscribuntur. Sed cominùs accedo ad Justitiam Distributivam. *Justitia Distributiva sive Assignativa si Nomen sive Nominalitatem ejus species*, denominationem suam accepit à distribuendo & assignando, quòd unicuique

unicuique suum distribuat & assignet ,
 præmia pro meritis, Remunerativa inde,
 supplicia pro demeritis , Punitiva inde
 vulgò : *Sin Rem sive Realitatem* , ut sic
 est Virtus , (putà Moralis , sive Ac-
 quisita More ,) servans Mediocritatem
 in Distributione Rerum Communium ,
 quæ inter eos dividi solent , qui unius
 Reipublicæ communione sunt conjuncti,
 servatâ Proportionem Geometricâ : Vel
 sic : *Justitia Distributiva est Virtus Mo-
 ralis* , quæ in distributione rerum exter-
 narum , pro factis , cuique id , quod
 suum est , tribuit , secundum proportio-
 nem geometriam. Juvat ἀλλ'εν. *Defi-
 nitio hæc constat Genere & Differentiâ
 Specificâ. Genus Justitiæ Distributi-
 væ est Virtus Moralis : Quâ de re ? Quia e-
 nim & ipsa suo loco est habitus ἀρετῆς
 electivus , habens requisita virtutis
 moralis, rectam rationem pro principio a-
 gendi, mediocritatem inter plus & minus
 pro medio, honestatem verò pro fine, bo-
 num faciens habentem , opusquæ ejus re-
 ctum & perfectum dans , quod propri-
 um virtutis moralis : Ubi autem ingre-
 dientia virtutis moralis , ibi & ipsa virtus
 moralis. Differentia Specifica Justitiæ Di-
 stributivæ explicitè sumitur ab Objecto
 ejus , Adjunctoque Officio circa illud ob-
 jectum , implicitè verà à Subiecto , positi-
 ve, .*

vè, inquam, ab illo, præsuppositivè
verò ab hoc. *Objectum Justitiæ Distribu-
tivæ* & ipsum, vel *Internum* est, vel
Externum, ex quo utroque simul sumit
objectum ejus totale atque adæquatum
conflatur. *Objectum Internum Justitiæ
Distributivæ*, non tam iterum sunt *Af-
fectus*, quàm *Actiones Internæ* inde pro-
deunt, ob rationes explicatas capite
præcedenti, hîc applicandas, ideoquè
ἀπὸ κοινῶν huc reperendas, cum duplici
sepimento, altero respectu affectuum,
altero respectu actionum internarum in-
de prodeuntium. *Objectum Externum
Justitiæ Distributivæ*, unversè vel *Ne-
gativum* est, vel *Positivum*. *Objectum
Externum Negativum Justitiæ Distri-
butivæ* sunt *Præmia Privata*, & *Pænæ
Privatorum*, saltem ratione adæquatio-
nis. Neque enim hîc agitur de privato-
rum præmiis inrer se, bonisvè privato-
rum dividendis, cùm nihil huc pertineat,
nisi quod de communibus Reipublicæ
bonis cuiquam debetur, & eâtenus qui-
dem, quâtenus quis est civis ejus, sicut
nec alia onera, nisi quæ ratione totius
communitatis omnes ferre tenentur, un-
de fit, ut quicquid non debetur cuiquam,
tanquam de communibus bonis, neque
ferendum imponitur, ut publicum &
commune onus, illud non distributivæ
sed

sed commutativæ sit justitiæ , sive præmia spectes , sive pœnas : Præmia , ut si Respublica stipendium alicui persolvat , certisvè beneficiis compenſet operam peculiariter sibi præstitam , putà , si rem in bello quis strenuè gesserit , conjurationem detexerit , consiliuvè egregium principi dederit , non erit hic actus justitiæ distributivæ , verùm commutativæ , quia distributio est nuda attributio eorum , quæ totius sunt ad partes , persolutio autem stipendii , collatioquè hujuscemodi beneficiorum , compensatio quædam est & merces , nec ideo cuiquam contingit , quia civis est , sed quòd labore & industriâ suâ id commeruit , quorsum vel in aristocratîâ luculentius beneficium conferri videas nonnunquam plebejo , quàm nobili , licet in distributione communium præmiorum nobilis plebejo illic præferri omninò debeat : Pœnas , quia harum irrogatio non distribuit malum aliquod omnibus civibus commune , quâ civibus , quoniam non ut onera ita pœnæ inter cives omnes distribui solent , ut singuli partem auferant , tanquam de publico , ejusquè aliqua portio omnibus cedat , cumquè his irrogantur , non irrogantur quâ civibus , cùm nemo ideo supplicio afficiatur , quia civis , sed quia facinorosus , nemoquè ut sic in Republicâ

blicâ viveret impunis , (ut enim civis
fir , qui punitur , non tamen ideò puni-
tur , quia est civis , sed quia hoc aut il-
lud deliquit , quod puniri Reipublicæ
interest ,) neque cùm irrogantur , secun-
dum dignitatem seu personam & locum
irrogantur , quem inter cives quis re-
net , qui ut multis de causis cuiquam
contingere potest , ita etiam merita hîc
variant , quia secûs pro eodem delicto
nobilis & liber acriùs , ignobilis & ser-
vus mitiùs puniendus esset , sicutquè o-
nera opulentorum sunt majora , ita eo-
rundem poenæ majores esse deberent , si-
cutquè dignior est liber servo , libero
servus mitiùs plectendus esset , contra
juris regulam. Quid multis ? Ut inflictio
poenarum , vindictioquè injuriæ factæ ,
ad distributivam justitiam pertineat ra-
tione irrogationis & executionis , ipsa
tamen adæquatio , spectans æqualitatem
culpam inter & poenam , ut quantò de-
lictum est majus , tantò quis graviore poe-
nâ afficiatur , servatâ æqualitate , quæ
est inter eum , qui injuriam fecit , & qui
est passus , est actus justitiæ commutati-
væ , attendentis æquale , non secundum
proportionem rerum ad personas , ut sci-
licet , sicut una persona excedit aliam ,
ita etiam res , quæ datur uni personæ ,
excedat rem , quæ datur alteri , sed secun-
dum

dum quantitatem , hoc est, æqualitatem rei ad rem. Nec est , quod dicas , eodem modo videri accipi medium in utrâque justitiâ , eò quòd dignitas diversarum personarum attendatur utrinque , ut, cùm graviùs punitur , qui percutit principem , aut consulem , quàm privatam personam. Respondeo cum Thomâ , in actionibus & passionibus conditionem personæ facere ad quantitatem rei , ideoquè majorem esse injuriam , si quis percutiat principem , quàm si privatam personam , & idèò conditionem personæ in justitiâ distributivâ attendi per se , in commutativâ verò , secundum quod res per hoc diversificatur per accidens , hoc est, quòd dignitas personæ hîc respicitur, id fit per accidens , cùm proportio Geometrica illam spectet per se , ut quæ simpliciter fundetur super comparatione personarum & præmiorum , non sic proportio Arithmetica, quæ non fundata super personarum dignitate, verùm nudâ adæquatione delicti & pœnæ, attentâ per accidens personâ , sive eâ tenens tantùm , quatenus illa delictum & pœnam , vel aggravat, vel elevat. *Obiectum Externum Positivum Justitiæ Distributivæ sunt Res Communes, ad universam Rempublicam pertinentes, ceu sunt, Pecuniæ & Reditus Publici, Honores, Magi-*

Magistratus, Dignitates, Victus Publicus, Sepultura Publica, duobus verbis, Munera & Onera Publica. Munera Publica. Quoto enim dignitatis gradu, v g, capitaneus est superior locum tenente, toto etiam dignitatis gradu, præda capitaneo assignata, superare debet prædam locum tenenti attributam. Onera Publica. Quoto namque divitiarum gradu superior est mercator sartore, toto etiam onera publica illius ampliora esse convenit hujus oneribus, Titii v g possidentis possessionem mille florenorum, Sempronii possidentis possessionem centum florenorum, illo in censu annuo pendente tres florenos, hoc tres asses. *Officium Justitiæ Distributivæ circa suum Objectum est, Tenere Medium inter Nimium & Parum, secundum Proportionem Geometricam.* spectatâ dignitate personarum, inter quas fit distributio, hoc est, loco quem inter cives quæque earum tenet, & precio rerum distribuendarum, non tam personas personis, aut res rebus, æquando, quàm personarum & rerum convenientiam efficiendo. Neque enim in justitiâ distributivâ absolutè spectatur, vel æqualitas personarum, quibus aliquid tribuendum, vel æqualitas rerum, quæ tribuntur, sed cum certo quodam personarum ac rerum, si fas ita loqui,

loqui, coâspectu & correspectu, ut si arma Nestoris, habentia se ut 6, in præmii-
um cedant Ajaci, habenti se ut 4, arma
verò Achillis, habentia se ut 12, in præ-
mii-um cedant Ulyssi, habenti se ut 8,
quæ distributio ter justa, tum quia, ut
Ajax se habet ad Ulyssem, ita se habent
arma Nestoris ad arma Achillis, & Ajax
cum armis Nestoris, ad Ulyssem cum
armis Achillis, utquæ idem Ajax se habet
ad arma Nestoris, ita Ulysses se habet ad
arma Achillis, & Ajax ac Ulysses ad arma
Nestoris & Achillis inclusivè. Scilicet
varii sunt personarum gradus atque or-
dines in civitate, constante non ex duo-
bus medicis, sed ex medico & agricolâ,
hoc & opifice, boni, inquam, & mali,
docti & indocti, prudentes & fatui, no-
biles & ignobiles, artium periti & impe-
riti, senes & juvenes, mariti & uxores, pa-
rentes & liberi, præceptores & discipuli,
domini & servi, propinqui, amici, collegæ,
cives, peregrini, quibus omnibus hæc ju-
stitia, pro dignitate virtute officio meri-
tis, convenientia decernit, aliis paucio-
ra, aliis plura, neque interim vel per-
sonarum ad se invicem, vel rerum,
quarum & ipsarum infinita est varietas,
inter sese, verum personarum & rerum
æqualitatem efficit, ita ut tota totis col-
lata paria sint ratione proportionis geo-
me-

metricæ. V g. Sit aliquò deducenda colonia , vel alio pacto Respublica condenda , cives in ordinem hæc justitia rediget hunc ad modum, ut magistratum capiant prudentiores & moderatiores, promiscua turba pareat, in pace gubernator sit Cicero, Matus belli dux, Scipio imperator, Lælius Senator, Cato quæstor, Aquilius prætor, studiorum magister Cratippus, Lysippus statuarius, Apelles pictor, Corydon rusticus, Jopar cantor, siquè in castris ad Trojam dividenda sint fortitudinis præmia, eadem Justitia hæc ita dividet, ut maxima ferat Ulysses, Ajax mediocria, Theristes nulla, at, si eloquentiæ & prudentiæ præmia sint dividenda, Ulysses & Nestorem cæteris præferet omnibus. Quod dixi, in justitiâ distributivâ non spectari absolutè, vel æqualitatem personarum, quid tribuendum ad invicem, vel æqualitatem rerum, quæ tribuuntur inter sese, verùm personarum & rerum coaspectum & correspectum, id de eorum genere est, quæ sæpè non semper tenent, vel ratione personarum, vel ratione rerum: Non ratione Personarum, quia civis dignitate longè inferioris meritum longè potest esse majus, quàm alterius dignitate longè superioris, minus verò meritum com-

compenſare majori præmio quàm majus, nã id injuſtum, hætenus æquiore exiſtente diſtribuendi ratione, ſi præmia cum meritis conferantur, quàm ſi cum perſonis, inſuper habito meritorum reſpectu, utut interim non inſitear, meritorium & præmiorum æqualitatem ſemper attendi vix poſſe, ſed minora merita ſuperiorum ferè majoribus compenſari præmiis, quàm vel majora inferiorum: Non etiam ratione rerum, quia, ſi merito unius, quod duplo majus eſt merito alterius, præmium detur duplo majus, hic actus non minùs juſtiæ commutativæ, & fori commutativi, quàm ſi pro agro, qui duplo major & melior eſt alio agro, premium numeres duplo majus. Quòd ſi in uſuris exercendis, quas nemo unquam à juſtiâ commutativâ avellere eſt auſus, aliter quis tractet hominem mediocris conditionis, quàm mercatorem opulentum, aut in locationis argumento potiùs domum ſuam locet-ejuſmodi opifici, qui non ita facilè corrumpere poſſit ſuam domum, quàm alii, etiam hi actus ſunt fori commutativi, non diſtributivi, licet ſint conjuncti cum reſpectu aliquo perſonæ. Quare, cùm dicitur, in juſtiâ diſtributivâ obſervari proportionem geometricam, habito reſpectu perſonarum, id
ita

ita accipiendum, quòd sæpè, non semper, tum per se, non per accidens, id fiat, hoc est, cum distinctione respectus personarum, tanquam per se objecti ejus, & tanquam objecti illius per se accidentis ac circumstantiæ, qualis personæ conditio, quorum respectuum ille in solidum justitiæ distributivæ, hic etiam commutativæ. Justitia quippè distributiva, per se observat conditionem ac dignitatem personæ, quam habet in Republicâ, commutativa verò attendit solam rem & factum, ejusquè circumstantias, inter quas quoque est personæ conditio: Jam verò aliud persona, ut objectum. aliud ut accidens facti. *Subiectum Justitiæ Distributivæ & ipsum, vel Negativum est, vel Positivum. Subiectum Negativum Justitiæ Distributivæ præter Deum, & Seipsum, sunt Falsè sive Apparenter Iusti Distributivè, atque in Foro Distributivo. Præter Deum, in quem non cadit justitia distributiva, nisi admodum abusivè, cùm in eum non cadat appetitus sensitivus, qui subiectum ut quo virtutum moralium, perfectioquè accessoria per habitum acquisitum more, in moderamine præmiorum & pœnarum, munerum & onerum, consistentem: Et Seipsum, cùm erga se non magis quis possit esse distri-*
E *burivè*

butivè justus, dum sibi jus suum tribuit, quàm clemens, dum sibi ignoscit, misericors, dum suis malis tangitur, liberalis, dum sibi quid donat, comis & urbanus, dum erga se est affabilis, secumquè ludit & jocatur, eò quòd actiones propriè sint suppositi, non partium ejus, quomodo v g hominem dicimus irasci, metuere, nere, ædificare, habentem animam, non animam ejus, & sic justitiam non esse nisi hominis ad hominem, seu personæ unius ad alteram, ergò non ad seipsam, ut voluit Plato, qui justitiam in concentu partium animæ, huicquè oppositam injustitiam in seditione ac diffidiis earum, positam esse contendit, inconsulto Apolline Philosophico, quia, etsi ab harmoniâ illâ partium, sive facultatum animi inter se, universa virtus, & per consequens etiam justitia, dependeat, sicut tamen una facultas alteri injuriam non facit, quando inferior rebelat superiori, ita nec justitia propriè est, cum una earum cum alterâ concordat, sed cum homo ipse, animo ita ad concordiam redacto. sic cum altero atque alio vivit, uti fas est, & leges jubent, nisi Platonem loqui velis de justitiâ internâ, Aristotelem verò de externâ, requirente diversa supposita, non diversas ejusdem suppositi partes: *Falsò sive Apparenter*

Apparenter Iusti Distributivè, sive, in Foro Distributivo, qualesqui, cùm duo sint æqualitatis genera, quorum alterum omnibus eadem, alterum pro dignitate suum cuique tribuit, posteriore repudiata æqualitate, quæ inter probos & improbos facit discrimen, alteram amplectuntur, cùm deberent cum Atheniensibus amplecti priorem, quæ pro suo quemque merito præmiis ac pœnis afficit, magistratus & honores non indifferenter omnibus, sed optimo cuique & aptissimo, in suo genere deferens, consuetudine mensæ Romanæ, in quâ, & de quâ, vesci soliti accumbentes, ex unâ lance, secundum proportionem geometricam, non Homericæ, in quâ sua cuique pars apponebatur secundum proportionem arithmeticam. *Subiectum Positivum Iustitiæ Distributivæ sunt verè seu Γνωστος Iusti Distributivè, sive in Foro Distributivo*, quales, qui contrà se habent, hoc est, qui, cùm duo sint æqualitatis genera, quorum alterum omnibus eadem, alterum pro dignitate suum cuique tribuit, priore repudiata æqualitate, quæ nullum inter probos & improbos facit discrimen, alteram amplectuntur cum Atheniensibus, quæ pro suo quemque merito præmiis & pœnis afficit, magistratus & honores non

indifferenter omnibus, sed optimo cuique & aptissimo, conferens in suo genere, consuetudine mensæ Romanæ, in quâ vesci soliti accumbentes, ex unâ lance quidem, verùm proportionē geometricā, non Homericæ, in quâ sua cuique pars apponebatur secundum proportionem arithmeticam. Secus si fiat, locoquē proportionis geometricæ proportio arithmetica si teneat, næ turbatur domi Respublica, convenienter Euripidéo dicto, fide cuius

— id perire plurimas urbes facit,

Si vir probus, fortiquē mactus pectore,

Non auferat plus. præmii quàm pessimus.

Quæ res movit Achillem Homericum, ut negaret, se militare posse sub Agamemnonis imperio, eò quòd æquali honore apud eum esset fortissimus quisque & ignavissimus, contra stylum justitiæ distributiæ, cuius vigore, quicquid præmii publico nomine confertur, id quemadmodum debetur cuique, quatenus est civis ejus Reipublicæ, ita etiam majus minusvè esse debet, prout majores aut minores cujusque in Republicâ sunt partes. Si enim debentur membris propter totum, seu, quatenus constituunt illud totum, næ tribuantur etiam iis oportet juxta proportionem, quam habent

bent ad totum, nisi quod hoc fallere dicunt, si quis accipiat stipendium, tanquam meriti sui mercedem. privatim sibi debitam, secundum proportionem arithmeticam, tantum scilicet, quantum meritis est ipso facto, non quantum in Republicâ locum occupat, ut si opilio, ob detectam conspirationem, publicis sumtibus alatur in prytaneo, cui, dum hic honos decernitur, non datur huic res omnibus civibus communis, neque distribuenda pro dignitate & loco, quem tenet in Republicâ, verum pro meriti quantitate, adeoque proportionem arithmeticâ, non geometricâ. *Sic descripta Iustitia Distributiva, quâ Objeeto, quâ Subjeeto, utroque tam Negativo quàm Positivo, differt, nã differt, à Iustitiâ Commutativâ: I. Functionibus sive Actionibus.* Etenim iustitiæ distributivæ proprium munus, distribuere bona & mala inter eos, qui in civili societate versantur, pro dignitate conditione & merito personarum, v g, pecunias præmia honores, horumquæ contraria, ignominias pœnas supplicia, iustitiæ verò commutativæ munus, in rerum permutatione servare æqualitatem. II. *Subjeeto Agente.* Etenim iustitia distributiva propriè pertinet ad eos, qui personam publicam gerunt, ut sunt magistratus, vel veri, vel similitudinarii.

Justitia verò commutativa ad privatos homines, qui inrer se contrahunt. III. Objecto sive materiâ circa quam. Etenim justitia distributiva personarum rationem habet, distribuitquè bona & mala, præmia & onera, pro harum dignitate & conditione, justitia verò commutativa id operam dat, ut in commutationibus, pactis, rebusquè contrahendis, quisque suum consequatur, ita ut commutatione factâ utraque pars æqualem portionem habeat. IV. Objectorum formalibus, hoc est, modis tendendi in objectum. Etenim justitia distributiva tendit in rem quodammodò debitam, cùm non semper civi tantum detur præmii, quantum suâ dignitate meretur, justitia verò commutativa tendit in rem tanquam absolutè debitam. V. Formâ seu mediocritate, tam absolutâ, quàm relatâ. Etenim justitia distributiva servat medium rationis; proportionemquè geometricam, respectu personarum, justitia verò commutativa medium rei, proportionemquè arithmeticam, respectu precii rerum, quæ permutantur. Contra Buridanum & Hobbium Anglos, qui negant, justitiam particularem esse unum genus, justitiamquè distributivam ac commutativam veras ejus species sub illo genere, sed justitiam dicunt esse speciem specialissimam tantum,

rùm, quæ propter diversas aliquas rationes, diversosque considerandi modos, ita solummodò dispescatur. Utramque siquidem æqualitatem in rebus studere efficere, tantumquæ unam alium modum ejus observare quàm alteram, in rebus ad æqualitatem redigendis. Perspicuo errore. Et enim, sicut distributio à commutatione, & æqualitas geometrica ab arithmetica, non tantum peculiari modo, atque harum proportionum usu, sed totâ specie, differunt, ita justitia, quæ circa distributionem versatur, ab eâ, quæ circa commutationem. Licet interim libenter fatear, formalem rationem justitiæ distributivæ non tam positam esse in habitudine communitatis ad partes suas, ut vult Thomas, quàm in ordine ipsarummet partium inter se, servatâ æqualitate, non inter Rempublicam sive civitatem ipsâ, & ejus cives, sed inter ipsos cives tantum, hoc est, partes civitatis ad se invicem. Nec est, quòd excipias, justitiam distributivam videri indifferre atque indistingui à commutativâ, saltem objecto sive pecuniâ, quare non differre specie! Verum materiali scilicet, quod utriusque pecunia, non formali, quod in actu justitiæ distributivæ est pecunia, quatenus est præmium personæ debitum, eiquæ proportionatum, in actu verò justitiæ commutativæ, quate-

nus est precium æquale rei commutatæ. Sed nec est, quòd contrà moveas, unum & multa non diversificare speciem virtutis: At justitiam distributivam consistendo consistere in hoc, quòd quid detur multis, justitiam verò commutativam in eo, quòd quid reddatur uni: Ergò non videri esse diversas justitiæ species! Sed videri scilicet. Neque enim solum distinguuntur secundum unitatem & multitudinem, verùm secundum diversam debiti rationem. Alio enim modo alicui debetur id, quod est commune, ut parti universitatis, alio id, quod est proprium, ex quovis alio debito. *Extremum Justitiæ Distributivæ est inde & hinc, hinc & inde, Injustitia Profopoleptica*, vitium quæ morale, quo præmia & pœnæ inæqualiter, hoc est, æqualia inæqualibus, aut æqualibus inæqualia distribuuntur, quando solvendum est debitum, tantum, v g, ubi præmiorum res agitur, datur Ajaci, quantum Achilli, ubi verò pœnarum res agitur, non tantum Sejo furi diviti, eum absolvendo, quantum Titio furi pauperi, eum suspendendo, quo jure, quâvè injuriâ. Ut ita committatur profopolepsia, sive acceptio personarum, & injustitia profopoleptica, (accepto nomine personæ
non

non in prædicamento substantiæ, pro individuo per se subsistente intelligente atque incommunicabili, sed in prædicamento accidentis. pro qualitate personæ, siue conditione & statu, non histrionico & comico tamen, hoc est, ficto, sed vero,) tam in præmiorum collatione, si circumstantiæ, quæ sunt extra finem illum, ob quem conferuntur honores & præmia, respiciantur, ut si in honore docturæ conferendo spectetur ætas personæ, cognatio, amicitia, non eruditio, quo in casu miscentur putamina baccis, ut est in proverbio, injuriaquæ fit aliis, qui hunc honorem non sunt consecuti, æquæ fortassis dignis, aut dignioribus, uti & iis, qui in eâdem honorum luce versantur, indignè ferentibus, sibi æquiparati sui dissimiles, & margaritas objici porcis, officiorumquæ publicorum distributione, ut si oculus flectatur in conditionem officio nihil profuturam, v g, in opes, staturam, formam, quam in pœnarum irrogatione, cujus finis, exactè satisfacere parti lælæ, hoc est, actori, non attentis divitiis familiâ potentiâ rei, & si qua sunt generis ejusdem, quod ubi fit, justitiæ distributiæ lanx non est in æquilibrio, sed disquilibrio. Verùm dixerit quis, nomine personæ intelligi ejus dignitatem, hanc autem considerare,

hoc ipsum pertinere ad justitiam distributivam, quare huic malè opponi proso-
polepsiam! Malè verò, nisi unâ cum eâ
considerarentur conditiones, quæ non
faciunt ad causam, quod *προσωποληψία*.
Dixerit deinde autem, in rebus humanis
personas esse principales, quàm res, eò
quòd res sint propter personas, non con-
trà: Rerum acceptionem non esse pecca-
tum contra justitiam distributivam, qua-
re nec personarum acceptionem! Nisi il-
læ ipsæ personæ attenderentur, cùm sint
non causæ, ut cau'æ. Dixerit denique,
in pœnis accipi personas sine peccato,
quare acceptionem & acceptionem
personarum non esse vitium oppositum
justitiæ distributivæ! Nisi diversitas per-
sonæ, propter injuriam in majorem mi-
noresque personam commissam, faceret
quantum ad hoc diversitatem rei, fa-
ctumquè vel aggravaret, vel elevaret.
*Scilicet ἡ Προσωποληψία, universè atque
in genere*, est acceptatio personarum,
sive in judicio, sive extra judicium, quâ
æqualibus tribuuntur inæqualia, aut in-
æqualibus æqualia, propter personarum
respectum. *Estquè vel Extrajudicialis,
vel Judicialis.* Προσωποληψία Extrajudi-
cialis est personæ acceptatio, quæ fit ex-
tra judicium. *Estquè, vel Dilectionis,
vel Electionis, vel Donationis.* Προσωπο-
ληψία.

ληψία Dilectionis est, quâ una persona
 præ alterâ diligitur, v g, Joseph &
 Benjamin à Jacobo Patriarchâ præ reli-
 quis filiis, Hephæstion & Craterus ab
 Alexandro Magno præ aliis ducibus,
 alter ut φιλαλέξανδρος, alter ut φιλοβασι-
 λειός. *Προσωποληψία Electio* est, quâ una
 persona alteri præfertur, ob conditio-
 nem aliquam, vel internam, v g sapiens
 Lælius Ennio poëtæ vel externam, v
 g, Venus Jūnoni, ille ob sapientiam,
 hæc ob venustatem. *Προσωποληψία Dona-*
tionis est, quando uni personæ plus do-
 natur, quàm alteri, v g, Homero, quàm
 Chærilo Homerizanti. Atque hæc *προσω-*
ποληψία, uti non semper illegitima, ita,
 de eâ cardo questionis hic non vertitur.
Προσωποληψία Iudicialis est personæ ac-
 ceptatio, quæ fit in iudicio. *Estque vel*
Legitima, vel Illegitima. *Προσωποληψία*
Iudicialis Legitima est personæ accepta-
 tio in iudicio, quâ personis æqualibus
 tribuuntur inæqualia, vel inæqualibus
 æqualia, sed propter conditionem factum
 vel aggravantem, vel elevantem, quo-
 modo homo peccans ex scientiâ, & alius
 peccans ex ignorantia, hætenus æquales,
 quatenus uterque peccat, verùm si d.
 versum peccati utriusque gradum consi-
 deres, tunc sanè magis peccat ille, qui ex
 scientiâ peccat, quàm qui ex ignoran-

tia , majorique idèd pœnâ dignus , vel ipsius servatoris effato , dicentis , servum voluntatem domini scientem , neque facientem , pluribus plagis cædendum. *Προσωποληψία Iudicjalis Illegitima* est acceptatio personæ in iudicio , cùm æqualibus in causâ litis à iudice tribuuntur inæqualia , vel contrâ inæqualibus æqualia , hoc est , cùm ex pariter reis unus damnatur , alter absolvitur , propter externam circumstantiam , quæ ad litem non facit , puta , quòd unus sit dives , alter non item , unus dederit munera , alter non item , unus polleat autoritate , vel gratiâ , alter non item , quæ ipsissima injustitia prosopoleptica.

C A P U T XLVII.

De Justitiâ Commutativâ , & hujus Extremo , id est , inde & hinc , hinc & inde , Injustitiâ Commutativâ.

Justitia Commutativa sive Correctiva .
Jsī Nomen sive Nominalitem ejus species , hoc nominis accepit à commutando & corrigendo , ab illo materialiter , eò quòd versetur circa commutationes & contractus , mutuasque obligationes moderetur , ab hoc formaliter , eò quòd , si quid in rebus contrahendis peccetur .
 id

id corrigat, quò pravitas & fraus omnis
absit, damnumquè sarciatur, unâ parte
tantum dante secundum æqualem com-
pensationem, quantum ab alterâ gestit
accipere; ne, si altera usque minus ac-
ciperet in commutatione, ad pauperta-
tem redigeretur, commutatioquè minùs
foret diuturna. *Sin Rem sive Realitatem,*
ut sic est Virtus, (putà Moralis, sive Ac-
quisita More,) servans Mediocritatem in
Contractibus, secundum Proportionem
Arithmeticam. Juvat ἀναλύειν. *Definitio*
hæc constat Genere, & Differentiâ Spe-
cificâ. Genus Justitiæ Commutativæ est
Virtus Moralis: Quâ de re? Quia enim
& ipsa suo loco est habitus ἀρετικὸς
electivus, habens requisita virtutis mo-
ralis, rectam rationem pro principio,
mediocritatem inter plus & minus pro
medio, honestatem verò pro fine, bo-
num faciens habentem, opusquè ejus
rectum & perfectum dans, quod propri-
um virtutis moralis: Ubi autem ingre-
dientia virtutis moralis, ibi & ipsa vir-
tus moralis. Differentia Specifica Iusti-
tiæ Commutativæ explicite sumitur ab
Objecto ejus, Adjunctoquè Officio circa
illud Objectum, implicite verò à Subjecto,
positive, inquam, ab illo, præsupposi-
tive verò ab hoc. Objectum Iustitiæ
Commutativæ & ipsum, vel Internum
est,

est. vel Externum, ex quo utroque simul sumto objectum ejus totale atque adæquatum conflatur. *Objectum Internum Iustitiæ Commutativæ*, non tam iterum sunt *Affectus*, quàm *Actiones Internæ inde prodeuntes*, uti notatum capite præcedenti, præquè declaratum præquè cedenti. *Objectum Externum Iustitiæ Commutativæ universè, vel Negativum est, vel Positivum. Objectum Externum Negativum Iustitiæ Commutativæ sunt Contractus Publici, & Pænæ Publicæ. Contractus Publici*, tam quoad formam, cum sint actiones publicæ, non privatæ, quàm materiam, quæ & ipsa publicæ, hætenus fori distributivi, non commutativi, cui subjiciuntur tantùm res, in quas juris quidquam alicui est, alio quàm publico nomine, ut si Respublica quid emat à privato, quo in casu illa cogitur solvere precium juxta proportionem arithmeticam, æquè atque quilibet privatus, quoniam æquè contrahit ac privatus, uti &, si solvat stipendia pro præstito servitio iis, quorum operam peculiari-
 ter conduxit, quoniam omne salarium compensatio quædam est operæ, quam ex contractu quis præstat, cum distributio publicorum bonorum nec ex contractu fiat, nec ad quidquam compensandum, verùm ideò, ut ejus, quod jam
 antea.

antea est communis totius, singuli partem possideant, Dico, alio quàm publico nomine, ut si Respublica contrahat fœdera, vendat regalia vetera, vendat privilegia atque officia publica, redditus publicos, quæ venditio actus justitiæ distributivæ esse videtur, non commutativæ, cum præcisione, sive in rigore. *Pœnæ hinc Publicæ*, centesimatio, vicesimatio, decimatio, exactionis integre legionis, pœna universitatis in qualitate universitatis, ceu sunt, multæ, publicatio bonorum, privilegiorum ademptio, adæquatio murorum, reductio & redactio urbis in agrum pascuum, supplicium, sumtum vel de universis, vel de solis capitibus, hoc est, ducibus & ductoribus, qui actus justitiæ distributivæ, si minùs ratione adæquationis, spectantis æqualitatem culpam inter & pœnam, quæ fori commutativi, minimùm ratione executionis quæ fori distributivi. *Objectum Externum Positivum Justitiæ Commutativæ sunt Res Privatorum, sive Contractus, qui inter Privatos ineuntur*, vocabulo contractus sumto, non strictè, pro unâ contractuum specie, obligatione putà ultrò citroquè factâ, ita ut utrinque nascatur obligatio, ceu sunt, emptio & venditio, conductio & locatio, quomodo qui vendit, ex eo, quòd vendidit

didit, obligatus est ut tradat, sicut & qui locat, ex eo quod locavit, altero obligato, ut precium persolvat, id quod in aliis contractibus non ita fit, v g, in mutuo, in quo, petens centum coronatos mutuo, est obligatus ut reddat, mutuo dans non item, stipulatione què, in quo contractu, promittens centum coronatos, est obligatus ad persolvendum, alter non item, non, inquam, strictè pro obligatione ultrò citroquè factà, permutatione vè, cum res pro re datur, equus pro bove, commercio vè, inter v g furem, & eum, cui quid furto auferitur, raptorem, & cui quid eripitur, inter quos nemo facile dixerit intercedere commercium, nisi latius vocabulum commercii, quàm vulgò, accipiat, sed latè & laxè, pro quâlibet obligatione, siue ex Contractu nascatur, siue ex Quasi-Contractu, siue ex Maleficio, siue ex Quasi-Maleficio, quod & Jurisconsultos contractus vocabulum videas interdum porrigere, cum contrahere fraudem, contrahere delictum, dicunt. *Ut ita Contractus, circa quos vertitur & versatur Justitia Commutativa, tanquam circa Objectum Externum Positivum, sint Contractus Voluntarii, vel Quasi-Voluntarii, & Involuntarii siue Involi, vel Quasi-Involuntarii siue Quasi-Involi,*

Con.

Contractus Voluntarii dicuntur obligationes ex contractu, cum utrinque est animus contrahendi, resque aliqua ex consensu utriusque partis transfertur in alienam personam, cum ratione debiti. Dico, cum ratione debiti. Si enim omninò transferatur, non modò quoad usum, sed etiam quoad dominium, absque ullâ spe compensationis, actio liberalitatis erit, non iustitiæ commutativæ. Fiuntquè vel Re, vel Verbis, vel Litteris, vel Consensu. Contractus Re perficiuntur, qui non consistunt in conventionem solâ, sed requirunt rei traditionem, ceu sunt, Mutuum, quò referenda est Usura, Commodatum, Depositum, Pignus. Contractus Verbis perficiuntur, qui requirunt certam verborum formulam, ceu sunt, Sripulatio, Promissio, Fidejussio. Contractus Litteris sive Scripturâ perficiuntur, qui ante scripturam rati non habentur, nec nisi confecto à notario publico instrumento, ceu sunt, Nomina. Contractus Consensu perficiuntur, qui non requirunt certam verborum formulam, & in quibus sufficit consensus, quovis modo exterius utrinque explicatus, ceu sunt. Emtio, Venditio, Locatio, Conductio, Societas, Mandatum. Numerum hunc contractuum voluntariorum colligit sic
Tho.

tutes & vitia dicuntur esse voluntaria antecedenter, eò quòd horum principium sit voluntarium, necessaria verò consequenter, ob habitum constitutum. Unde illa famosa Ictorum: Contractuum initia inspicienda: Voluntatis est contrahere, necessitatis contractum expetere: Voluntatis adire arbitrium, necessitatis sententiâ ab arbitris dictâ stare. *Contractus Quasi-Voluntarii* dicuntur obligationes ex quasi-contractu, quales, qui nascuntur ex Negociorum Gestione, Rei Communionem, Tutelâ, Additione Hereditatis, Solutione Indebiti. *Contractus Involuntarii sive Inuiti* dicuntur obligationes ex maleficio, fiuntquè unâ parte invitâ, non ratione ejus, qui eos suscipit, seu agentis, qui sciens & volens agit, sed ratione ejus, in quem suscipiuntur, seu patientis, cui vel ignoranti vel nolenti fit injuria. Suntquè vel Clandestini, vel Violenti. *Contractus Involuntarii Clandestini* dicuntur, qui per dolum nolentibus inferuntur, ceu sunt, Furtum, Adulterium. Veneficium, Lenocinium, Servi Alieni Corruptio, Cædes Dolosa, Falsum Testimonium. *Contractus Involuntarii Violenti* dicuntur, qui per vim nolentibus inferuntur, ceu sunt, Verbera, Vincula, Cædes, Rapina, Mutilatio Corporis, Convici-
cium,

cium, Contumelia. Etiam hunc numerum contractuum involuntariorum colligit Thomas nonnihil mutatis. mutandis. Lædi, inquit, quis potest, vel in re suâ, vel in personâ, idquè vel occultè, vel manifestè. Ubi occultè res alterius accipitur, furtum est, ubi manifestè, rapina. Persona alicujus læditur, vel ratione incolumitatis, vel ratione dignitatis, & rursus, vel ipsa in se, vel in personâ aliâ, certo modo sibi conjunctâ. Cùm læditur persona ratione incolumitatis occultè, est cædes dolosa, veneficium, aut fraudulenta percussio, cùm manifestè, cædes violenta, incarceration, verberatio, mutilatio. Cùm læditur persona ratione dignitatis occultè, est falsum testimonium, aut detractio, cùm manifestè, falsa accusatio, aut convicium. Cùm quis porrò læditur in personâ conjunctâ, est adulterium, seductio servi, & si quid his simile. Hactenus iterum Thomas. Omnes hi contractus involuntarii vocantur rectè, quia unâ parte invitâ fiunt omnes. Quod enim v g in furto clam transfertur res ab uno ad alterum, eo tantùm fit volente, qui furatur, non cui furtim aut furto res surripitur. Idem de reliquis judicium. *Contractus Quasi-Involuntarii sive Quasi-Inviti* dicuntur obligationes ex quasi-maleficio,

maleficio , quales , qui nascuntur ex Venæ Sectione & Medicamenti Exhibitione Malâ magis quàm Malitiosâ, adeoque per Vitium Artis potius quàm Moris , Domesticâquē Dejectione vel Effusione, per Incuriam magis, quàm Injuriam. *Solent hic loci movere scrupulum Moralistæ incidenter , an adunam speciem justitiæ pertineant omnes hi contractus , an verò ad diversas ejus species?* Ego cum illis facio , qui affirmant prius , motus hoc argumento , quia in cunctis una & eadem ratio capiendi medium , omnesquē unâ & eâdem æqualitate ac proportionem mesurantur. Quamquam enim duæ sint partes justitiæ commutativæ , una , quæ versatur circa commutationes voluntarias , altera , quæ circa invitas , non tamen ideò duæ sunt ejus species , cùm tam in voluntariis quàm invitis commutationibus , una & eadem planè sit ratio debiti , unus quin etiam modus res ad æqualitatem redigendi , una quoque ratio formalis justitiæ utrobique , utut interim ratione materiæ aliqua sit diversitas , cùm in voluntariis commutationibus tantùm res compensetur , in invitis damnum pariter & offensa , eo , quod hîc nimium , existente lucro , ut si quis pulsaverit , quod parum , damno , ut si quis pulsatus fuerit. Ubi in
transitu

transitu notandum , lucrum hîc dici
 actionem , damnum passionem. Notan-
 dum deinde autem , lucrum habere ra-
 tionem pluris , damnum minoris , sum-
 tum contrariè. Etenim in bonis lucrum
 quidem pluris habet rationem , damnum
 minoris , in malis contra lucrum mino-
 ris , damnum pluris. Qui enim plus mali
 habet , næ ille damnum , qui minus lu-
 crum sentire videtur. Notandum deni-
 que , illud lucrum & damnum tantum ,
 quod fit hominibus invitis , cumquè al-
 terius injuriâ est conjunctum , esse hu-
 jus loci , non item lucrum , quod quis
 capit ex re aliquâ nemine invito , da-
 mnumvè , quod quis patitur ultrò , sive
 suâ sponte. *Officium Justitiæ Commuta-
 tivæ circa suum Objectum est , Tenere
 Medium inter Nimium & Parum , tam
 in Contractibus Voluntariis , quàm in In-
 voluntariis sive Invitis , secundum Arith-
 meticam Proportionem , nullo habito per-
 sonarum respectu per se , cùm damni tan-
 tùm differentiam intueatur , personis verò
 utatur ut æqualibus. In Contractibus Vo-
 luntariis. Quòd si enim v g arma , vinum ,
 frumentum , vestes , & aliæ res , ven-
 dantur , justitia commutativa mercis &
 precii summam efficit æqualitatem , se-
 cundum proportionem arithmeticam ,
 quicunque tandem sint contrahentes ,*
 consul

consul an lictor, dives an pauper, amicus an inimicus, cognatus an alienus, civis an hospes. Sic quippè τὸ δίκαιον retinebitur, neuterquè contrahentium plus vel minus habebit, prout etiam habere debent, ne si merx precio non respondeat, altera contrahentium pars ad inopiam redigatur, commerciaquè rollantur. Scilicet omnis justitia consistit in aliquâ rerum æqualitate, æqualitas autem ista, vel ex dignitate personarum æstimatur, vel simpliciter tantum ex rerum ipsarum modo & mensurâ, ut hoc loco. Cùm enim commutationes ideò institutæ non sint, ut de communibus bonis ultrò civibus præmia persolvantur, utique nec personarum dignitas in iis primò ac per se attenditur, quare nec æqualitas, quæ ex dignitate personarum æstimatur, quod si ita, relinquitur, ut observetur altera æqualitas, quæ ex rebus ipsis tantum petitur, quomodo qui ædes v. g. vendit, tantum pecuniæ ab emtore expectat, non quanto ille fortè sit dignus, si dignitatem ejus positivam inter cives spectare velis, sed quantum compensare ædes illas potest, nec pecuniam emtor erogat alio fine: Sed &, si tantam injuriam facit probus, cùm quem defraudat, quantam im-

improbis, tum utique iniquitas rei illius non ex personâ pensatur, sed ex facto, quicquid interim de personarum æqualitate aut inæqualitate fiat. *In Contractibus hinc Involuntariis sive Inuitis.* Quod si enim, (ut maneam in hoc circo & circulo,) homo aliàs probus, si non moraliter, saltem civiliter, defraudet bipedum nequissimum, non minùs nec minor hæc fraus & injuria, quàm si pessimus defraudet optimum, ideoquè ex eo res pœnâ digna, non minùs puniendâ in istâ personâ, quàm in alterâ. Si enim personæ dignitas non vetat, quò minùs sit delictum, quod delictum allàs per se est, nec eadem impedire potest, ne pœnâ sit dignum, quam aliàs commereretur, servatâ proportionem arithmeticâ culpam inter & pœnam, tum quia pœnæ non sunt aliquid, quod sub distributionem cadit, ut pecunia publica, aut agri ab hostibus capti, cùm supplicia publica non ita dividantur inter cives, velut pecunia è thesauro civitatis depromta, ut singuli cives, pro ratione loci, quem in eâ tenent, partem aliquam auferant, cùm nemo puniatur, quia civis est, ut partem pecuniæ vel agri ideo accipit, quia civis est, quoniam aliàs omnes & singuli cives forent puniendi, & ideo quidem, quòd sunt cives, tum quia

quia pro eodem delicto sic nobilis & liber acrius, ignobilis contra & servus, mitius puniendi essent, eò quòd illi sint digniores his, contra juris regulam, & stylum curiæ, sicutquè opulentorum onera majora sunt, ita pœnæ eorundem majores esse deberent, tum quia proportio geometrica heic benè verò se habere potest, neque interim satisfieri justitiæ, idquè ob defectum proportionis arithmeticæ. Fac enim, quatuor esse, quorum primus commiserit stuprum, secundus adulterium, tertius incestum, quartus sodomiam, primus multetur uno floreno; secundus duobus, tertius tribus, quartus quatuor, hîc tantum cuique datur, quantum deberur in ordine ad alterum, geometricèquè ut sic benè se res habet, neque interim justitiæ est factum satis, quæ atrociores pœnas exigit secundum proportionem arithmeticam, distinctis inter se delictis, proquè levitate & gravitate eorum his adæquatis. Objicis loco pessuli hunc obicem: Si in adæquatione pœnarum, quæ fori commutativi, res solæ simpliciter atque absolute forent attendendæ, secundum proportionem arithmeticam, quæ ex rebus ipsis tantum petitur, nullusquè esset attendendus personarum respectus, quâ lædentium, quâ læsarum, tunc

F

pari

pari afficiendum poenâ esse , qui alienam uxorem & qui ancillam , violavit , qui cum virgine & viduâ , homine & bruto , rem habuit , patrem & servum occidit , privatum & magistratum contumeliâ affecit , aliumvè cognatum , cum tamen , secundum Arcadii & Honorii constitutionem , legemquè Pompejam de sicariis , sint graviùs puniendi. Removeo eum hoc repagulo , non debere videri mirum , inæquales poenas esse , cum delicta sunt inæqualia , propter circumstantias aggravantes vel elevantes factum , inter quas est etiam personæ conditio , sumtæ non ut objectum , sed ut accidens facti. Etenim , qui punire vult , primò ac per se respicit delictum , deinde animum defigit in circumstantias , loci , temporis , personæ , quæ deliquit , & contra quam delictum est , ex quibus aggravatur aut elevatur delictum , demùm poenam adæquat delicto : Quid mirum , inquam , inæquales poenas esse , cum delicta sunt inæqualia , cum res etiam , quæ venduntur , uno precio non vendantur , quoties inter se inæquales sunt , neque leges unam & eandem poenam statuunt parricidæ , & simplici homicidæ , ei , qui ex errore hominem interfecit , & qui ex malitiâ , vindictævè cupiditate , qui per ebrietatem , & qui per lasciviam , distinguentes

guentes id., quod ultrò factum est, à
sciente & volente, extra moderamen in-
culpatæ tutelæ, ab eo, quod invitè, atque
intra moderamen inculpatæ tutelæ.,
quod ex proæresi, & sæpè, ab illo, quod
semel, atque ex imbecillitate, quod dum
faciunt leges, non pœnam, scripto sta-
tutam in abstracto, in concreto personis
attemperant, proquè earum conditione
exasperant vel mitigant, verùm delicta
inter se condistinguunt. Quòd si pro
ratione personarum forent constituendæ
pœnæ, non constitueretur alia homici-
dæ, alia parricidæ, alia furi, alia prodi-
tori, sed alia magistratui homicidæ, par-
ricidæ, furi, proditori, alia subdito, si
quid horum perpetrâssent, nobili alia,
ignobili alia, quia magistratum, subdi-
tum, nobilem, ignobilem esse, personam
in Republicâ facit, homicidæ autem,
parricidæ, fures, proditores, non à perso-
nâ & dignitate, quam gerunt in Repu-
blicâ, sed à delictis, quæ commiserunt,
sic appellantur. Ut rem mittam in com-
pendium verborum: Quemadmodum,
si merx sit major, majus quoque debet
esse precium ejus, ita si major culpa,
quæ septem modis augetur, personâ, loco,
tempore, quantitate, qualitate, causâ,
eventu, major quoque debet esse pœna.

Subiectum Justitiæ Commutativæ & i-

psum. vel Negativum est, vel Positivum. Subiectum Negativum Justitiæ Commutativæ, præter iterum Deum, & Seipsum, sunt Falsò sive Apparenter Justi Commutativè, sive in Foro Commutativo. Præter Deum, in quem non cadit justitia commutativa, nisi admodum abusive, cum in eum non cadat appetitus sensitivus, qui subiectum ut quo virtutum moralium, perfectioquè accessoria per habitum acquisitum more, in moderamine contractuum consistentem; cum Deo indignæ sint actiones rerum contrahendarum, ut cujus antea sint omnia. Et Seipsum, cum erga se non magis quis possit esse commutativè justus, dum sibi jus suum tribuit, quàm clemens, dum sibi ignoscit, misericors, dum suis malis tangitur, liberalis, dum sibi quid donat, comis hinc & urbanus, dum erga se est affabilis, secumquè ludit & joeatur: Falsò sive Apparenter Justi Commutativè, sive in Foro Commutativo, quales, præter eos, qui per leges nondum possunt contrahere, nisi consensu eorum, sub quorum & in quorum potestate sunt, illi, qui, cum debeant in contractibus observare æqualitatem rerum, hoc est, id, quod cuique debetur ratione ipsarum rerum, quas commutant, quicquid interim de personarum æqualitate vel
in-

inæqualitate fiat, observant æqualitatem personæ, siue, quod personis commutantibus aptum est, iisque competit, si dignitatem earum inter cives & concives spectes, tantum pecuniæ ab emtore expectantes, si vendiderint ædes, quanto ille dignus fortè, si dignitatem ejus positivam inter cives consideres, quod *μετρίκον*, non quantum nummorum ædes illas compensare valet in contractu, quod *ἀριθμητικόν*. Vapular hoc nomine apud Xenophontem Cyrus Junior adhuc puer, quòd geometricâ proportionem usus esset in argumento arithmetico. Cum enim duos fortè vidisset pueros, longiorem alterum, brevior alterum, huncquè vidisset longiore tunicâ amictum, illum verò brevior, fertur ascitus in arbitrum tunicas permutasse, & longiorem longiori, brevior breviori assignasse, malè, quoniam hæc analogia non habet locum in bonis ac possessionibus privatorum.

Subiectum Positivum Justitiæ Commutativæ sunt Verè seu Γνωίως Justi Commutativè, siue in Foro Commutativo, quales civiliter omnes illi indifferenter, absque ullo status & conditionis discrimine, qui gaudent administratione bonorum suorum, ita ut de his disponere possint, moraliter verò, qui in commutatione & contractibus, quæ voluntariis, quæ in-

voluntariis, observant æqualitatem rerum, non personæ, nisi fortè per accidens, & ex eventu, quod ajunt, loquendo utrinque de privatis. *Sic descripta Justitia Commutativa, quæ Obiecto, quæ Subiecto, utroque tam Negativo quàm Positivo, differt næ differt à Justitiâ Distributivâ, Talionequè Absolutâ.* *À Justitiâ Distributivâ differt: I. Functionibus sive Actionibus.* Etenim justitiæ commutativæ munus, in rerum permutatione servare æqualitatem, justitiæ contrâ distributivæ munus, distribuere bona & mala inter eos, qui in civili conversatione versantur, II. Subiecto Agente. Etenim justitia commutativa pertinet ad privatos homines inter se invicem contrahentes, distributiva verò ad eos, qui personam gerunt publicam, vel verè, vel *ἡ μισθοφορία*, similitudinariè. III. Obiecto, sive Materiâ circa quam. Etenim justitia commutativa id operam dat, ut in commutationibus, rebusq; contrahendis, quisque privatorum suum consequatur, ita ut commutatione factâ utraq; pars æqualem portionem habeat, justitiâ distributivâ contrâ habente rationem personarum, hisquè domi distribuyente bona & mala, hoc est, præmia & onera, pro harum dignitate & conditione in Republicâ. IV. Obsectorum Formalibus, sive Modis tenden-

di

di in Objectum. Etenim Justitia commutativa tendit in rem, tanquam absolute debitam, Justitia verò distributiva in rem quodammodo debitam. V. Formâ seu Mediocritate. Etenim justitia commutativa servat medium rei, proportionemquæ arithmeticam, respectu precii rerum, quæ permutantur, meramquæ persequitur æqualitatem, nulla habijâ ratione similitudinis rationum, comparatis inter se excessibus lucri & damni tantum, justitia verò distributiva servat medium rationis, proportionemquæ geometricam, intuitu personarum, eò quòd facultatum publicarum distributio eâ ratione fiat semper, quam inter se habent *τὴν ἐσομένην μερίδα*, ingredientia, putà, merita officia atque operæ, divisis facultatibus publicis, prout hæc se habent, probum inter & improbum, civem & peregrinum, tributum & militem. *A Talione hinc Absolutâ differt, ut quæ diversa sit ab omni Justitiâ, quâ Distributivâ, quâ Commutativâ. A Justitiâ Distributivâ diversa est Talio Absoluta, quia in eâ habetur ratio personarum, secundum proportionalitatem rerum ad personas, ut quò quisque, qui læditur, est major dignitate aut meritis, eò sit is, qui lædit, gravius puniendus, gravius v g is, qui principem aut magistratum, patrem aut*

futor , siquè faber ædificaverit medico domum , quomodo is vicissim ei ædificabit domum ? Sed nec in Contractibus In vitis. I. Quia inæqualitas personarum inducit inæqualitatem in delictis ejusdem generis , nec permittit , ut idem quis specie pariatur , quod fecit , recipiendo æqualia , cùm fieri possit , ut quis percusserit hominem in magistratu constitutum , quo in casu non satis erit , si repercutiatur percussor , verùm poenas ille mihi luet , & plus patietur , fieri quin potest , ut in magistratu constitutus percusserit aliquem ex privatis , qui propterea non ocysus debet repercuti , passivè eadem , ob geminam rationem , sicut nec , si vel liber servum percusserit , dominusvè famulo dederit alapam , oculumvè quis alteri effoderit , quibus in casibus non datur actio ad paria , ob minorem passionem , majoremvè actionem ejusdem speciei , iniquum quoque sit ex hoc capite , ei , qui conviciatur alicui intra privatos parietes , idem referri convicium in theatro , confessuvè publico. Ut ita imperitè , dicam , an impiè , apud Aristophanem filius patrem , à quo percussus fuerat , contrà percutere voluerit , secundum naturam talionis absolutæ , importantis æqualem recompensationem passionis ad actionem præcedentem.

II Quia multum interest, spontè quis, an per ignorantiam, malitiosè àn incautus, percusserit alium, quibus in casibus si talio absoluta haberet locum, tunc quod per imprudentiam vel incuriam est factum, retaliari deberet per easdem. Quonam igitur modo imprudentem vel incautum poterit imitari, qui in exequendâ talione, non licentiæ jus habet, nedum decentiæ, sed imprudentiæ & negligentiae, cum ictus fortuitus & incautus non cadant sub ejusdem talionis similitudinem cum consulto & cauto. Taceo, quòd acerba atque inhumana talionis sic futura sit executio. Etenim, cui membrum ab alio ruptum est, si ipsi iterum rumpere membrum per talionem absolutam quis velit, quæro primùm, an efficere possit rumpendi pariter membri æquilibrium? Deinde, si quid plus aliter vè fuerit commissum, annon res fiet ridiculæ atrocitatis, & annon contraria orietur inde actio mutuae talionis, adolescente sub manu infinitâ quâdam reciprocatione talionum? III. Quia talionis ea est natura, putà absolutæ, ut quibusdam rebus penitus adhiberi nequeat, saltem nequeat ad vivum, exactè, atque in rigore, cum multa sint delictorum genera, quæ sine turpitudine retaliari haud possunt, v g., adulterium, fur-

furtum , perjurium. Unde concludendo concludo, fide dictorum , utut talio jus sit , inquè rebus contrahendis suo loco sit necessaria , non tamen absolutè simpliciter & verè jus esse, *Non item similiterquè differt à Talione Analogicà five Proportionali*, reddente non idem unicuique , sed aliquid , quod proportionem ei respondeat , v g, pro institutione æquipollens precium , pro colaphi inflictione æquivalentem multam , quæ talio ipsissima justitia commutativa , locum habens, tum in Contractibus Voluntariis, tum in Contractibus Invitis. In Contractibus Voluntariis , five Permutatione Rerum , quæ si *Æquales*, tunc simplex *ἀντίδοσις* per se justa , si *Inæquales*, quæ quantitate , quæ qualitate , hoc est , numero magnitudine bonitate , uti ferè sit, quia Respublica non consistit ex iisdem, verùm dissimilibus & specie differenti- bus artibus artificiis & artificibus , à qui- bus res quoque fiunt specie differentes , ac proindè inæquales , tum verò , quò eadem sit quantitas & qualitas, eæ equan- dæ , hoc est , ad medium seu æqualita- tem revocandæ , absque quæ nulla datur permutatio justa , quod ipsum quò com- modùm fiat, res illas inæquales compara- biles ac commensurabiles esse convenit inter se , si non *οὐσία*, naturâ atque es-

sentia, quo res animatæ præstant inanimatis modo, musculus v g soli, saltem usu, ad quam rem opus mensurâ. *Mensura hæc vel Naturalis est, vel Artificialis*, quarum altera, quanti res quælibet sit commutanda, definit naturaliter, diciturquæ *Indigentia*, altera res aprè adæquat, atque ad paritatem traducit artificialiter, diciturquæ, *Nummus*, illa naturalis, quod sit orta à naturâ, necessitatis antecedentis explendæ causâ, quoniam nudi & rerum omnium indigi nascimur, primò medium, aut principium veriùs, rerum permutandarum, inconstantiorquæ in comparatione, eò quod rerum precia sint incertissima, hæc artificialis, quod hominum ingenio sit excogitata. lege, inquam, pacto, conventionione, instituto, necessitatis consequentis supplendæ causâ, secundariò atque successivè ex eo medium rerum permutandarum, rebus contrahendis per se inæqualibus æqualitatem inducens, non ut mediator interim, qui iudex, verùm ut communis mensura, constantior priori in comparatione, eò quod hominum pacto valeat, inquæ horum, non indigentia, sit potestate. Sed cur talis mensura indigentia? Quia enim absque hâc nulla futura foret permutatio. Quod si enim homines nihil indigerent, aut non similiter,

liter, futurum esset, ut ob defectum
mutuæ indigentiae, si ego non indige-
rem re tuâ, cum tu egeas meâ, si, aut
nihil, aut non similiter, egerem, futu-
rum, inquam, esset, ut nulla inter me &
te, te & me, daretur permutatio, cum
tamen civitates ideò primitus sint consti-
tutæ, ut, quod mihi deest, ab altero
suppeditetur, & à me iterum, quod illi
deest. Cur deinde autem nummus? Quia
enim vix fieri potest, ut, cum abs te ali-
quid consequi volo, semper habeam, quo
tu similiter indigeas, ne ergò ea res im-
pedimento foret permutationibus, num-
mus communi quodam consensu ac con-
ventionem postliminiò suffectus in locum
indigentiae, ita ut, si mihi opus esset ali-
quâ re tuâ, neque ullam rem haberem,
quâ tibi vicissim opus esset, non tamen
idcirco oporteret contractum intermitteri,
sed possem tibi dare nummum, tanquam
ὑπαλλάγμεν ἢ ἀντιπλάγμεν τῆς χρείας, vi-
carium necessitatis atque indigentiae,
sponsorem, inquam, & fidejussorem, ut
certò scias, quâcunque tandem re, aut
nunc, aut postea, egeris, te eam, vel
à me, vel ab alio, dato hoc tertio inter-
veniente, recepturum. Ut ita nummi usus
sit, quò succurrat permutationibus, quo-
ties non est mutua & æqualis indigentia,
Si enim utrinque res venalis datur, ne-
cessaria

cessaria utrique, non ita, saltem non æquè, opus est nummo. *Cæterum hîc etiam atque etiam observitandæ sunt regulæ quædam Mercuriales, foriquæ sunt commutativi, nominatim atque in specie hæ.* I. Quò major aut minor est indigentia vel abundantia, inopia vel copia rerum promercialium, eò unamquamque rem, aut pluris esse, aut minoris, quò item major minorvè copia emtorum, pecuniarumvè, penuria contrà mercium, quoniam pluris æstimatur, quod à pluribus quæritur, difficiliusquè & minore copiâ invenitur, quò denique major minorvè cupiditas hominum, precium rebus ponentium. Neque enim sola atque unica harum mensura indigentia. Hominum quippè voluntas, rerum domina, multas res subindè magis desiderat, quàm sunt necessariæ, quod ubi fit, tunc modus cupiditatis est modus æstimationis, ut si in gratiam alterius res vendatur, quò ejus desiderio satisfiat, alioqui non vendenda. II. Ut emere quicquam viliùs, quàm valeat, venderequè cariùs, secundum se illicitum sit & injustum, quoniam vel precium excedit rem, vel res precium, posse tamen per accidens esse licitum & justum, secundum conditiones eementis & vendentis, horumquè indigentiam, siquidem res cedat in utilitatem

rem ementis, & detrimentum vendentis, ut si quis indigeat habere rem aliquam, alterque lædatur, si eâ careat, quo in casu licitè quid potest vendi pluris, quàm valet secundum se, quamvis interim non vendatur pluris, quàm valet habenti. III. Precia rerum non esse arbitrio & æstimationi vendentium permittenda, ut tanti præcisè valeat res, quanti vendi potest, verùm tanti, quantum pro eâ communiter dari solet, eò quòd habeant aliquam latitudinem, intra quam plus minusve dari exigiquè potest, nisi lex terminum magnitudinis, qui augeri à venditore nequeat, certumquè rebus precium *ὡς ἀγμή* sive puncto constituerit, quod precium legitimum indivisibile, sive in indivisibili, contraquè ut distinctum ita distinguendum à precio corrente sive vulgari, quod infimum, medium, & summum, sive mite ac pium, mediocre, & rigidum in latitudine, neque ita punctualiter determinatum, ut modica additio vel diminutio tollat æqualitatem. I V. In communi hoc precio habendam esse, præter copiam & inopiam mercium, pecuniæ, ementium, laborum quoque atque expensarum rationem, quas quis subiit, in mercibus conquirendis, conservandis, meliorandis. V. Cùm mensura cujuslibet rei debeat esse definita, non infinita, idcò
legiti

legitimum preciorum taxatorem in rebus permutandis debere esse naturæ amicū, quantitatevè non infinitum, à quo abhorret natura & ars. VI. Denique, dari posse accidentia rei æstimabilia, ob quæ illa, supra aut infra commune precium, ematur vendaturvè, putà, ob lucrum cessans, damnumvè emergens, ex rei alienatione, idquè vel ratione peculiaris affectus, oblectationisvè, quâ se privat venditor, dum in gratiam emtoris quid vendit, alioquin non venditurus, vel ratione incommodi consequentis, quia constituerat fortassis servare rem, donec pluris esset valitura, quo in articulo mercator, qui ex consideratione, & non ex occasione, quid vendit, næ potest pluris vendere, quod vendit, precio vel determinato, siquidem certum sit, rem illo tempore tantum valituram, vel indeterminato, si incertum. *Unde sole meridiano clariùs patet, quo mercatores modo queant justè dite/cere.* Si enim indigentia rebus ponit precium, neque eadem fert omnia tellus, uti ostensum in superioribus, næ æquitati consentaneum fuerit, ut mercatores, qui merces aliundè advehunt suo cum periculo onere & molestiâ, tantum domi lucrentur, quanto propter inopiam ἐν λιπρωταίᾳ, adeoque ibi sunt cariores, ubi eas divendunt, quàm

quàm iis in locis , ubi fuerunt coëmptæ.
Buridanus diceret, posse mercatores bonis
artibus ditescere, & per consequens emere
rem vilius, venderequè carius, meliora-
ram post emtionem, idquè propter la-
borem meliorantem illam rem, dummo-
dò non indilatè id faciant, vitiumvè sit
melioratum per accidens, qualem mer-
caturam ait esse innaturalem, quia ordi-
netur tantùm ad congregationem pecu-
niarum, medium quæ mercaturæ, non
finis. Et cur nequeant, sodes, bonâ con-
scientiâ rem facere mercatores, dum pre-
cium à magistratu constitutum sequantur,
neque rem tanti vendant, quanti possunt,
modò, deficientequè publicâ taxatione,
communivè æstimatione, precii defini-
tionem permittant iudicio intelligentium,
omnes circumstantias rectè ponderanti-
um, quarum circumstantiarum quædam
circa ipsas merces spectantur, ut copia,
inopia, utilitas, necessitas, quædam cir-
ca venditores, ut labores, expensæ,
pericula, damna, in illis comportandis
& conservandis, uti & modus vendendi,
ultronè offerant venditores, quod ven-
dunt, an verò rogati, quædam denique
circa emtores, sintnè multi, an pauci?
Atque aded, vel ideò etiam mercatores
opulescant ac ditescunt meo iudicio be-
nè, quia patriam beant rerum deficienti-
um

um copiâ, communequè quasi quoddam forum domi aperiunt, in quo totius mundi opes sint venales. Objicies fortassis interpellabundus, complura interim mercaturæ esse vitia, eamquè nihil ferè aliud esse moribus, quàm viliùs emere, ut carius vendas, quales mercatores dominus olim ejecerit è templo! Vitia mercaturæ autem? Immò mercatorum, pace quod dixo tuâ, nec horum omnium, sed quales Christus exterminavit è sanctuario patris sui, neque immeritò, quia enim lucrum intendebant ut ultimum finem, in loco incompetenti, modo incompetenti, qui si servetur, quid quæso impediatur, quò minùs viliùs emas, quò carius vendas ex causâ, vel quia rem in aliquo meliorasti, preciumvè ejus est mutatum secundum diversitatem loci & temporis. vel quia te periculo exposuisti, transferendo rem de loco in locum, alio vè ex titulo, sive alio ex capite, Quod attinet vitia & flagitia mercaturæ, næ ea ex accidenti huic competunt, non ex naturâ ejus: Atqui propter abusum non tollendus verus rei usus. Cibos aspernemur. attrulerunt sæpè valetudinis causas: Nunquam tecta subeamus, super habitantes aliquandò procumbunt: Non fabricetur militi gladius, potest uti eodem ferro latro: Immò quis nescit, ignes, aquas,

aquas , solem , lunam , aliquandò nocere , geminoquè modo mercaturam , vitio non suo tamen , sed mercantium , nihil ferè proficientium , nisi splendidè mentiantur. Neque verò in Contractibus Voluntariis tantùm , seu Permutatione Rerum, mediante Indigentia & Nummo, locum habet Talio Analogica sive Proportionalis, verùm etiam in Contractibus Invitis seu Maleficiis, in quibus talio debet fieri , atque ad æqualitatem proportionalem reduci à iudice , & non à partibus contrahentibus , ut in rerum permutatione , & contractibus voluntariis , nisi his minùs conveniat tamen inter se. Cùm enim de æqualitate servandâ in contractibus disconvenit inter privatos, eundem etiam hic ad iudicem , quò quisque jus suum , hoc est , restitutionem medii, consequatur , qui iudex, intellectâ damni & lucri differentiâ , dimidio lucri damno appposito, tanquam intermedius inter illum , qui habet plus , & illum , qui habet minus , faciet æqualitatem, vel auferendo ab illo , qui habet plus , & addendo pro ratâ illi , qui habet minus , ad eum modum , quo quis lineam sex pedum, æquare volens lineæ quatuor pedum , quia discrimen est duorum pedum , unum majori lineæ detractum breviori apponit, differentiamquè componit,

ponit, vel uni detrahendo solum & simpliciter, quantum dēest alteri. Unde judex ab hoc mediationis sive æquationis officio *δικαστής* Græcis dicitur, quasi *δικαστής*, quod rem quamlibet in medietates, sive partes æquales, secet, item *μεσότης καὶ μεσότης*, quasi *διὰ μέσον τῆς δίκης ἔων*, per medium juris transiens, ipsumquē quin *δικαιον* audit inde quasi *δικαιον*, verso *χ* in *κ*, à Græcanico *δίχα*, quod valet duatim sive divisim, quasi bifariam sectum, vel quasi *διαίον*, per omnia means, interposito *κ* euphoniæ gratiā, quod cuique tribuat, quod suum est. Atqui nummus est medium inter res permutandas, quarum altera precii majoris, minoris altera, perquē eum redigitur inæqualitas, si qua est, ad æqualitatem, ergo non per judicem! Nam hoc fortē dicat aliquis. Immo verò per utrumque, per nummum, qui est res inanimata, tanquam per communem mensuram æstimationis rerum permutandarum, per judicem verò, qui est res animata, & jus animatum, tanquam per mediatorem, inter illum, qui habet plus, & illum, qui habet minus, æquantem inæqualitatem, quæ est inter eos, reducendo eam ad pristinam æqualitatem, quæ fuit antè, quàm illatâ injuriâ factæ sunt res inæquales & iniquæ, quod ubi
fir,

fit, corritur ad judicem, sicut & in contractibus invitis, ut, quò ad æqualitatem perveniatur, vel ei, qui lucratus est, plusvè justo habet, demat quantum satis est, addatquè alteri, qui damnum accepit, justovè minus habet, vel demat simpliciter uni tantum, quantum is demsit alteri. Exemplum primi modi in contractibus voluntariis fùerit, si judex ei, qui emit libellos decem florenis, neque bibliopolæ eo nomine satisfecit, decem florenos adimat emtori, & bibliopolæ solvat, unde nascitur medium lucrum inter & damnum. Cùm enim emtor haberet plus, seu lucrū, libros videlicet & pēcuniam, adeoque viginti florenos, venditor verò haberet minus seu damnum, id est, planè nihil eorum, quæ versantur in hoc contractu, cùm & libros tradiderit, & pecuniam non receperit, judex inæqualitatem hanc corrigit, decem florenis emtori detractis, & bibliopolæ solutis. Exemplum ejusdem modi in contractibus invitis fuerit, si judex furi imponat reddendum alteri, quantum ipsi abstulit, immò plus, duplum, triplum, quadruplum, cur, quia enim, propter damnum, quod dedit fur, offendit Deum, offendit Rempublicam, offendit proximum, eò quòd, qui furtum facit, pecuniamquè alicujus aufert, is, qui aufert, in hoc contractu plus

plus habeat , quàm habere eum par erat ,
is verò , cui aufertur res sua , minus , quæ
inæqualitas ad æqualitatem reducenda
per iudicem. Exemplum secundi modi
in contractibus voluntariis fuerit , si uni
contrahentium voluntariè derrahatur so-
lùm & simpliciter , quantum deest alteri
contrahentium , neutro eorum lucrum
habente damnumvé , hoc est , plus boni,
aut minus mali , quàm habere debebant
commutantes , ut si quis emat vineam
centum florenis , & emtor tantùm nume-
ret quinquaginta , isquè ut sic habeat cen-
tùm & quinquaginta florenos , venditor
verò tantùm quinquaginta : Quid reme-
dii aut consilii ? Iudex hoc in casu , quò
æqualitatem inducat , quinquaginta flo-
nos demet emtori , eosquè solvet vendi-
tori. Exemplum secundi modi in con-
tractibus iuvitis fuerit , si cædem à priva-
ro factam , extra moderamen inculpatæ
tutelæ , cæde vindicet iudex , homici-
dæquè eripiat , quod ipse alteri eripuit ,
ut vel eâ ratione æqua utriusque sit con-
ditio , nevé penes homicidam sit lucrum ,
dum animo & iræ suæ morem gerit ,
voluptatemquè ex suâ actione capit ,
penes eum verò , qui occiditur , sit da-
mnum , dum rei charissimæ jacturam facit
absque satisfactione , eò quòd factum hoc
corrigi , & ad æqualitatem , à quâ abiit ,
re-

redigi nequeat primo modo, cum nihil
hic sit, quod ei addi possit, qui damnum
passus est, quo damnum illud resarciatur,
cum ipsa vita ipsi sit erepta, ita ut neces-
sariò altero modo res ad æqualitatem sit
reducenda, homicidæquè contrà eripi-
endum, quod ipse alteri eripuit, ut vel
eâ ratione par pari referatur, anima pu-
tâ pro animâ, vel ipso Christo interprete,
vindicante legem talionis à corruptelis
Pharisæorum, cum ait, audivistis, dictum
esse, oculum pro oculo, dentem pro
dente, ego verò dico vobis, ne omninò
resistatis malo, neque interim hoc ipso
prohibente, quò minùs paria paribus re-
ferat magistratus. Nisi enim liceret cer-
tâ proportionè par pari referre, tam in
bonis, quàm in malis compensandis,
tunc nulla hominum inter se & cum aliis
societas consistere posset, quæ mutuis
dationibus & acceptionibus constat, offi-
ciorumquè ac factorum similitudine,
supponente talionem, quæ jus, verùm
eâ conditione, si in illâ servetur æqualitas
analogica, quâ non idem pro eodem
semper redditur, sed tam bona quàm
mala certâ quâdam proportionè retri-
buuntur, non simpliciter. Etenim jus
simpliciter & absolutè in analogiâ, & non
in solâ talione, consistit. Adjuris quippè
constitutionem duo necessaria, talio & ana-
logia.

logia, Atque hæc ipsissima videtur fuisse
sententia Pythagoræ & Pythagoricorum.
Quis enim credat, à sapientissimo Py-
thagorâ, ejus singula sententiarum fru-
stra gemmas habent, si credimus Lipsio,
hujuscemodi justalionis probatum esse,
quod omnem personarum & circumstan-
tionarum respectum excluderet. Quid
ergo Pythagoras? Haud dubiè intellexit,
non nudam & simplicem proportionem,
quæ rerum quasi *παντότης* identitas est,
verùm eam, quæ est *κατ' ἀναλογίαν*, &
κατ' αἰτίαν rerum pariter & personarum,
quomodo si miles ducem vulneret, talio
fuerit, non vicissim vulnerari, sed ad
mortem rapi, si alius imprudens cædem
committat, talio fuerit, non vicissim in-
terfici, sed vel multari, vel in exilium
agi, si libram auri quis tradat, talio fuerit,
non libram auri, sed merces, quæ æ-
quant precium auri, accipere, quo in
conceptu & sensu si Pythagoricam talio-
nem accipiamus, ita ut actioni secundum
proportionem proportionetur passio,
quò fiat cœquatio actionis & passionis.
retributioquè tanti pro tanto, næ illa ad
utramque justitiæ particularis speciem
non incommodè poterit applicari. *Ex-
tremum Justitiæ Commutativæ est, inde
& hinc, hinc & inde, Injustitiæ Commuta-
tiva*, vitium quæ morale, æqualitatem
in

in contractibus violans , dum alterum
ferre damnum , alterum verò facere lu-
crum , patitur , quo jure , quâvè injuriâ ,
alterum , inquam , habere plus de bonis ,
& minus de malis , alterum contrâ plus
de malis , & minus de bonis , utrumque
injustè , sive quis sibi plus bonorum ex-
teriorum expetat , quàm convenit , sive
minus malorum exteriorum , v g , pau-
pertatis , tributorum , & similium , quàm
convenit , licet interim communiter in
• scholâ morali injustus dicatur appetens
pluris , non minoris , eò quòd reverta-
tur penè in idem , cùm quis dicitur appe-
tens plus bonorum , & minus malorum ,
quia appetens minus malorum , videtur
esse plus boni appetens , cùm minus
malum habeat aliquo modo rationem
boni , in quantum est eligibile in com-
paratione , fide proverbiorum : Minima
de malis : Ex malis , quod levius : Me-
lius uni malo obnoxium esse , quàm
duobus : Undè fit , ut minus appetens
mali , eo ipso sit plus appetens boni ,
ideoquè pluris cupidus , quàm æquum
est , quare & iniquus , etiam quin trans-
gressor legum , sive sit plus appetens ,
sive minus appetens , iniquus particulari-
ter , transgressor legum universaliter , eò
quòd iniquitas illa se extendat ad omne
genus improbitatis . injustitiamquè o-

mnem comprehendat , omni plus appetente existente iniquo , & transgressore legum , non contrà , omni iniquo & transgressore legum plus appetente , cum possint esse aliæ species improbitatis & transgressionis legum , quæ non sunt injustitia illa particularis , quæ est pars vitii , & pars vitii totius , uti doctè , sed minùs Latinè , disputat Donatus Acciajolus ad Aristotelem , lib. 5. Eth. Nicom. cap. 1.

C A P U T XLVIII.

De Virtute Heroicâ , & ejus Extremis , hoc est , inde Feritate Morali sive Voluntariâ , hinc Ignaviâ Stupendâ sive Immani.

Actum adhuc dum à nobis benè multis de duobus primis Gradibus Moralibus , putà , Infimo sive Incipientium , & Medio sive Proficientium , quorum graduum ille Semivirtus aut Semivitium hic Virtus aut Vitium Commune audit in auditorio morali : Restat , ut de Tercio Gradu , putà Supremo ; qui Perfectorum , Virtusquè Heroica vel Vitium Heroicum audit in eodem auditorio morali , quid commentemur. *Virtus Heroica , si Nomen sive Nominalitatem ejus spectes ,*

species, sic denominatur, vel ratione subiecti, hoc est, hominis heroïs, quem faciunt hæc tria requisita, sive hæc tres partes essentielles, extraordinarius putà imperus ad magni momenti rem incipiendam, extraordinaria hinc constantia ad eam rem promovendam atque explicandam, extraordinaria denique felicitas, ad eam ipsam rem perficiendam, atque ad umbilicum deducendam, vel ratione adjuncti, putà, ἀπὸ τῆς ἐρωτῆ ab amore singulari ultimi finis, ad quem altiùs elevant mentem suam heroës, quàm fieri solet ab hominibus vulgaribus, quasi tu dicas ortos ex mutuo amore Deorum & Hominum, quos, siquidem virtutibus intellectuallibus excelluissent, Dei immortalis & scæminæ mortalis filios ferebat antiquitas, sin morallibus, Deæ immortalis, ac viri mortalis, vel ἀπὸ τῆς ἐρασ, à terriâ, quòd post magnas terræ eluviones à diis supercœlestibus ex terrâ prodiissent, quasi terrestres dii, minimè terreni interim, vel ἀπὸ τῆς ἡρας, à Junone quasi ἀνθρώποις, Junonis & aëris filii, medii Deos inter & Homines, quemadmodum aër medius cœlum inter & terram, verà re, sive, in rei veritate, homines, qui supra communem aliorum sortem & conditionem elevati, actiones inimitabiles producunt, mirandas, inquam, potius,

tiùs, quàm imitandas. Virtus divina appellatur aliter, non quasi Dei sit, cùm ille habeat omnem perfectionem supereminenti modo, sed quòd faciat homines similes quodammodò Deo, sicut opposita feritas eosdem similes quodammodò reddit feris, non quasi ferarum sit, quæ incapaces ut virtutis ita vitii, & ratione potentiae, & ratione habitus. & ratione actus, tanquam agentia necessaria, non voluntaria, sed quòd efficiat homines quoquo modo similes magis feris, quàm cætera vitia, quæ reddunt quidem homines vitiosos, at non feras, hoc est, vitam inferiorem humanâ, similemquè vitæ ferarum, viventes. *Sin Rem sive Realitatem ejus spectes*, ut sic est Virtus, (putà Moralis, sive Acquisita More,) servans Mediocritatem in Objectis & Actionibus Virtutum Moralium, cum Gradu quodam Eminentiae. Juvat ἀναλύειν. *Definitio constat Genere, & Differentiâ quidem, at non Specificâ. Genus Virtutis Heroicæ est Virtus Moralis*, cùm & ipsa sit habitus ἀρεταίεπικὸς electivus, habens requisita virtutis moralis, rectam rationem pro principio agendi, mediocritatem inter duo extremo pro medio, honestatem verò pro fine, subjectumquè suum, in quo est, benè affectum reddens, opusquè ejus rectum.

ctum ac perfectum dans , quod proprium virtutis moralis , ubi autem requisita atque ingredientia virtutis moralis , ibi utique ipsa virtus moralis : *Verum cum gradu eminentiæ scilicet !* Unde tot ejus species constitui possunt addito gradu , quot sunt virtutes morales communes , quia in omnibus tenet hic gradus , licet interim potissimum locum habeat in illis virtutibus moralibus communibus , in quibus excellere est difficillimum , v g , in Patientiâ Jobi , Castitate Lucretiæ , Fortitudine Alexandri , Clementiâ Julii Cæsaris , Fide Reguli , Justitiâ Minois , neque in his tantum , verum etiam in virtutibus communibus intellectualibus , v g , in Sapientiâ Salomonis , Prudentiâ Socratis , Arte Æsculapii , ipsis quin in virtutibus spiritualibus , v g , in Fide Abrahami , verum ita , ut maxime proprie interim tribuatur virtutibus moralibus . Cum enim feriras , virtuti heroicæ opposita , sit in moribus , ad eosdem & virtus opposita erit referenda . Quid , quod eos , qui intellectualibus virtutibus excellunt supra vulgus , divinos potius , quam heroes , appellemus , Divinum v g Platonem , Divum Thomam . *Differentia Virtutis Heroicæ , at non Specifica , illa verò explicitè sumitur ab Objeto ejus , Adjunctoque Officio circa illud*

Objectum, implicite verò à *Subiecto*, positivè, inquam, ab illo, præsuppositivè verò ab hoc. Sed cur non specifica? Quia enim nihil hic occurrit discriminis, nisi secundum magis & minus, adeoque quoad accidentia tantum, essentiam haud mutantia. *Objectum Virtutis Heroicæ* & ipsum, sicut aliarum *Virtutum Moralium Communium*, vel *Internum* est, vel *Externum*, ex quo utroque simul sumto objectum ejus totale atque adæquatum conflatur. *Objectum Internum Virtutis Heroicæ*, sicut cæterarum *Virtutum Moralium Communium*, sunt *Affectus*, iique vel per se, vel per accidens, pro diversitate subiecti, hoc cum discrimine interim, ut, cum in virtute communi omnia sint tepidiora & languidiora, in virtute heroicâ contrâ omnia sint vividiora, & fervidiora sive ferventiora, eò quòd impetus heroum sint heroici, hoc est, magni, ut qui virtutis communis mediocritatem excedant: Quo fit, ut, cum delinquant heroues, modum communem potenter transeant, cumque circa magna occupentur, magnis subindè excidant ausis. *Objectum Externum Virtutis Heroicæ* universè & ipsum vel *Negativum* est, vel *Positivum*. *Objectum Externum Negativum Virtutis Heroicæ* sunt *Objecta Virtutum Moralium Communia*.

*munia , spectata communiter. Dico , spectata communiter , quia circa idem quidem specie objectum occupatur utraque virtus , tam communis quam heroica , at non eadem , vel quantitate , vel qualitate , sed actionibus intensioribus hæc , remissioribus illa. Ita v g idem næ idem specie fortitudo communis & heroica habet objectum , eademque utriusque est definitio essentialis , utraque est moderatio formidinis & confidentiæ , appetitui irascibili competit utraq; , honestas quin etiam actiones intendit utraque , nihil hinc differentiæ aut discriminis , nisi secundum majus & minus , magis item & minus , id quod sufficit. *Objectum Externum Positivum Virtutis Heroicæ sunt eadem Objecta Virtutum Moralium Communium , spectata cum Gradu Eminentiae , & Ratione Magnitudinis Objecti pariter , & Ratione Amplitudinis Operationis circa illud Objectum. Ratione Magnitudinis Objecti* , quod virtutis communis commune in suo genere , sine gradu , saltem heroico , virtutis heroicæ verò idem quidem , verum cum gradu , nec hoc quovis , sed heroico. Ecquale enim objectum virtutis heroicæ , annon magnum cujusque virtutis supra communem humanæ naturæ cursum ? *Ratione hinc Amplitudinis Operationis circa**

illud Objectum , eò quòd illa occupetur circa actiones humanas communes atque ordinarias , hæc circa eminentiores atque extantiores , quæ propter raritatem atque excellentiam divinæ appellari solent , ad eum modum , quo ingenia divina dicuntur , usitatum quæ excedunt modum. Ecquales enim , cedò , sunt operationes heroum , annon intensioribus & perfectioribus ac perfectioribus actionibus omnia agunt , ob summam , credo , animi magnitudinem , facultatemquè res maximas intrepidè aggrediendi , constanter sustinendi , feliciter exequendi , quæ visitur in eis , quas eorum operationes ideò , non ad universales Dei actiones , sed nec ad singulares , at benè ad speciales , refert Wendelinus , motus hoc argumenro , quòd si universali tantùm actione , influxuvè indifferente , has excitaret Deus , jam non plus ad eas collaturus sit , quàm ad gregariorum militum fortitudinem , vel aliam quamcunque virtutem communem , sin ad singulares , jam nullum discrimen sit futurum inter virtutem heroicam Gentilium & Christianorum . Quicquid horum sit , nullus vir magnus sine afflatu divino unquam extitit , unctiōe docente omnia , quæ ex Saule fecit alium virum , unde in diatribis Philosophorum amant dicere , heroëm neque

neque hominem esse, neque Deum, sed utrumque simul. *Officium Virtutis Heroicæ circa suum Obj. etum est, Tenere Medium in Operationibus suis inter Nimum & Minimum sive Parum.* Cum enim mediocritas omnis virtutis moralis sit forma, ab heroicâ ideò virtute ea abesse nequit, ut quæ sit & ipsa virtus moralis, verùm præstantior communi, ex eoquè præstantiores edens operationes, intra laudabilem modum tamen. Est quippè etiam hic

modus in rebus, sunt certi denique fines,

Quos ultra citraquè nequit consistere rectum.

Subiectum Virtutis Heroicæ & ipsum, vel Negativum est, vel Positivum. Subiectum Negativum Virtutis Heroicæ sunt, in genere, Minus Generosi Spiritus & Plebejæ Animæ, quæ non alta spirant, summa, extraordinaria, sed communia, popularia, vulgaria, in medio posita, neque supra terram assurgunt, sic affixæ suæ glebæ, ut cochlea domiporta suæ testæ: In Specie Spuriæ, saltem ut plurimum, contagio seminis prorepente & prorumpente in id, quod ex semine nascitur, abominabiliquè colore, quo aliquod semen aliè inficitur, in stirpe reflorescente, exquè venenatâ radice vene-

nato exeunte sarculo, verùm naturaliter magis, quàm moraliter, vel experientiae contradictorio testimonio, cùm constet, multos spurios esse: corpore non animo tales, immò ne corpore quidem omnes, eò quòd genitores spuriorum subindè habeant filios vegetos & valentes, saltem valentulos, nedum animo, cùm videamus eos è natalium obscuritate ac sordibus studere per virtutem, rerumquè arduarum molitionem, eluctari: *Pueri hinc Infantes & Fœminæ*, saltem ordinatè, & secundum communem humanæ naturæ stitum, illi idèò, quia virtutis haud sunt capaces per ætatem, nisi *δι' ἐλπίδα*, hoc est, potentiâ generali remotâ, quâ quilibet homo, vi animæ rationalis, per naturam suam est aptus natus ad virtutem acquirendam, non proximâ, cùm n destituantur agibilium cognitione, accuratâ agendorum deliberatione, liberâ electione, appetitus castigatione, denique constanti executione, quæ omnia ad virtutis communis exercitium prærequiruntur, si incapaces virtutis communis, ergò multò magis heroicæ, loquendo moraliter, hæ idèò, quia virtus heroica requirit temperamentum nobile, hoc est, animum magnum, cor excelsum solidum compactum, corpus spiritus ac caloris plenum, quo fœminæ, quæ tempera-

men;

mentum ferè habent frigidum , hūmīdum, & viscosum, cor laxum molle & fluidum, ordinariè destituuntur. *Subiectum Positivum Virtutis Heroicæ sunt*, in genere, *Homines Generosi, sive Illustres Animæ*, non communia, popularia, vulgaria, in medio posita, spirantes, sed alta, excelsa, summa, extraordinaria: *Inspecie, Heroës, quæ Viri, quæ Fæminæ, etiam quinsuo loco Pueri, quæ Legitimi hinc, quæ Illegitimi, quæ Gentiles, quæ Christiani*, tum quia in hos omnes cadit opposita feritas, quare & virtus heroica, eò quòd opposita sint nata fieri in eodem, fidem huic rei facientibus exemplis, nominatim Achillis, Hectoris, Aristidis, Camilli, virorum, Camillæ, Penthesilææ, Artemisæ, Judithæ, Sufannæ, sceminarum, Danielis, Herculis, Alexandri, Catonis, puerorum, Jephtis Gileaditæ, Themistoclis, Timothei Atheniensis, spuriorum, tum quia heroem non tam natura facit, quàm extraordinarius raptus & impetus divinus, cui tam facile ad hanc virtutis ἀκμὴν ἢ ὑπερβολὴν educere sceminam & puerum, ac virum, illegitimum ac legitimum, gentilem ac Christianum, utut interim non eam inficias, virtutem heroicam illorum ab horum virtutē heroicā, factā comparatione, quantitatē tam continuā

G 6

quām

quàm discretâ ferè differre, virorum heroicâ virtute tantum præcellente sceminarum & puerorum virtutem heroicam, quantum scemininus sexus infra masculinum, puerilis ætas infra virilem, existit. *Sic descripta Virtus Heroica, quâ Obiecto, quâ Subiecto, utroque, tam Negativo, quàm Positivo, differt, & à Virtutibus Moralibus Communibus in genere, & à Magnificentia ac Magnanimitate in specie. A Virtutibus Moralibus Communibus in genere Gradu Perfectionis, putâ, quòd virtus moralis communis sit perfecta in suo genere, & suâ mediocritate, infra virtutem heroicam existente, hoc est, communiter, virtus verò heroica perfecta absolutè, ad eum modum, quo equus perfectum animal ratione sui, licet interim non sit perfectum animal ratione hominis, quoquè adeò teporè differt modo à fervore, qui collatus cum summo frigore, est calor, ac collatus cum summo calore, est frigus: Non specie completâ, quia non distinguitur intrinsecùs per essentiam, sive per principia interna ad essentiam pertinentia, ut leo ab equo, sed tantum extrinsecùs, per illustrius & minùs illustre, sive per accidentia ad materiam spectantia, ut Æthiops à Scythâ, mas à sceminâ, nisi nomine virtutis heroicæ intelligas virtutes divinas & infusas,*
quæ

quæ specie distinctæ ab humanis, cum definitione, modo acquirendi, finibus differant, ita ut unus non dirigatur ad alterum, eò quòd penitus sint distincti.

A Magnificentia & Magnanimitate in specie, quæ & ipsæ in aliquâ magnitudine quidem sunt positæ, at non in magnitudine heroicâ, cum illa magnitudo planè sit necessaria ad constituendam essentiam virtutis in iis subjectis sive personis, quibus magnificentia aut magnanimitas competit, quæ tum demùm heroicæ audiunt, quando gradui communi sive populari additur gradus heroicus, differens in eo à communi, quod abesse possit à quâlibet virtute, manente tamen naturâ atque essentiâ ejus, v.g. à justitiâ communi manente eâ, quod non item teneri in magnificentia & magnanimitate, quibus sublati remanet liberalitas & modestia, non magnificentia & magnanimitas communis. Ut ita & destitutæ splendore heroico inveniri possint, & præditæ, destitutæ, factâ comparatione magnificentiæ inter & liberalitatem, magnanimitatem item & modestiam, quo sub conceptu similitudine tantùm ac proportionem dicere valemus, magnificentiâ esse liberalitatem heroicam, magnanimitatem verò modestiam heroicam, verisimiliter, inquam, magis, quàm verè

verè, præditæ, si summè fulgeant, atque ad finem eminentiorem grassentur, eleventquè animos altius, quàm secundum communem & popularem stilum. *Extrema Virtutis Heroicæ duo sunt, alterum in Excessu, alterum in Defectu. In excessu opponitur ei Feritas Moralis sive Voluntaria, in defectu Ignavia Stupenda sive Immanis, non ut vitia simplicia & communia tamen, verùm ut duæ Immanitates.* Verà quippè re virtus heroica non mediat inter duo vitia loquendo propriè, sed duas immanitates, v g, fortitudo heroica audaciam inter immanem, ut si quis ruptis scalis pensilibus, cum Alexandro Magno, è pinnaulis murorum in medios hostium globos defiliat, & rimiditatem immanem, ut si quis murem, aut pulicis morsum, timeat. Sunt, qui in excessu & defectu simul huic opponant feritatem, eò, quòd & illi ferarum sint similes, qui ad omnem veri & honesti sensum obtupescunt, quasiquè obhutescunt, verùm, si penitiùs rem introspexeris, deprehendes, feritatis appellatationem excessui magis competere, quàm defectui, qui ideò exprimendus nominatim, *Feritas Moralis sive Voluntaria* est, non tam vitium morale commune, quàm immanitas ac pravitas vitio communi major, quàm quis, excusso rectæ rationis

tionis jugo, omnique tantum non humanitate abjectâ, horrenda & immanissima quæque, cumque naturâ humanâ pugnantia, patrat, non ex infirmitate animi vel corporis, cum Ajace apud Sophoclem, & Hercule Furioso apud Senecam, educationevè, consuetudinevè, eâque tam universali, in integris populis, v g, Barbaris, qui matribus commisceri solebant, crudis hinc vesci carnibus, projectoque pudore oberrare nudi, maribus decumbentibus post partum, non foeminis, necnon Achæis & Heniochis, qui dapibus humanis vesci, quàm particulari, in quibusdam singularibus hominibus, v g, Phalaride, qui suum fertur comesse filium, matremque suam immolatam diis, muliereque anonymâ, quam perhibent, gravidarum alvo exsectâ infantes sanguinolentos devorasse, viro irem anonymo, quem ferunt existimasse, se ita magnum nasum habere, ut limine musæi exire haud posset, necnon Anthemone quodam, qui teste Heraclide Pontico galeâ tectus procedere solitus, metuens, ne cœlum fortè rueret, uti & alio quodam, somniantem, mundi superficiem esse ex vitro, & sub eâ latere serpentes: Non, inquam, ex infirmitate animi, vel corporis, educationevè, consuetudinevè, sed ex solâ libidine peccandi, oriâ ex frequenti actio;

actionum summè vitiosarum exercitio.
ὑπερβολὴ τῆς κακίας Græcis, summa atque
 extrema malitia Latinis, Apostolo gen-
 tium *ἐπαλμοσία* dedolentia, quasquè de-
 pudentia, cùm quis ita dedoluit atque
 depuduit, manu per frontem, quod a-
 junt, ductâ, ut ad omnem honestatis sen-
 sum occalluerit & obdurerit. Ejus spi-
 cæ ex multis, tyrannis habitualis, pec-
 catum Sodomiticum, sive belluina in-
 temperantia, Atheismus, Epicureismus,
 locumquè habet hæc feritas potissimùm
 in iræ audaciæ atque injuriæ vitiis, di-
 stincta à vitiis communibus gradu, non
 specie. Nomen accepit à ferâ, sumto
 vocabulo ejus, non pro animali irratio-
 nali, sed pro homine, ad feram bestiam
 similitudine vitiorum quàm proximè ac-
 cedente, humanam tamen naturam non
 prorsus exuente, hoc est, non negativè
 se habente, sed privativè. Atque hinc,
 ortum duxisse videtur fabula de Mino-
 tauris & Lycaonibus, qui ob depravatio-
 nem ex variis feris proseminati finguntur
 à pœris, item *μετεμψύχωσις* sive trans-
 animatio Pythagorica animarum huma-
 narum, migrantium in corpora ferarum
 & jumentorum. *Atque hæc Feritas Mo-
 ralis sive Voluntaria, à vitiositate quæ est,
 non tantùm Feritate Morbosâ, sed omni
 Vitio Morali Communi, deterior est in*
 com.

comparatione. Feritate Morbosâ ea est deterior, qualis in maniacis & phreneticis, quia hæc agit sine ratione, illa cum ratione, licet corruptâ: Jam verò illud malum, quod est cum ratione, videtur esse deterius eo, quod non est cum ratione, cum atrocior sit excessus, qui ἐν λογισμῷ proficiscitur, quàm qui ἄνευ λογισμῷ, quo videmus modo, homicidium commissum à latrone, capitale esse, quia commissum καὶ ἀλογισμῷ, non item commissum à furioso, quia commissum ἄνευ λογισμῷ, illud cum ratione, hoc sine, licet interim terribilior sit altera feritas in uno tertio, eò quòd illud, à quo ratio disjungitur, sit terribilius eo, à quo non disjungitur ratio, cum magis perhorrescamus ea, quæ immanitate quâdam, licet minùs gravia mala sint, nobis immittuntur, quia propter terrorem duplo majora videntur, quàm sunt. *Omni Vitio Morali Communi eadem est deterior*, quia opposita Virtus Heroica omni Virtute Communi est melior: Jam verò regula est topica, id esse deterius, quod præstantiori opponitur, eò quòd oppositorum opposita sit natura, Sed & ideò deterior eadem, quia rationis usum non excludit, sed depravat, cum sit adulteratio & deprivatio rationis, instar tricupitis cerberi tria habens capita, profanitatem, quâ

quâ avertimur à Deo , immanitatem ,
 quâ ab homine, tyrannidem , quâ à pa-
 triâ , & bono publico. *Ignavia Stupenda*
sive Immanis est non tam vitium mora-
 le , quàm immanitas & pravitas vitio
 communi major , quâ homo ineptus ad
 omnem virtutis impetum domi redditur,
 ad omnem honesti sensum stupens , in-
 star porcorum caprorum & asinorum ,
 ac ne semel quidem suscipiens cœlum ,
 cujus portentosæ supinitatis nomine olim
 malè verò , immò bis malè , audiverunt
 Sybaritæ , quorum hæ allegantur le-
 ges : Nemo nostrum frugi esto : Gallus
 gallinaceus in urbe nostrâ ne habetor, ne-
 vé alitor.

C A P U T . XLIX.

*De Amicitia Origine , Principiis , Cau-
 sis , quâ Conservantibus , quâ Cor-
 rumpentibus , Necessitate hinc atque
 Usu , in genere.*

QUamvis amicitia propriè loquendo
 non sit virtus , vel intellectualis sive
 mentis , vel moralis sive moris , cùm ma-
 gis videatur esse affectus , quàm habitus ,
 tamen cum utrâque multum ne multum
 habet cognationis , ideòque rectè post
 utramque ponitur atque exponitur in
 calce

calce Ethicorum. Nam & medietas sive mediocritas est inter duo extrema, & cadit in bonos viros, estque operatio plurimarum virtutum, medium quidem, utut secundarium, felicitatis, vel comparandæ, si absit, vel fruendæ, si adsit. *De hujus Origine seu Nativitate, Principiis, Causis, quæ Conservantibus, quæ Corruptentibus, Necessitate hinc atque Usu, in genere juvat agere hoc capite, proximè insequenti, eoquæ ultimo, acturi de ipsâ in Specie. Quod attinet Amicitiaæ Nativitatem seu Originem, non una de ortu ejus veterum fuit sententia. Alii enim amicitiam similitudinem quandam esse dixerunt, alii dissimilitudinem. Qui similitudinem, illi pro se allegare experientiam, tam naturalem, quia videamus omnium rerum originem & principium esse amicitiam sive concordiam, interitum verò inimicitiam sive discordiam, quàm industrialem, quia videamus, eos inter se amicos fieri, quos inter est similitudo quædam, fide proverbiorum: Similem Deus ducit ad similem, simile expetit simile, similes habent labra lactucas, pares cum patibus, graculus graculo affidet. Qui dissimilitudinem, illi verò pro se laudare experientiam contrariam, quia videamus, res gigni ex quâdam principiorum discordiâ, rebus ini-*

micis

micis inter se coalescentibus, pulchrâ quâdam harmoniâ, quasi ex discanto & basso, alto & tenore, conflâtâ, quomodo cernimus, contraria inter se, saltem dissimilia, se invicem expetere, terram v g imbrem, inane expletionem, frigidum calorem, iterum fide proverbii, quo figulus perhibetur invidere figulo. Quali dicerent patroni posterioris sententiæ, inter similes & pares potius inimicitiam esse, quàm amicitiam, inter impares verò potius amicitiam, quàm inimicitiam, si Dîs placet. *Quod hinc attinet Principia Amicitiae, illa verò vel Prima sunt, vel Proxima Primis. Principium Primum Amicitiae adversus alios est Philautia, hoc est, Amicitia, quæ cuique secum, sua, inquam, cujusque secum amicitia, si minùs propriè, cum rò amare & amari sit in duobus disjunctis, sicut injuriam facere & accipere, saltem impropriè. Ut enim requirat propriè dicta amicitia, ut sit disjunctio, tamen non planè ac plenè requirit, ut quæ cernatur in summâ conjunctione & copulatione animorum, partibus animi utriusque amicorum inter se consentientibus cum ratione, quæ est in utroque amicorum moraliter eadem, naturaliter distincta, utroque amicorum, quasi per animi raptum, divulso à seipso, translatoquè cogitatione & affectu in*
rem

rem amatam , ita ut anima amantis sit quasi in amante mortua , in eo verò , qui amatur , viva , amicusque non tam seipsum , quàm amantem , sentiat , in proprio corpore mortuus , in alieno vivus , argumento palloris & maciei. Dum enim tota vis animæ in rem amatam convertitur , per adunationem saltem assimilationem rei amantis cum re amatâ , illucque unicè est intenta , alimento capiendò & digerendo haud sufficit , quo fit , ut inopia & cruditate sanguinis membra emacientur primùm , mox pallescant. *Philautia* , inquam , *eaquæ Bona* , qualis , quæ sequitur dominium rationis , quâque adeo homo seipsum diligit , ut subjectum , & quoad naturam suam , ut quæ sit bonum quiddam , etiam absque virtute considerata , hætenus *φιλαυτῶ* , & quoad honestum , quod in se est , plus sibi , quàm amico , de eo tribuens , hætenus *φιλάζαδῶ*. Atque hæc Philautia est fons amicitiae. Omnis siquidem amicitia adversus alios , ex eâ , quæ cuique secum , manat , juxta formulam vulgarem , tam te amo , quàm meipsum. Omnibus modis licita , quia , qui seipsum amat cum ratione , nã ille præcipuè amat principem sui partem , à quâ esse suum habet & denominationem , eò quòd homo maximè sit ratio , & secundum nonnullos unicè.

unicè: *Non Mala*, quæ sequitur dominium sensus, sive appetitus sensitivi, quâque adeò homo seipsum diligit, ut objectum, in quo terminetur & acquiescat dilectio, plus sibi tribuens de bonis utilibus, & jucundis, quàm amico, id quod facere solent improbi, qui in rebus utilibus & jucundis seipsum, & maximè quidem, amare assolent, ut qui sui commodi causâ omnia agant, nihil alterius, sequentes suos affectus, cupiditates, voluptates, utilitates. Atque hæc Philautia non est fons amicitiae. Ut enim leviter improbis & ipsis sibi secum sit amicitia, neque secum tantum, sed etiam cum aliis, non est, quâ parte sunt nequam tamen, verum quâ parte boni sibi videntur, sibi què placent. hoc est, specierenus tantum, non verâ re. Unde apparet, quid de verè improbis sit statuendum, quibus nec secum, nec cum aliis, amicitia, ne in speciem quidem: Non secum, cum nihil in se habeant, quod sit dignum amore: Non cum aliis, ob defectum trium notarum amicitiae, quæ sunt, velle & facere, quæ vel saltem videntur bona, id què non suâ sed amici causâ, velle amicum vivere, & benè valere sive habere, id què iterum non suâ sed amici causâ, idem velle & nolle, iisdem què gaudere & dolere, id què iterum non suâ sed amici causâ,
ubi

ubi autem non sunt notæ amicitiae, ibi nec ipsa amicitia. *Principia Proxima Amicitiae, vel Interna sunt, vel Externa, illa Benevolentia & Concordia, hæc Beneficentia & Conversatio sive Convictus,* quorum principiorum externorum prius cohæret cum benevolentia, quæ si occulta, haud sufficit ad amicitiam conjungendam, cum nequeat animos amicorum conjungere, quod fit interventu beneficiorum, in eo, qui benefacit, & in eo, cui beneficit, posterius verò cum concordia, quæ si occulta, & ipsa non sufficit ad amicitiam conjungendam, cum nequeat corpora amicorum conjungere, quod fit interventu conversationis, sive quotidiani convictus, inter conversantes amicos, *Benevolentia* est principium internum amicitiae, non quodvis, non utique formale, sed materiale, atque instrumentale sive effectivum, quoniam ex eâ, tanquam dispositione, oritur amicitia, quia, ut qui sint amici, antè benevoli sint, necesse est. Quemadmodum enim amoris initium est ex aspectu formosæ mulieris, cum nemo amore capiat, nisi quem delectat formæ venustas, ita initium amicitiae est propensa & benevola voluntas, quâ affecti sumus erga alterum, & quemadmodum aspectus ille non est ipse amor, sed amoris initium,

ita

ita benevolentia non est ipsa amicitia, nisi desiderium absentis accedat, sed origo ejus, quoniam ex eâ, accedente consuetudine, paulatim proficit amicitia, non est, inquam, benevolentia ipsa amicitia, licet ab eâ non magis sejungi possit, quàm calor ab igne, benevolentia existente termino à quo amicitia, ipsa amicitia termino ad quem, medio verò termino amore. Sicut autem benevolentia non est quodvis principium amicitia, ita nec cujusvis, sed quæ ex virtute, non utilitate, voluptatevè: Non utilitate, quia amicus utilis non tam ex animo est benevolus, quàm gratitudinis externæ ergò, non re, sed voluntate, respondens, idquè spe retributionis amplioris, amans fundum & prædium amici. non ipsum amicum, non tam ipsum, inquam, amicum, quàm aliquid amici, hoc est, utilitatem ex eo proveniente, quia, qui commodi sui causâ alteri benè vult, is non tam alteri, quàm sibi, benè velle dicendus est: Non voluptate, quia jucundus amicus, qui alteri benè vult voluptariis vel oblectationis gratiâ, & ipse benè cupit, non tam amico, quàm sibi, spe fore, ut ad se quidpiam redeat ex secundis rebus amici, qualis benevolentia etiam esse potest erga inanima, v g, erga tabulas pictas, cibi & potus delicias, neque

que interim amicitia, quæ benevolentia quidem, sed aperta, non occulta, cum benevolentia quoque esse possit occulta, altero alteri benè volente, etiamsi factis illud nondum declararet, immò nequeat declarare, tum mutua, quia alioqui sequeretur, etiam odium esse inter amicos, si inter se non amarent mutuo, sed alter duntaxat, amicitiamquæ esse posse etiam inter ignotos, quos inter esse potest benevolentia, cum sæpenumerò benè velimus, quos nunquam vidimus, quorumquæ virtutes & rectè facta ex aliis vellando audivimus, quorumvè de eruditione humanitate moderatione præclare sentimus, non item amicitia, quam nemo contrahit cum ignoto, verùm cum eo, cujus animum mores & studia apprimè novit, demùm efficax, actiosa, officiosa, negociosa, non ociosa, ignava, iners, qualis mera & simplex benevolentia, quæ vult quidem alteri benè, sed vult tantùm, facere autem posthabet, tum subito existit, uti videre est in ludis & spectaculis, ubi adversus ἀγωνιστῆς statim surgit benevolentia spectatorum, & studium aliquod superficietenus, sed non adjuvandi, omnibus erga eos existentibus benevolis, nemine interim his opem ferente, ac ne cupiente quidem ferre, contrà quàm se habet res in amicitia, quæ, præterquam

H

quòd

quod cum tempore & consuetudine est, etiam est conjuncta cum ardenti atque efficaci studio juvandi amicum. *Estque vel Theoretica, vel Practica. Benevolentia Theoretica* est, quâ alicui bona volumus & cupimus: *Practica*, quâ voluntatem ratificare atque exequi studemus: Atque hæc ad amicitia generationem requiritur, quia ex eâ proximè oritur amor amicitia, simplici benevolentia superaddens contentionem ac desiderium fruendi eo, juvandique eum, erga quem benevolentia concepta est. Unde quidam dicunt, nihil inter hanc & illum interesse; nisi magis & minùs, ut benevolentia sit remissus amor, amor verò intensa benevolentia. *Concordia* & ipsa est principium internum amicitia, nihilque est aliud, quàm mutua, ut cogitationum, ita animorum, consensio, eaque constans, pertinens ad privatam vel publicam eorum, qui concordantes sunt, utilitatem, de rebus, quæ tales sunt, ut per nos cogitari effici comparativè queant. *Estque & ipsa, vel Theoretica, vel Practica. Concordia Theoretica* est ὁμολογία, sive, opinionum consensus & concentus, consistens in identitate opinionum speculativarum: *Practica*, animorum congruentia & correspondus, consistens in consensu & concentu mentis, quoad acti-

- ones.

ones morales Ex his illa non semper de necessitate amicitiae, cum possit esse inter ignotos, immò inimicos, & quoad diversas disciplinas humanas, siquidem dissensio illa sit simplex & privata, non pertinax & publica tamen, conjuncta cum acerbioribus dictis, quo in casu amicorum animi dissiliunt, facerque amicitiae ignis, si non totus extinguitur, saltem restringitur, & quoad religionem, cujus diversitas, nec tollit amicitiam naturalem, quia in ipso religionum divorcio manet nihilominus *σπῆν* naturalis, parentes inter & liberos, fratres & sorores, quamvis languidior nonnihil, nec amicitiam conjugalem, quia contractum matrimonium infidelitas, quæ talis, non evacuat, utut inter personas ejusdem fidei, vel in totum, vel in tantum, amor amicitiae sit ardentior & constantior, nec amicitiam civilem, in conversationibus commerciis & contractibus civilibus consistentem, quam diversæ regionis & religionis hominibus imperat necessitas, cum non omnis ferat omnia tellus, præsertim si necessaria vitæ adminicula nonnisi ab illis, & per illos, nancisci possimus: Illa, inquam, non semper de necessitate amicitiae, fide versiculorum, asserentium atque asseverantium, quod

*Non eadem sentire bonos de rebus
iisdem*

*Incolumi licuit semper amicitia ,
quæ, si omnimodam in opinionibus con-
sensionem ad unguem exigeret , næ illa è
mundo tolleretur , in tantâ dissensionum
multitudine , fide parallelorum versicu-
lorum :*

*Cuique suum caput est , ut pileus , im-
probat Hermes ,*

*Approbat Hermannus , nec idem pla-
cet omnibus unquam :*

Hæc contrâ semper de necessitate ejus ,
ut quæ sit tantùm inter notos & amicos ,
virtutequæ mediante contrahatur semper
inter ejusdem amicitiaæ membra , quæ
quemadmodum haud unum , nisi sint
colligata in toto , cujus sunt partes , sic
amici per se multi haud aliter unum , nisi
unitate consentaneâ , Sicut enim unum
solis lumen , etsi multi ejus ac diversi sint
radii , una arbor , etsi multi ejus sint ra-
mi , unus fons , etsi multi ejus sint rivi ,
quia unitas servatur in origine , sic mul-
ti amici fiunt interveniente concordia
una caro , non Physicè tamen , ita ut caro
unius & alterius amici sit materialiter
una caro , animaquæ utriusque formaliter
una anima , (manent enim nihilomi-
nùs partes essentielles substantiarum se-
paratarum , sive distinctorum individuorum ,

rum, eò quòd persona amici amantis, non sit persona amici redamantis, aliæquè functiones huic, aliæ illi, competant,) sed Ethico - Oeconomicè, propter conspirationem in virtutibus moralibus, familiarèquè conversationem, officiorumquè communicationem, hoc operantes, ut una anima in duobus corporibus dicantur amici. *Beneficentia* est principium externum amicitiae, nihilquè est aliud, quàm motus animæ appetentis, ad merendum benè de illis, quos diligimus. Neque enim satis est, animo benè velle amico, quod benevolentiae, & unà cum eo sentire ac facere, quod concordiae, sed opotter, quoties occasio datur, animi propensionem re & factis ostendere, quod beneficentiae. Hic loci quæstionem, non alienam ab hoc loco, instituit Philosophus, *utri magis ament in comparatione, Benefactores: è Beneficiarios, an Beneficiarii Benefactores?* requè ultrò citroquè ventilatâ, concludit, quòd hi illos. I. Quia naturaliter homo magis amet opus suum, quàm opus hominem, autorem suum, si foret animatum, aptumquè ad amandum, susceptorem verò beneficiorum esse opus benefactoris sui. Hoc exemplo videas, inquit, parentes nescio quomodo magis amare liberos naturaliter, opificem opus, archi-

tectum domum , pictorem tabulam pi-
 ctam , poëtam suum poëma , quàm libe-
 ros parentes , opus opificem , domum
 architectum , picturam pictorem , poë-
 ma poëtam , siquidem essent talia , ut
 reddere possent amorem. Sed cur , quæ-
 sò , suum cuique opus charum naturaliter,
 cur ? Quia enim esse suum cuique
 charum naturaliter , quare & operatio , si
 operatio , ergò & opus , quoniam opere
 perfecto actu quis demùm esse videtur ,
 antè verò hoc est , eo nondum perfecto ,
 potentiâ tantùm , sutor , v g , quando
 fuit , non quando suere potest , ædifica-
 tor , quando ædificat , non quando ædi-
 ficare potest , orator , quando dicit benè ,
 non quando dicere potest , aut adhuc est
 infans , ferra quando secatur , non quando
 secare potest , geminoquẽ exemplo be-
 nefactor , cùm benefacit , non cùm bene-
 facere potest. II. Quia jucundius quid
 in accipiente reperiat is , qui dedit , nem-
 pè tò honestum , quàm in dante is , qui
 accepit , nempè tò utile : Atqui honesta ,
 quale hoc loco dare beneficium , utilibus ,
 quale hoc loco accipere beneficium , ju-
 cundiora , non tantùm ratione temporis
 præsentis , hoc est , usus , qui diuturni-
 or in dante , quàm in accipiente , quoniam
 am honestum diuturnius utili , sed etiam
 ratione temporis præteriti , hoc est , me-
 moriæ ,

moræ , quæ jucundior dantis , quàm accipientis , eò quòd rerum honestarum suavior sit memoria , quàm utilium , quin immò & futuri , quia , quemadmodum præteritum jucundum , quia olim fuit præsens , ita futurum jucundum , quia aliquandò erit præsens. III. Quia amare magis conveniat agenti , quàm patienti , hoc est , danti quàm accipienti beneficium , eùm amare sit actionis , amari vetò passionis. IV. Quia chariora sint laboriosa & difficilia minùs laboriosis & difficilibus , & per consequens rò dare beneficium rò accipere beneficium , quoniam illud difficilius in comparatione hoc , sicut difficilias , parare divitias labore suo , quàm accipere partas ab alio. *Conversatio* & ipsa suo loco est principium externum amicitiae , nihilquè aliud , quàm familiaris consuetudo cum eo , cui benè cupimus , quemquè amamus efficaciter. Dico , familiaris consuetudo. Neque enim sufficit , velle cui benè , & facere , sed insuper requiritur , ut amicè cum eo conversemur , non tam in voluptatibus unà fruendis & fruiscendis , comportionibus , concœnationibus , collusionibus , quàm in animi actionibus communicandis , honestisque colloquiis ac sermonibus miscendis , nominatim in convivio , quæ vox exprimit convictum cum Lar-

nis, in symposio, quæ vox exprimit bibendi societatem cum Græcis, malè ab utrisque, siquidem amicorum conversationem coëpulationibus concœnationibus & comotationibus definiverunt tamen, quod pecudum potiùs, quàm hominum, ad pastum natarum, ejusquè causâ gregatim agentium, atque in societatem coëuntium, & non vitæ consuetudine, quam amantes adamant maximè, tum quia amicitia est quædam societas seu communitas, hæc autem in consuetudine, quia, quæ quisque maximè adamat studia, ea convictus causâ adamar, quia in iis convictum positum esse putat, eaque cum amicis excolere gaudet, quasi esse cujusque suum his studiis definia-
tur, haud quidem esse primum, quod vitâ definitur, sed secundum, quod in communibus studiis possum dici rectè potest, ut in *εὐεργείᾳ* quâdam, v g, esse Philosophi in Philosophando, esse ejus, qui talis & tesseris delectatur, in ludendo talis ac tesseris, prout vel illud argumento esse potest, quòd Philosophi quærant, quibus cum philosophentur, venatores, quibus cum venentur, alii alios, quibus cum studia sua communicent & excolant, tam boni, quàm mali, tum denique, quia amantes, præter cæteros sensus, vivendi sensum maximè adamant,
quare

quare & convivendi. *Atque hæc videtur esse causa, quare beatus opus habeat amicis*, contra Theodori Athei pronunciatum, id negantis hoc argumento, quòd beatus sit ἀγαπῆς, seipso contentus, bonisquè omnibus affluens, quare nullâ re egens, ne amicis quidem, quorum hic usus, ut, quæ per nos ipsi non possumus, ea per illos consequamur. Inconcludenter, meo iudicio. Ut enim beato fortè non sit opus amicis ex voluptate utilitativè, eò quòd ipsius vita ipsi per se sit suavis & jucunda, cùm omni bonorum genere antè abundet, ideoquè illis haud indigeat ob eorum sufficientiam, non tamen ocyùs inde efficitur, nullis ei amicis esse opus, tum quia per amicum, tanquam per speculum, suas actiones, in quibus consistit beatitudo, quæ actio perpetua, & semper actio, intuetur & cognoscit, per actionem amicitiae immanentem, ut qui sit alter idem, tum quia secùs beati voluptas non erit perpetua, si huic desint amici, cùm per se quisque omnia facere nequeat, multisquè in rebus administro & adiutore opus habeat, & verò etiam ipsa solitudo sit molesta, hæc verò per amicos depellatur, saltem meliùs & jucundiùs, quàm per alios nullius rei homines, tum quia ex convictu bonorum amicorum exercitatio quædam

virtutis capitur, horumque consuetudine
 virtus excolitur, per actionem amicitiae
 transeuntem. Dico fortè. Verà quippè
 re etiam amici jucundi & utiles beato sunt
 necessarii, saltem interdum & leviter: Ju-
 cundi, propter adventitiam voluptatem,
 quam illi relaxandi & recreandi causâ,
 libentes permittimus: Utiles, simili-
 ter propter adventitiam aliquam utilita-
 tem, quam beatus capit ex contubernio
 & convictu amicorum utilium, licet inte-
 rim maximè ei sint necessarii amici ho-
 nesti, sive ex virtute, quò virtutes suas
 in his possit contemplari, earumque ex-
 exercitiâ cum eis instituere, sicque frui
 voluptate optimâ. Ut brieve faciam, si
 amicus est expetendus viro bono, ut est,
 tunc utique aliquis amicus viro bono &
 beato esse debet, quia alioqui fieret, ut
 hâc parte claudicaret beatus, huicque
 ex rebus expetendis aliqua deesset: At
 hoc absurdum, cum omnia, quaecun-
 que sunt expetenda, in beato, tanquam
 cumulo bonorum, insint: Ne qua igitur
 res expetenda desit beato, concluden-
 dum erit, ei amicos esse necessarios, ne-
 que interim æquè & æqualiter omnes,
 sed *πρώτους* honestos, *δευτέρως* jucundos &
 utiles. *Quod denique attinet Amicitiae*
Necessitatem atque Usus, nã illa per-
necessaria & perutilis utriusque respectu,
idque

idquæ quâ privatim, quâ publicè. Privatim, tam Divitibus, quàm Pauperibus, tam Pueris & Adolescentibus, quàm Senibus, ipsis quin etiàm Viris, immò non Hominibus tantùm, sed & Belluis. Divitibus, tum ad κτησιν domesticam, sive custodiam rerum suarum, quæ absque amicorum præsidio servari vix possunt, magnæ præsertim, quæ, quò majores, hoc majori periculo obnoxia, ob majores insidias, tum ad ἀγῶσιν moralem sive beneficentiam, quâ sublatâ nullus penè hujus εὐετηρίας, hoc est, copiae foret usus, qui εὐεργεσία amicitiae. Pauperibus, πρὸς τὴν κατὰφυγὴν, ad perfugium, quia unicum in adversis præsidium atque asylum amici; Pueris, πρὸς τὴν τροφὴν, ad alimoniam, alimentorumquæ subministrationem, & παιδείαν, disciplinam atque institutionem: Adolescentibus, πρὸς τὰς καλὰς πράξεις, καὶ τὸ ἀναμαρτῆτον, ad studium honestarum actionum, sive rectè factorum, & fugam malè factorum: Viris, ad idemet studium, res, inquam, præclaras contemplandas, & agendas viriliter: Senibus, πρὸς τὴν θεράπειαν καὶ βοήθειαν, auxilii atque observantiae causâ, ut qui propter imbecillitatem corporis, se & sua curare, resquæ obire nequeant, idcirquæ amicorum obsequio & subsidio indigeant: Ipsis quin immò Belluis, cum non tan-

tum hominibus insitum sit, amare eos, quos ex se procreant, verum etiam animantibus, quæ non solum amant ex se procreata, sed & ea, quæ sunt ejusdem speciei, formica formicam, cicada cicadam, accipiter accipitrem: Quamvis hæc amicitia naturalis, non tam amicitia sit, quam amor. *Neque verò amicitia privatim duntaxat necessaria atque utilis, sed etiam publicè*, ut quæ civitates contineat, statumque earum tueatur. Unde civitatum ac legum conditores & fundatores, majorem amicitiae, quam justitiæ, rationem habere videas. Operam quippè dant, ut cives inter se sint amici, vel certè concordēs, quæ concordia gemina amicitiae. Atqui concordiae causâ justitia quæritur! Immo ne opus quidem justitiâ, si amicè semper & concorditer inter se vivant cives, quia non magis inter amicos existunt injuriæ, quam inter Deos, ubi autem nullæ injuriæ, ibi nec justitia: Contrà, licet homines justi fuerint, tamen opus habent amicitia, quò magis concordēs vivant. Quid multis? In omni fortunâ opus amicitia, in adversâ auxilii & levamenti causâ, in secundâ consilii & temperamenti ergò, sed universè interim magis in adversâ, tum quia in eâ nescio quomodo magis egemus amicis, tum quia mole-

stior

stiot in adversâ fortunâ solitudo , adversitates non levans , sed aggravans. Dum autem amicitiam necessariam esse profiteremur , voce necessarij utimur largè , non pressè. Necessarium quippè sumi solet , vellarè , vel strictè. Necessarium strictè sumtum est , sine quo v g. homo vivere nequit , ut respirare : Necessarium latè sumtum est , sine quo homo sanæ mentis & perfectus feliciter vivere nequit. Amicitia posteriori non priori modo est necessaria , hoc est , necessitate expedi-entia , quam sic vocant , sive expedi-entis.

C A P U T L.

*De Amicitia in specie , & hujus Extre-
mis , id est , inde Nimiâ Familiarita-
te , hinc Solitudive.*

Amicitia in specie sic dicta , si Rem sive Realitatem ejus spectes , non Nomen sive Nominalitatem , quomodo jam accipitur de omni rerum naturalium συμπαθεία , pluviam inter & plantas , oleam & vitem , hanc & ulmum , delphinum & hominem , sicut vox oppositæ inimicitia de earundem αἰχμησία , ignem inter & plantas , quercum & oleam , fraxinum & serpentem , leonem & gallum , porcum.

porcum & elephantum, jam de quolibet appetitu societatis in animalibus gregalibus, contradistinctis à sporadicis, v g, hominem inter & canem, inter quos quidem amor, at non amicitiae, vel activus, quo amamus alios, vel passivus, quo amamur ab aliis, cum non magis detur amicitia sine amore & redamore, quam sine fide conjugali, utrique datâ & acceptâ marem inter & foeminam, matrimonium, jam pro mutuâ benevolentia, omnibus hominibus intercedente inter se, tam notis, quam ignotis, tam civibus, quam peregrinis, insuper habitâ virtute utilitate voluptate, si, inquam, *Rem sive Realitatem ejus spectes, non Nomen sive Nominalitatem, ut sic est Mutua quorundam Aperta atque Efficax Benevolentia.* Sed juvat ἀναλύειν. *Definitio hæc constat Genere, & Differentiâ Specificâ. Genus Amicitiae est Benevolentia, vocabulo ejus liberalius sumto. Proprie quippe benevolentia est quiddam ab amicitia distinctum, & principium ejus veriùs, quam ipsum principiatum. Differentia Specifica Amicitiae sumitur explicitè ab Adjunctis ejus Essentialibus, implicitè verò ab Objecto, positivè atque expositivè ab illis, suppositivè verò ac præsuppositivè ab hoc. Adjuncta Essentialia Amicitiae sunt tria, putà, quod sit Mu-*
tua

tua quorundam Aperta atque Efficax Benevolentia. Mutua quorundam Benevolentia est Amicitia, quia, nisi in ea adsit amor mutuus, non tam amicitia hæc benevolentia fuerit, quàm simplex benevolentia, aut amor quidem, ast non amicitia, cujus proprium, in amore mutuum facere, hoc est, amico in amore bonâ fide respondere. Quo intuitu, teste Laërtio, finitore Aristotele, cujus hîc filum ducimus, amicitia nihil aliud, quàm æqualitas benevolentia mutua. Et cur non? Aliâs namque sequeretur, etiâ odium inter amicos esse posse, quod absurdissimum, si illi inter se non ament mutuo, sed aliter duntaxat: Sequeretur deinde autem, amicitiam homini esse cum inanimis, quod æquè absurdum, tum quia inanimorum adversus nos nullus reciprocus amor, tum quia nos illis bona non volumus ipsorum cauâ, cum ad amicitiam hæc duo sint connecessaria, mutuus puta amor, & boni voluntas, ipsius, qui amatur, causâ, quorum neutrum in illis reperitur, nec amor *αἰσχροφιλία* activè, nec voluntas boni passivè. Ridiculum siquidem sit, velle v.g. vino quid boni. Nam quod conservari id volumus, non tam vini, quàm nostri id causâ volumus. Inanimis autem? Ipsis quin etiam bestiis, in quibus non est amor mutuus, quia in his non est *αἰσχροφιλία*, quæ

quæ non est, nisi in ratione præditi, si non *αἰρέσις*, ergò nec amicitia. At qui (nam hoc fortè dicat aliquis,) amicitia Socratis non est amicitia Platonis, nec amicitia Platonis amicitia Socratis, cùm accidens unum nequeat simul esse in duobus subjectis realiter distinctis: Ergò nil opus amore mutuo in amicitia fundatione! Repono scrupulum hunc moventi, non accipi hîc τὸ mutuum, quasi amicitia transeat de subjecto in subjectum, ab amico ad amicum, nec ut qualitatem absolutam, qualis amicitia matrum erga filios, sed cum respectu ac relatione æquiparantiæ, secundum similitudinem, quæ fundatur in qualitate illâ absolutâ, tanquam in fundamento, ita ut amicitia, quæ est in Socrate, sit similis amicitia, quæ est in Platone, & contrà, sicut videmus duas albedines æqualis gradus esse similes, differre què tantùm numero, cùm specie convenient, ejusdem rationis, quando habent idem objectum. Græcè Philologantes amorem mutuum vocant *ἀντιφίλησιν*, Latinè Philologantes antamorem sive redamationem, ut *φίλησιν* amationem: Sed malim *φίλησιν* amorem, *ἀντιφίλησιν* verò mutuum amorem, appellare Latinè. Amatio siquidem & redamatio, sunt illa quidem planiora, aut ceriè ad Græcorum verborum indolem exprimendam.

mendam factiora, Plautinæ interim potius profapiæ, quàm Ciceronianæ. *Aperta quorundam Benevolentia est Amicitia*, quia alioqui sequeretur, etiam inter ignotos dari amicitiam, cum sæpè iis, quos nunquam vidimus, ob virtutem, aut eruditionem, benè cupiamus, benequè adversus eos simus affecti: Quin immò fieri potest, ut, quem nos tacitâ benevolentia prosequimur, nos quoque simili prosequatur, cum tamen alter alterum non nôrimus, quæ benevolentia quidem mutua fuerit, neque interim amicitia, ob defectum hujus attributi. Atqui, quando Socrates amat Platonem, Plato Socratem, licet ille hujus, hic illius, amorem nesciat, quia tamen uterque amat atque amatur, videtur esse amicitia, quamvis lateat! Respondeo, non esse amicitiam propriè, sed requiri, ut Socrates sciat se amari à Platone, & Plato, se amari à Socrate, quod ubi fit, eâdem operâ fit mutatio quædam in subjectis, eò quòd, cum antea nescirent se amari, postea sciant, quæ cognitio multum confert ad constituendam amicitiam. *Efficax quorundam Benevolentia est Amicitia*, quia alioqui foret ignava & ociosa: jam verò decet amicum amico-benè, non tantum velle, sed etiam facere, neque id suâ, verùm amici causâ. Quid enim.

enim aliud amare, à quo nomen amicitiae ductum, nisi velle quem bonis affici quàm maximis, etiamsi ad se ex his nihil redeat? Ubi notandum in transitu, quòd, quemadmodum priore notâ ab amicitia sejungitur mera & simplex benevolentia, ita hâc alterâ ab eâ disjungi vulgares & fictas amicitias, in quibus privatae utilitates ferè spectantur. *Objectum Amicitiae sunt τὸ φιλητὸν & φιλητέον Aristoteli, quorum illa per se, hæc alicui talia, & φίλα Platoni. Latine Philosophantibus, altera Chara, altera Amabilia dicuntur.* eo sensu, quo amabilis virtus Ciceroni venit, hoc est, amore digna, non quo amabiles litteræ currunt eidem, hoc est, jucundæ suavēs & amœnæ, licet hîc loci utrumque τὸ φιλητὸν vocabulo non absônè comprehendi posse videatur, saltē interpretativè. Probatur, Illud, circa quod versatur amicitia, & operatio ejus, est objectum illius adæquatum ac proprium, sicut ens intellectus, visibile visus: Tò amabile est hujusmodi: Ergò! Ubi illud in antecessum norandum, Aristotelem constituere objectum amicitiae τὸ φιλητὸν καὶ φιλητέον eâ loquendi formulâ, quâ voluntatis objectum statuitur ab eodem τὸ βουλητὸν καὶ βουλητέον, secundum idiotismum Philosophicum, quo ea, quæ vulgò in scholis subjecta objecta strara dicuntur,

cuntur, in hanc terminationem τεχνικῶς
definunt, ut, τὰ θεωρητὰ, πρακτὰ, ποιητὰ,
quorum illa Philosophiæ Theoreticæ,
ista Practicæ, hæc Pojeticæ objectum Αρι-
στοτελικῶς *Est autem τὸ φιλητὸν ἢ φι-
λητέον, Amabile & Amicabile, triplex
numero, Honestum videlicet, jucundum
& Utile, quia, cū sit ποθεινόν, optabile
atque expetibile, rerum autem expeten-
darum tria constet esse genera, triplex
quoque ut sit, necesse est, præsertim
cū amor, ex quo amicitia, & ipse sit
appetitio quædam. Ubi iterum notan-
dam, & quidem notanter, ex hoc ternario
amabilium illud, quod honestum,
materialiter includere, & jucundum, &
utile, sicut corpus materialiter includit
lineam & superficiem, à quibus interim
formaliter differt, ut sit quoddam quasi
genus jucundi & utilis, omni honesto
existente jucundo & utili, non contrā.
Quamvis enim aliquandò concurrant ma-
terialiter, ut idem sit honestum jucun-
dum atque utile, differunt tamen formali-
ter, sive secundum suam rationem for-
malem, eò quòd honestum de naturâ suâ
semper sit bonum rationi consentiens,
utile verò & jucundum non semper,
quorum alterum allubescit, alterum al-
terius causâ expetitur. *Ex hoc Objecto
Amicitiae ea dividitur in Amicitiam
Equi-**

*Æquiparantiæ inter Pares, sive Simpli-
cem, & Disquiparantiæ inter Impares,
sive Analogicam. Amicitia Æquiparan-
tiæ est, in quâ vel eadem planè, hone-
stas, v g, pro honestate, utilitas pro uti-
litate, voluptas pro voluptate, vel per-
mixtim alterum pro altero, v g, pro
voluptate utilitas, pro utilitate voluptas,
par tamen pro pari, aequè paribus, quorū
neuter alterum antecedit, vel dignitate,
vel imperio, redditur. Ut enim alius alio
melior utilior & jucundior esse possit,
quod excellentiæ, tamen bonus utilis &
jucundus unus alteri pariter esse potest,
quod æqualitatis. Est quæ triplex, Hone-
sta, Utilis, & Jucunda. Quot enim sunt
amabilia specie distincta, tot quoque sunt
amicitiæ: Arqui tria sunt amabilia spe-
cie distincta; Ergò! Ratio sequelæ est,
quia potentia & habitus distinguuntur
per operationes & objecta, & sic ex di-
versitate objectorum sumitur diversitas
operationum potentiarum & habituum:
Quot ergò objecta, totidem & actiones:
Amor autem est actio: Si igitur tres sunt
amores, totidem quoque erunt amici-
tiæ. Etenim sua cujusque habitus est a-
ctio, cumquæ hujus habitus actio sit a-
mor, certè quot amoris, totidem & ami-
citiae erunt genera ex hoc capite. *Ami-
citia Honesta* est, quæ ex virtute, sive
honestatis*

honestatis causâ , contrahitur inter bonos viros. *Estque ea Perfectissima, Stabilissima, Rarissima, denique* Ἀνέγκλητος καὶ Ἀδιάβλητος, *non obnoxia suspicionibus criminationibus & querelis, in comparatione. Perfectissima, tum quia amat id, quod est simpliciter amandum, puta, virtutem sive honestatem, tum quia* hîc amici se invicem amant propter se ipsos, alter alterum propter ipsum, illius non suâ causâ, non propter aliud, inquam, cum amici ex virtute se inter se ament, non aliâ de causâ, quàm quia sunt boni. Neque enim utilitates aut voluptates spectant, sed ipsissimam virtutem, & ob hanc solam se inter se amant, cumquē vident aliquem studiosum sibi similem, huic se applicant, procul utilitatis & voluptatis compendio, quæ aliò spectant, suntquē in categoriâ collationis. *Stabilissima, tum quia ex virtute, fonte stabilissimo & perenni, tum quia, quæ in amicis requiruntur, in hâc juncta reperiuntur omnia, nempe bonum utile & jucundum, idquē per se, quæ constat esse maximè amabilia, magis certè, quàm ea, quæ ex eventu, jam verò nemò dissolvit amicitiam, in quâ, quæ ab ullo expectes, insunt omnia, ut hoc loco, cum viri boni, qui subiectum hujus amicitiae, simul utiles & jucundi sint, tam*
absolutè,

absolutè, hoc est, sibi secum, quàm respectivè inter se, sequente virtutem utilitate & voluptate, non utilitatem & voluptatem virtute, amicitiavé ex virtute, quam sequitur utilitas & voluptas, non hæc illas, tum quia hæc amicitia, non subito aut repenti, sed interposito tempore, nascitur, eò quòd verè amici inter se esse nequeant, qui priùs se inter se non nòrunt, sesequè mutuo tentârunt, periclitatiqûe sunt, digninè sînt, qui amentur & redamentur, juxta proverbium, aut veriverbium potiùs, quo vetamur cum quoquam contrahere fœdus amicitiaë, antequam modium salis cum eo comederimus. Dices fortè, multos brevi tempore fieri amicos! Non magis, inquam, quàm charos. Quemadmodum namque non continuo sunt verè inter se chari, qui externa amicitiaë officia præstant, ita nec amici, qui nulli esse possunt, nisi priùs fuerint chari. Usque adeò, sicut quis potest operari operationes studiosi, etiamsi non habeat virtutis habitum, sic fieri posse videtur, ut aliqui agant tanquam amici, cum reverà non sint amici, sed habeant tantùm voluntatem contrahendi amicitiam, quæ voluntas, & quod studium amicitiaë, citò esse potest, amicitia non item. *Rarissima* hinc ideò, quia pauci dantur viri boni, quos inter
solos

solos tamen est hæc amicitia. *Atque hæc est causa, quare in hac amicitia πολυφιλία non habeat locum*, tum quia fieri nequit, ut multi tam exactè explorentur ac cognoscantur, atque heic opus, tum quia vera amicitia in summo gradu est posita, excellentiæ autem non in multos, sed in unum ferè, ut summum, cadere solent, unde Cicero multos quidem ait fuisse mediocres Oratores & lectos, eximios non item, sed singulos singulas ferè ætates ferre, atque hinc tam pauca paria amicorum, tam apud Græcos, quàm apud Barbaros, inveniuntur, fortean ideò, quia multos summo amore complecti æquè difficile, ac multas adamare amicitias pari intensi amoris gradu, tum quia multos eidem placere valdè non est facile, ob diversitatem humorum & ingeniorum, quæ non permittit, ut multi ita consentiant, ut uni eidemquè omnes placere, & chari esse possint, idemquè iterum omnibus, tum quia, qui omnibus student esse amici, non sunt veri amici, sed Politicè & civiliter potiùs, quia, qui ubique est, ille nusquam est, nullusquè amicus, cui multi amici, amoris vi in multos distractà evanescente, non secùs ac flumine in varios rivos deducto, tum quia, qui mihi sunt amici, eos omnes etiam inter se amicos esse convenit, cum unâ

unâ eos omnes vivere oporteat, unâ au-
 tem omnes vivere nequeant nisi amici,
 tum quia convictus multorum, seu cum
 multis, συναδύνατ, cum multis, in-
 quam, versari, & se tanquam in multas
 partes dividere ac distrahere, & tanquam
 scortum cum multis rem habere, hoc
 tantum non ἀδύνατον, quoniam, si v g ex
 multis unus roget ad cœnam, alius ad
 funus, alius ut in foro sibi sis advocatus,
 alius vocet ad nuptias, ad iter alius, aliud
 alius, pecuniam mutuam roget alius,
 alius vestem, omnes eodem tempore,
 nemo par omnibus esse potest, sicut nec
 ex animo dolere & lætari simul, id quod
 tamen in amicorum multitudine sæpè
 usu venire necesse est, ut quia aliorum res
 prosperæ, aliorum verò adversæ, uno
 eodemque tempore, & lætandum sit, &
 dolendum, quin immò in perpetuis a-
 gendam doloribus & angoribus, cum
 fieri vix possit, ut in magnâ amicorum
 multitudine nemo sit in calamitate.
 Quorsum Hesiodus næ salubri præcepto
 voluit, ut neque nulli essemus amici, ne-
 que multis, οὐδὲ ἀφίλοι οὐδὲ πολύφίλοι, ἀλλὰ
 φιλόφίλοι, quæ πολυφιλία apud Scythas
 olim æquè infamis fuit, atque apud alias
 gentes πολυανδρεία, sive unius mulieris
 cum multis viris consuetudo. Scilicet,
 ut rem mittam in compendium verbo-
 rum,

rum, multitudinis amicorum modus quidam esse debet, nō secus ac civitatis. Nam in civitate, si nimis multi sint cives, non tam civitas quàm natio quædam erit, v g, si centum millia sint civium, contrà si nimis pauci, jam quoq; non erit civitas, v g, si decem aut viginti sint cives. Modus est civium aliquis, ut neque nimis multi, neque nimis pauci sint, neq; tamen hic modus unus idemque est, & cæterus ac determinatus, cum pro loci differentiâ, & aliis attributis, nunc major nunc minor esse debeat civium numerus: Extrema quidem certa ac definita esse possunt, ita ut nimium constituere possimus centum millia, parum decem cives, sed inter hæc extrema interjectus modus interim variat. Quemadmodum ergò in civitate definitus est civium numerus, ita & in amicitia amicorum. Ac in civitate quidem multitudinis modus capitur ex rerum copiâ, in amicitia verò ex convictu, id est, tot possunt esse cives, quot ager & locus commodè potest alere, similiter tot amici, quot unâ vivere possunt, Dices fortè, bonum quò communius hoc communicabilius! De essentiâ, at non existentia, præsertim in summo relationis gradu, constante relato & correlato, amare, inquam, & amato, per excellentiam amoris ab uno ad alterum insigniter talem,

lem, qualis amicitia non est diffusiva ad plures, ut omne summum. Habebat Alexander Magnus multos duces sibi familiares gradu amicitiae medio, verum unum Hephæstionem φιλαλέξανδρον, unumquē Craterum φιλοβασιλέα, gradu amicitiae summo. Denique Ἀνέγκλητος & Ἀδιάρκλητος, nullis suspicionibus criminationibus & querelis obnoxia est hæc amicitia, tum quia de iis, quos longo jam tempore spectaveris, non facili credas crimina aut calumnias afferentibus, tum quia in veris & verè amicis omnia reperiās, quæ desiderare possis, quæ res nullum locum relinquit injuriis, ex quibus alioqui querelæ & crimina nasci solent. *Amicitia Utilis* est, quæ utilitatis causâ contrahitur, inter malos inter se, bonos & malos, & neutros, hoc est, non prorsus bonos aut malos, tam inter se, quàm cum vel bonis, vel malis, adeoque inter quosvis homines. Cunctis siquidem hominibus contingere potest amabile esse utile, tam bonis, quàm malis, illis per se & simpliciter, his per accidens, & secundum quid: Inter malos, quia ubi in malis reperitur utilitas, mirari haud convenit, amicitiam quoque inter hos conciliari mediante utilitate: Inter bonos & malos, quia cum bono τὰ utile quoque est connexum, cum omnia in
sint

sint bono , quo fit , ut utilis bono interdum sit malus , hâcquē ratione inter se sint amici : Inter neutros , quia & improbi inter se , & his boni quoque amici , ex eventu tamen , ratione putà utilitatis , per se autem amici soli boni , ut qui ament inter se , quâ ratione amabiles , non quâ utiles. *Estquē hæc Amicitia Imperfecta , Instabilis , Frequens , & Ἐκκληματική , suspicionibus , inquam , & calumniis obnoxia in comparatione.* Imperfecta hætenus , tum quia est inter eos , qui seipsos non propter se , sed propter aliquid aliud , amant , non simpliciter amandum , tum quia est amicitia tantum similitudine quadam , eâtenus amicitiaē nomen merens , quia ut boni , quos inter vera amicitia , inter se utiles , ita & hanc constituit utilitas , quæ idē amicitia dici potest , sicut civitates inter se foederatæ , quod utilitatis ferē causa fieri solet , amicæ vulgò dici solent , tum quia in hâc non omnia φιλητέ concurrunt , verum πὺ utile tantum. Neque enim faciliè reperiuntur , qui sint amici propter utile & jucundum , hoc est , qui ob utrumque simul , vel ament , vel amentur , quia utiles plerumque non sunt jocularēs , nominatim homines quæstiosi & lucriōnes , ut avari & senes , qui ferē non curant voluptatem , ob excessum

dò , si inter eos sit similitudo morum ,
quâ ut paritur & paratur amicitia, ita re-
tinetur & conservatur. Nam , si longâ
consuetudine inter se periclitati alter al-
terius mores adamare cœperit , quia in-
ter se congruunt , certè hi non facile po-
stea mutabunt aut discedent ab amicitia.

Frequens hinc, ut in quâ locum habeat

πολυφιλία, saltem facilius quàm in ami-

citia ex virtute , tum quia utilitatum

studiosi innumerabiles, tum quia ad hanc

amicitiam contrahendam non opus mul-

to & longo tempore. Quamvis nec hæc

assertio scrupulo careat, quoniam amici

ex utilitate non videntur posse esse mul-

ti hâc ratione , quia multis obsequium

tribuere , & his succurrere, laboriosum

& difficile , adquæ vitam suam benè de-

gendam impedimento, implicari alienis

negociis , deservirequæ aliorum utilitati-

bus, id quod tamen hoc amicitiaæ genus

postulat Denique Ἐγκληματικὴ, suspici-

onibus querelis & calumniis obnoxia ,

partim ob exigui temporis consuetudi-

nem , partim , quia sicut ibi nullæ que-

relæ , ubi nulla , quæ desideres, ita con-

trâ querelæ , ubi aliqua , quæ desideres,

hoc plures & majores , quod plura & ma-

jora desiderantur. Hinc videas in amici-

tiâ utili statim solere existere querimoni-

as , quando analogia non eodem modo

et eundem, quantum præstiterit, expectat :
Cum igitur omnia ad accipientem accommodentur, meritò hujus utilitate metiendum beneficium, æstimandaque commoditas ejus, qui accepit, atque hæc debet esse mensura ac norma beneficii, hoc magis, quia accipiens scit, quanti sit beneficium collatum, qui ideò statuere potest, immò debet, reponsionem. 4. Quia etiam in foro rerum venalium precium statuit, non venditor, sed emtor. Etenim venditor ferè petit plus, emtor verò æstimat, quantum sibi utilitatis res afferre possit, ponitque huic precium, quod sibi suisque usibus videtur commodum esse & congruum. *Ad hanc amicitiae speciem referas licet Amicitiam Xenicè Hospitalem*, quia hospites amicitiam inter se colunt commodi, & divertendi vel adjumenti alicujus causâ. *Amicitia Jucunda* est, quæ voluptatis causâ contrahitur, itidem inter malos se inter, bonos item & malos, denique neutros, hoc est, non prorsus bonos vel malos, tam intet se, quàm cum bonis vel malis: Inter malos, quia ubi in malis reperitur voluptas, mirari haud convenit, amicitiam quoque inter hos conciliari mediante voluptate: Inter bonos & malos, quia cum bono rò jucundum quoque est connexum, cum

omnia insint bono, quo fit, ut suavis bono interdum sit malus; hâcquē ratione inter se sint amici: Inter neutros, quia & improbi inter se, & his boni quoque amici, ex eventu tamen, ratione putà voluptatis, per se autem amici soli boni, ut qui ament inter se, quâ ratione amabiles, non quâ iucundi, *Estque hæc Amicitia & ipsa Imperfecta, Instabilis, Frequens, & Εγκληματική, suspicionibus querelis & criminationibus obnoxia. Imperfecta*, tum quia & ipsa est inter eos, qui seipsos, non propter se, sed propter aliquid aliud, amant, non amandum simpliciter, tum quia est amicitia tantum similitudine quâdam, eâtenus amicitiae nomen merens, quia ut boni, quos inter vera amicitia, inter se iucundi, ita & hanc conglutinat iucunditas, quæ ided amicitia dici potest, sicut pueros inter se amicos vocant, qui voluptatis & ludorum causâ inter se amant, tum quia in eâ non omnia φιλητέα concurrunt, verum τὸ iucundum tantum, eò quod non faciliè reperiantur, qui sint amici propter iucundum & utile, hoc est, qui propter utrumque simul, vel ament, vel amentur, (eccur?) quia voluptatis amantes, ut luxuriosi & nepotes, de utili aut quæstu parùm ferè laborant. *Instabilis*, quia similiter res, ex quâ hæc amicitia coalescit,

alescir, est fluxa & mutabilis Voluptas
certè non semper manet eadem, quia ea,
quæ jucunda sunt, alia atque alia exi-
stere solent, pro mutatione ætatis, quâ
mutatâ, mutantur & jucunda. Neque
enim eadem adolescentibus, (quorum
amicitia ex voluptate, propterea quòd
turbulentis ferè animi motibus, non ra-
tione, ducantur, ideoquè, quemad-
modum citò diligere incipiunt, ita &
desinant, præsentem spectantes volupta-
rem, non futuram, de quâ parùm labo-
rant,) quæ pueris, juvenibus, viris,
senibus, jucunda: sed nec faceri semper
chari, nisi fortè in conviviiis, in vehiculo,
in itinere, in congressibus seriis & gravi-
oribus non item: Quo fit, ut cùm jucun-
da facilè mutantur, amicitia quoque ex
iis conciliata & ipsa muretur facilè, nisi
quod duobus modis possit fieri stabilis,
si videlicet paria inter se faciant amici,
hoc est, par pari reddant, non aliud, v
g. voluptatem pro voluptate, non uti-
litatem & quidem eandem, atque ex eâ-
dem causâ, ut si faceti voluptatem alter
ab altero capiant ejusdem rei ratione,
hoc est, ex facetiis uterque mutuis, &
non ο ἐραστής amator voluptatem quidem
ab ἐρωμένῳ amasio, hic verò contrà utilita-
tem & munera ab illo, si deinde inter eos
sit similitudo morum. Nam si longâ

consuetudine inter se periclitari alter alterius mores adamare cœperit, quia inter se congruunt, certè hi non facilè postea mutabunt aut discedent ab amicitia, quomodo videas homines nequam & luxuriosos amare inter se ob similitudinem studiorum, quæ parens & conservatrix amicitiae, mutuquè convictus, quem tollit absentia, sed non ipsam interim amicitiam, saltem perfectam, cujus usum tantùm interrumpit, nisi diuturnior fuerit. Tunc enim non usum tantùm, sed ipsam quoque amicitiam extinguere videtur, juxta proverbium: πολλὰς φιλίας ἀποσηργία διέλυσεν: Longè habitantes amici non sunt amici. Nam sicut à vivendo & conversando simul oritur amicitia, sic dissolvitur à contrario, ut omnis habitus, qui sicut augetur ab eisdem operationibus, à quibus oritur, ita corrumpitur à contrariis, Sed videtur scilicet. Ut enim amicitia tollatur absentia quoad actum, usumquè vitae quotidianum, tamèn non item quoad habitum, qui etiàm esse potest inter dormientes, quare & absentes, præsertim quoad operationes amicitiae interiores. *Fréquens hinc, ut in quâ locum habeat πολυφιλία, saltem magis, quàm in amicitia ex virtute. Ex virtute autem? Immo & ex utilitate, tum quia studiosi*

volu-

voluptatum plures , quàm utilitatum ,
 tum quia ad hanc amicitiam contrahen-
 dam non opus longo tempore, sed sufficit
 exigua ejus consuetudo. Quamvis nec hæc
 assertio suâ difficultate careat , quoniam
 amici ex voluptate non videntur posse
 esse multi , eò quòd inter paucos volu-
 pras sit interior , ideoquè suavior , sicut
 condimenta ciborum , si multa affun-
 dantur , ingrata existere videmus , sin as-
 pergantur tantùm , jucunda & grata. *De-
 nique Ἐγκληματικὴ quidem ἔστι ipsa , sed
 minùs in comparatione.* Nam vel uter-
 que amicus suavis alterius consuetudine
 delectatur , & sic neuter habet , quòd
 queratur, vel si alterutri alterius consue-
 tudo minùs sit grata , licet illam inter-
 mittere, non item in amicitia utili, in qua
 uterque plus appetit , quàm alter vult
 aut potest præstare. *Quo loco notandum
 in transitu, amicitiam hanc jucundam
 propiùs accedere ad amicitiam perfectam
 quàm utilem,* tum quia convictu gaudet,
 quem maximè amat vera amicitia, tum
 quia liberalior est , & magis ingenua , ut
 quæ amicitiam voluptate non quæstu
 metiatur, ut altera illa, tum quia eam ca-
 pant beati , non item eam , quæ ex uti-
 litate. Sed quare beati amicos jucundos
 magis quærunt , quàm fructuosos ? Nam
 hoc fortè roget aliquis. Quia, uti dictum,

convictu gaudent, qui cum hominibus non jucundis, quales Eucliones sive lucriones, nullus esse potest. *Ad hanc Amicitiae speciem reducas licet Amicitiam* Ἐρωτικὴν *Amatoriam, quæ est amantium & amatarum, in quæ adolescentibus ferè hospitatur, in quibus affectuum incendia, & voluptatum desideria, maximè reperiuntur, partes quæ sunt amicitiae amatoriae. E dictis amicitiae speciebus sola amicitia honesta est amicitia per se, amicitia verò utilis & jucunda amicitia per accidens, sive ex eventu. Illa per se, quia ii demùm verè sunt amici, qui ita inter se amant, ut alter alteri bona, quæ vult, eâ re velit quia amat, nullam aliam ob causam: Hæ per accidens, quia hic amici vel utilitatis vel voluptatis causâ inter se amant, ubi autem alter alteri bona, quæ vult, non eâ causâ vult, quia amat, sed quia utilitatem aut voluptatem aliquam capit, certè hi amici, non per se, sed ex eventu, ut cùm pauper amat divitem, indoctus doctum, non quia, quem amat sibi sit charus, sed quia id., quod ab eo expectat, divitias, putà, aut eruditionem. Sic homines facetos amamus, non tam propter ipsos, quàm propter facetiàs. Sed cur per accidens, sive ex eventu? Quia enim, sicut ea per se dicuntur, quæ nullâ rerum externarum habi-*

tâ

tâ ratione suapte sponte constant , ita
contrâ ea dicuntur ex eventu , quæ , quia
aliquid , hoc vel illud , evenit , aut conse-
quitur , constant. Scilicet propter ejus-
dem rei , nempè veræ amicitiae , simi-
litudinem & dissimilitudinem , sunt &
non sunt amicitiae nomine dignæ. Nam
quâ parte sunt similes veræ , ut quia par-
tim utilitatem partim jucunditatem
complectuntur , quæ duæ res & in verâ
insunt , hætenus amicitiae esse videntur ;
Quâ verò parte veræ sunt dissimiles , ut
quia vera est stabilis , & querelis ac sus-
picionibus vacans , cùm illæ sint & fluxæ ,
& criminibus ac suspicionibus refertæ ,
hætenus amicitiae vix esse videntur.
Paucis ceterè in rebus cum verâ amicitia
conveniunt , in pluribus contrâ discon-
veniunt. Vera namque amicitia per se ;
ex virtute , inter verè bonos , temporis
& periclitationis egens , stabilis , rara ,
paucorum , summè jucunda , utilissima ,
alteræ verò ex eventu , & per accidens ,
ex utilitate vel voluptate , nonnullâ vel
exiguâ cum periclitatione , nullo egen-
tes tempore , fluxæ , crebræ multorum ,
non denique ita utiles aut jucundæ , ut
illa prior. Ut ita , cùm amicitia dividi-
tur in honestam utilem & jucundam ,
non sit hæc divisio univoci in sua univo-
cata , sed analogi veriùs in analogata.

Ami-

Amicitia Disquarantiae est personarum inæqualium conjunctio, quando alter amicorum alterum antecellit dignitate, potentiâ, divitiis, autoritate, virtute, sexu, ætate, doctrinâ, vitæ conditione, & si qua sunt alia φιληπὶ gradibus differentia, singulis in hâc conjunctio-
ne convenientia, cum accipientibus, tum reddentibus, proportionem Geometricâ. *Ἐν ἀξίᾳ, ἢ κατ' ἀξίαν* appellant aliter, excellentiæ sive præstantiæ amicitiam Cicero. Næ benè! Sicut enim in amicitia æqualium dominari videas æqualitatem κατὰ τὸ πῶσον sive numeri, ita in amicitia inæquali æqualitatem κατ' ἀξίαν sive dignitatis. Est quidem æqualitas amicitiae propria, quam ideò paribus officiis defini ait modò laudatus Cicero, sed non simplex & absoluta, sive quantitatis & Arithmetica semper, quæ magnitudine & numero describitur, verùm κατ' ἀξίαν, & τῷ λόγῳ ἢ ἀναλογίᾳ quoque, sive qualitatis & Geometrica, quæ dignitate & proportionem condescribitur, ita ut magis v-
getur ex hoc capite, quàm amet, præstantior dignitate, imperio, fortunæ ingenii virtutis bonis, servatâ in officio-
rum reciprocatione æqualitate, non simplici absolutâ Arithmeticâ, sed comparatâ analogicâ Geometricâ, idquè tum ratione ipsius excellentiæ, tum ratione
eorum,

eorum , quos inter est excellentia , partim , quia eorum , inter quos est hæc excellentiæ amicitia , non eadem omnium virtus , idemquæ munus & opus , sed alia virtus hujus , alia illius , aliud officium hujus , aliud illius , ubi autem alia aliorum virtus & officium , ibi alia atque alia amicitia , & non eadem omnium , eò quòd virtutum & officiorum comes sit amicitia , partim , quia alia in aliis sunt amabilia seu chara , ideoquæ non eadem etiam hoc nomine amicitia , ut quæ ex illis existat , iisque variatis variet. Ut rem mittam in compendium verborum : Si inter dispares est amicitia , ut est , amor quoque uti dispar sit , necesse est : Quare & officia , quæ amicitia quasi usus & fructus , officiorum inæqualitate consequente amoris & amicitia dissimilitudinem , quæ , quò major , hoc magis impedimento amicitia , ut aut planè impediatur ortum ejus , aut jam ortam dissolvat , ut si cum regibus longè inferiores vellent contrahere amicitiam , aut cum sapientibus & præstantibus virtute viris homines nihili , aut nulli rei , qui cum nequeant simul conversari & vivere , eo ipso nequeunt esse amici. Roges fortè , si distantia & dissimilitudo amoris & amicitia , vel impedit , vel dirimit amicitiam , quanta ea esse debeat , ut vel maneat , vel non

non maneat amicitia? Respondeo, eos distantiae gradus definiri exquisitè, atque ad unguem, non posse, interim hoc tenendum esse, non dissolvi ocyùs amicitiam disparitate, sed tum demùm, ubi talis fuerit facta distinctio amicorum, qualis est v g hominis à Deo. Finge enim duos inter se amicos, ætate, virtute, genere, divitiis, honotibus pares, quorum alter postea tantum non omnibus his excedat, ita ut magna virtutis, major morum, maxima studiorum atque exercitiorum, sit distantia, hi certè amici propterea esse non desinent, sed benè, si alter cœperit esse inemendabiliter improbus, quo in casu non modò diluenda sive deluenda remissione usus amicitia, sed etiam delenda, & disfluenda primùm, mox discindenda, ne videatur frugi amicus esse φιλοπότης, cùm tamen naturâ suâ malum non sit φιλήδονος bonis, nec malus φιλήτιος. Quid ergò? Servabitur, inquam, inter illos duos, non obstante disparitate, nihilominùs amicitia, sicut in superioribus servantur inferiora, triangulus in quadrato, nutriendi facultas in sentiendi facultate, at non sine aliquâ permutatione, experimentum quæ est veræ amicitia, verique amoris. Quæ illa? Ex amicitia ἐν ἰσότητι sive æquiparantia, fiet amicitia ἐν ὑπεροχῇ sive disquiparantia.

hoc

hoc modo , ut ille , qui remansit in eodem gradu , tribuat excellentiori , quod ei est tribuendum ex officio amicitiae , consistentis in excellentia , ille verò , qui infinitis partibus altero factus est superior , conservet memoriam minùs excellentis , huicquè magis gratificetur , quàm alienis , pristinae amicitiae recordatione , & praesentis intuitu. Et certè , quid impediatur , quò minùs v g modestus foedus amicitiae ineat cum magnanimo , liberalis cum magnifico , mediocriter doctus cum insigniter docto , gradu non habitu differentibus , non quidem ut par cum pari , sed ut similis cum simili , non obstante inaequalitate , tollente paritatem , non similitudinem , quæ esse potest etiam inter æquales , quo de argumento quædam notavimus suprà in loco. *Amicitia hæc Disquiparantiae vel Naturalis est , vel Civilis.* Ex societatis jure utraque , sed non æquè , quoniam altera earum ex societate tota pendet , alterius verò etiam aliæ sunt causæ , putà , sanguinis necessitudo , & morum ac humorum similitudo. *Amicitia Naturalis* est , quam naturæ vinculum conciliat. *Estquè vel Συγγενική Cognata , vel Γαμική Nuptialis , vel Συμπάθητική Sympathetica.* *Amicitia Συγγενική sive Cognata* est inter eos , qui san-

sanguinis propinquitare se invicem contingunt. *Estque vel Πατρική Paterna, vel Ἀδελφική Fraterna, vel Συγγενική in specie sic dicta*, quas inter paterna tons, è quo manant & promanant reliquæ. *Amicitia Πατρική sive Paterna est*, quæ est inter Parentes & Liberos, qui licet parentum sint quædam veluti pars, ideoque à Jurisconsultis habeantur pro unâ quodammodò personâ, illis diligentibus hos, tanquam sua membra, eò quòd liberos amando videantur seiplos amare, quia sunt quasi alteri ipsi, non planè ipsi & uni tamen, sed alteri, quia reverà separati, eo modo, quo amicus est alter ipse, his contrà illos naturaliter redamantibus, tanquam ortus sui principium, à quo post Deum, non tantùm habent τὸ esse, sed etiam τὰ benè esse, differunt tamen; I. Quia in hâc amicitia non præstantur paria officia alteri ab altero, sed satis est, si liberi parentibus, quæ par est, & hi contrà liberis, præstent, eò quòd non idem hîc sit jus illis & his, his & illis: Jam verò, quantum juris intercedit, tantùm & amicitia, arctioris laxiorisvè, prout illud est arctius laxiusvè, unde, quomodo parentes se gerere debeant erga liberos, & hi erga parentes, sciscitari, id nihil aliud esse dicunt, quàm quid inter hos juris sit, quærere. II. Quia parentes

rentes nescio quomodo magis sunt conjuncti liberis, quàm liberi parentibus, quemadmodum id, à quo aliquid est ortum, conjunctius est orio, quàm ortum ei, unde est ortum, pictor v g magis conjunctus tabulæ pictæ, quàm hæc pictori, quia ortum proprium est ejus, à quo est ortum, cujus est pars quædam, non contrà. Sed cur pars totius est propria, non contrà totum partis, liberi parentum, non parentes liberorum? Quia enim pars à toto vim suam omnem habet, in eoquè continetur, & sic liberi à parentibus, in quibus ratione originis velut continentur. Sicut ergò major affectio totius ad partem, quàm partis ad totum, ita magis cognatum generans generato, parentes, inquam, liberis, quàm generatum generanti, liberi parentibus. III. Vel ideò etiam, quia parentes melius nòrunt liberos esse suos, quàm hi illos esse suos parentes, cum illis nota sit procreatio, his non item, interquè parentes mater. Undè alicubi moribus receprum, ut liberi sequantur patrem in publicum prodeuntem, præcedant verò matrem: Eccur id? Quia enim mater melius novit liberos esse suos, quàm pater, qui sæpè domo abest, dum procreantur liberi. IV. Quia longinquior est parentum adversus liberos, quàm horum ad-

versus

sus liberos, quàm horum adversos parentes, amor. Parentes quippè amant liberos statim à primo ortu, liberi autem tum demùm, cùm eos cognoscere cœperunt, ferequè impensius iterum mater quàm pater, & quia magis his conjuncti, & quia magis hos novit, & quia diuturnius amavit. Ubi notandum in transitu, amorem parentum, quo prosequuntur liberos, formaliter alium esse ab amore liberorum, quemadmodum amor pecuniæ alius ab amore honoris, hic à voluptatis, formaliter. *Amicitia* Ἀδελφικὴ sive *Fraterna* est, quæ est inter Fratres erga se invicem. Cujus amicitia causa πρὸς τὴν, generis communio, educatio, ætas, mores, studia: Generis communio, quia ex eodem nati stirpe, idem sanguis, eadem stirps, & ipsi quodammodò una eademquè persona, quamvis inter se ipsi interim sint diversi, non tam ratione sui tamen, quàm parentum: Educatio, cujus quanta & quàm amica atque amabilis vis sit, notum vel ex collactaneo amore & redamore: Ætas, quâ mediante fit, ut æqualis æqualem amet, inæqualem verò oderit, natu major v g frater natu minorem: Mores, quorum similitudo sicut copulat amicitiam inter sodales, ita & inter fratres, nisi quòd in fraternâ amicitia, conjunctam habente
 sodea

sodalitiam, omnia sint majora & aptiora: Studia, quæ mores ferè sequuntur, non κατὰ τὸ αἶμα, sed ὡς ἐπὶ τὸ πολὺ tamen. *Amicitia* Συγγενική *in specie sic dicta* est, quæ est inter reliquos præter Fratres, Cognatos, putà, Patrueles, Consobrinos &c. Ejus eadem, quæ fraternæ amicitiae, origo. Nam quia ab iisdem majoribus descendunt, ideò se inter se amare solent. Et quia horum alii aliis ferè sunt propinquiore, alii verò remotiores ab autore generis, ideò amicitiae inter hos varii existunt gradus, ut alios inter arctior sit amicitia, quò propior autor generis, vel laxior, quò idem remotior, quoque plura & perfectiora sunt φιληται, ut cùm, præter vinculum & nexum sanguinis, ætas & morum similitudo accedit. *Amicitia* Γαμική *sive Nuptialis* est, quæ est Maritum inter & Uxorem, quoslibetvé Affines: Conjugalis aliter, Et ipsa secundum naturam, tum quia homo animal συνδυαστικὸν μᾶλλον ἢ πολιτικόν, ad uxoriæ conjunctionem propensior, quàm ad civilem naturaliter, quæ absque eâ consistere nequit, jam verò, quæ magis necessaria, eadem ferè etiam magis naturalia, tum quia ea hominibus communis cum bestiis, quod autem tale, illud magis naturale, licet non ad eundem modum, eundemque finem, sit communis, cum

cùm belluæ procreationis duntaxat causâ, hoc est, ut sint, homines verò etiam, ut benè sint, id est, non hujus tantùm causâ, sed totius vitæ, & convictus, atque mutui auxilii causâ, in hanc vitæ conjugalis societatem conveniant, tum quia liberi sunt commune bonum utrique conjugii naturaliter, vinculumquè conjugii, ipsâ communitate id continente, arctiusquè devincente, ut vel illud argumento esse potest, quòd, qui carent liberis, hi non ita se invicem ament, facilequè inter hos òriantur dissidia & divortia, vel experientâ teste. *Amicitia Συμπαιγνική* sive *Sympathetica* est quorundam inter se occulta benevolentia, etiamsi nihil aut parum conversationis his in antecessum intercedat, de quâ accipiendus locus Martialis, cùm ait:

*Non amo te, Volusi, nec possum dicere
quare,*

*Hoc tantùm possum dicere, non
amo te.*

Tantum de Amicitia Naturali: Amicitia Civilis est, quæ oritur ex Societate Civili, neque tam ex naturæ nexu, quàm humanis pactioibus, conglutinetur, cui naturæ opponitur pactum. *Estquè vel inter Imperantes & Parentes, vel inter Ipsosmet Parentes. Amicitia inter Imperantes & Parentes, vel Vera est,*
vel

vel Apparens : Vera iuxta, vel Monarchica, vel Aristocratica, vel Democratica, ex quibus illa responderet Amicitiae Paternae ; ista Conjugali, hæc Fraternali remissivè. *Amicitia Monarchica* est, quam inter se mutuò colunt Monarcha & Cives Monarchici, pro dignitate, hoc est, servatâ æqualitate Geometricâ, non Arithmeticâ, Ut enim non idem jus est civi adversus regem, quod huic adversus civem, ita & amicitia non est æqualis. Etenim regem observat & colit civis, tanquam superiorem, non contrâ rex civem, quia honor est præmium excellentiæ, quod amplius debetur imperio virtute aut quâ alia re præstantibus. Sic excellens v.g. divitiis largietur quid egeno, at hinc contrâ eum honorabit & observabit. *Respondet amicitiae paternae.* Ut enim rex subditorum curam agit publicè, ita pater liberorum privatim, nisi quòd majora parentum, quàm regum, sunt beneficia, cum liberi à parentibus, & τὸ εἶναι, vitam ipsam, & τὸ εὖ εἶναι, bonè vivendi rationem, alimenta, inquam, & honestam educationem, accipiant : Ut rex inter subditos excellit virtute, dignitate, autoritate, item pater inter liberos : Ut rex subditos suos amat, humaniterquè tractat, ut ab iis redametur, item pater liberos eâdem fini ;
Ut

Ut rex nihil, nisi quod honestum, subditis præcipit, irem pater liberis, instituens eos ad virtutis studium. Appellatione verò parentum etiam cæteri majores, & liberorum quoque reliqui minores ac posteris, intelligendi sunt, in quos eadem cum eis amicitia, putà excellentiæ. *Amicitia Aristocratica* est, quam inter se mutuò colunt Optimates, sive Archontes Aristocratici, & Cives Aristocratici, pro dignitate, hoc est, servatâ æqualitate Geometricâ, non Arithmeticâ. Ut enim non idem iterum jus est civi adversus optimates, quod his adversus civem, ob virtutem eorum eminentem, quæ causa hujus amicitia, in quâ, quânto alter alterum virtute & auctoritate superat, tantò plus amoris & honoris convenientis accipere debet, ita & amicitia inter hos non est æqualis. Et enim optimates observat & colit heic civis, tanquam eminentiores, non contrà optimates civem, eò quòd honor sit præmium eminentiæ, quòd amplius debetur imperio & virtute excellentibus, quàm utriusque vel alterutrius expertibus. *Respondet amicitia conjugali*, quæ & ipsa *κατ' ἀξίαν* tribuit præstantiori, quæ sunt præstantiora, dum maritus pro dignitate imperat in iis, quæ virum decent, remquæ familiarem parat & curat, maritum

tum contrà observat & colit, familiæ-
qué, maximè ancillis, munia ac pensa
dispensat, cibariaqué his, totiqué fami-
liæ, præbet uxor, ex quâ officiorum
partitione & descriptione, pro cujusque
virtute, quasi aristocratia quædam simi-
litudinaria existit, *Amicitia Democra-
tica* est, quam inter se murud colunt
Archontes Democratici, & Cives De-
mocratici, pro æqualitate, non dîgni-
tate tamen, hoc est, servatâ æqualita-
te Arithmeticâ, non Geometricâ, qua-
tenus pari heic jure cives sunt, vicissim-
qué parent atque imperant, æquali-
bus istactenus personis, æquali amore,
æquali officiorum communicatione, æ-
quali virrute, utqué sic paribus, non
quasi nihil omninò hîc sit dissimilitudi-
nis morum & fortunarum dignitatisvè,
cùm, qui extra collegium ἀρχόντων sunt,
tantisper pro privatis habeantur, sed
quòd à potiori fiat denominatio. *Re-
spondet amicitiaæ fraternæ*, quoniam
fratres & ipsi inter se sunt æquales ferè,
virtute, divitiis, honoribus, moribus,
studiis, quæ causæ solent esse amicitiaæ,
licet impares interim sint ætate, cujus
distantia si sit major, non amplius in-
ter eos est fraterna amicitia, sed pater-
na, cùm natus maximus qui est fratrum,
parentis instar habeatur, hisqué imperet

velut pater, (etenim senior ex fratribus junioribus patris est loco,) rectius facturus, si ut sodalis leniter hos moneret, quàm objurgaret, ut pater patruusvè. *Amicitia Civilis Vera sic habet, sequitur Apparens: Quæ vel Tyrannica, Vel Oligarchica, vel Ochlocratica:* Ex quibus illa responderet Amicitiae Paternæ, sed Tyrannicæ, ista Conjugali, sed Oligarchicæ, hæc Fraternali, sed Ochlocraticæ sive Anarchicæ. Dico apparens, quia in his deflexionibus amicitia quidem, sed valdè tenuis & exigua, exemplo juris, quod in his, vel est nullum, vel perexiguum: Jam verò in quâlibet societate tantum est amicitiae, quantum juris quo cessante cessat amicitia, cujus proxima cum jure cognatio, quod constat esse æquale: Ut ita vel nulla vel exigua admodum hîc sit amicitia, quia nulla vel exigua æqualitas, ideoquè nullum vel exiguum jus, & per consequens amicitia. *Amicitia Tyrannica* est, quam inter se mutuò colunt in speciem Tyrannus, & Cives Tyrannici, pro dignitate, hoc est, quoquo modo servatâ æqualitate Geometricâ, non Arithmeticâ. Dico, quoquo modo, quia nihil vel parum est amicitiae in tyrannide, sicut artificem inter & instrumentum, animam inter & corpus, dominum inter & servum,

vum, quos inter communicatio χρησιμὴ, ποσὶ φιλική, & sic tyrannum inter & subditos, illo ad se rapiente omnia, ut qui suam non suorum quærat utilitatem, eo modo, quo in herili societate domini, non servi, versatur utilitas. Sed cur artificem inter & instrumentum, animam & corpus, dominum & servum, nullæ amicitia? Quia amicitia communitas, communitas autem nonnisi inter duos ad minimum, artifex autem & organum, anima & corpus, dominus & servus, sunt illa quidem duo, sed unius tantum, ut quæ ad unius utilitatem spectent, organa ad opificis utilitatem, corpus ad animæ, servus ad domini, non suam, nisi ex eventu. Curatur quippè servus à domino, non servi causâ, sed sui, quia servi ægroti nullus usus. Quod postremum tamen de servo cum grano salis accipiendum. Quamvis enim servus nihil habeat commune cum domino, consideratus ut organum, cum quicquid habet, id sit domini, tamen, quia homo, amicitiam colere potest cum domino cohominem, vel ideò, quia hominibus in universum intercedit jus aliquod cum iis omnibus, qui legum & conventorum societate nobis jungi possunt, quare & cum servis, qui homines, ideoquæ ratione præditi, quare & juris capaces, igitur

tur & amicitiae, intra humanitatem quae est. *Respondet amicitiae paternae rigidior*, utentis liberis ut servis, in eosquē jus vitae & necis exercentis cum Persis. Perperam, quia in dispares, hoc est, liberos & servos, non idem & par sed dispar debet esse imperium, ob juris disparitatem. *Amicitia Oligarchica* est, quam inter se mutuò colunt in speciem Archontes Oligarchici, & Cives Oligarchici, pro dignitate, hoc est, quoquo modo servatâ æqualitate Geometricâ, non Arithmeticâ. Dico, quoquo modo quia hîc imperat is, qui non virrute, sed divitiis antecellit & opibus, ideoquē subindē inæqualis est. *Respondet amicitiae conjugali inconjugali*, cū vel maritus omnia sibi arripit & vendicat, etiam muliebria officia, ut texere, nere, fusos ducere, potestatem quin etiam vitae & necis in uxorem, vel uxor imperium sibi arrogat, id quod ferē sactitare solent, vel formâ, vel divitiis, vel opibus & nobilitate superbæ, verbo, quando inter improbos conjuges harmonia & amicitia aristocratica non conservatur. *Amicitia Ochlocratica* est, quam inter se mutuò colunt in speciem Archontes Ochlocratici & Cives Ochlocratici, pro æqualitate, non dignitate tamen, hoc est, quoquo modo servatâ æqualitate Arithmeticâ,

meticâ non Geometricâ , nisi fortè per
accidens. *Respondet amicitiaë fraternæ
dissolutiori* , quando in domo , domi-
no carente & rectore , omnia pertur-
bantur munera inter conviventes fra-
tres, tantum sibi domi sumente juris fra-
tre puero vel adolescente , quàm vi-
ro , servo , quàm libero . , ubique adeò
qui præest , saltem præesse debebat , vix
præesse videtur , quia autoritate carer ,
omnia omnibus ducentibus esse domi
æqualia. *Denique Amicitia Ipsosmet in-
ter Parentes* est , quam inter se mutuo
colunt cives Monarchici , Aristocratici ,
& Democratici , suoquè modulo , Ty-
rannici , Oligarchici , & Ochlocratici.
*Estquè illa vel Publica, vel Privata: Pu-
blica iterum, vel Δημοτική Concivium, vel*
Φιλιπική , Tribulium & Contribulium ,
vel Πολιτική , Castrensiū , vel Συμφε-
ρική Confœderatorum bellicausâ : *Priva-
ta vel Ἑταιρική* , Sodalium , vel Συσε-
πωπική , Commilitonum , vel Συμπλοική ἢ
Ἑμπορική , Connavigantium & Conne-
gociantium , vel Ὀδοπορική , Compere-
grinantium , vel Ξενική , Hospitum , quo-
rum alii utilitatem , alii voluptatem , alii
utramque sequuntur. Sed hæc amicitiaë
species videntur potius esse species A-
micitiaë Æquiparantiæ , quàm Disqui-
parantiæ , hîc tamen tractantur à Philo-

sopho, & ejus exemplo à nobis. *Utraque hæc Amicitia, tam Equiparantiæ, quàm Disquiparantiæ, in hoc tertio convenit, quòd criminationibus accusationibus & querelis obnoxia sit utraqne, magis tamen Amicitia Utilis respectu in comparatione, quàm Honestæ, vel Jucundæ: Non honestæ, eò quòd non existant accusationes, ubi omnia, quæ cupias, suppetunt, nihilquè ampliùs desideres, ubiquè eo, quod quæris, potiariis, id quod sit in amicitia honestâ, bonos viros inter quæ est, quorum proprium, certare utrinque officiis, neque tam emolumentum ab amico expectare, ut tantundem vei plus reddat, quàm benè de ipso mereri, quoniam non in fructu, sed in ipso virtutis & honesti amore, consistit hæc amicitia, licet interim hoc stante, neque tamen obstante, objurgationes & admonitiones hîc sint frequentissimæ, Non etiam Jucundæ, eò quòd, qui ex eâ, sunt amici, insîdem utrinque potiantur, aut si non, ipsi sibi attribuire debèant, cùm ab eo, à quo voluptatem nullam capiunt, possint, cùm volunt, discedere, id quod in amicitia, ex utilitate quæ est, non ita facere licet, quoniam, si v g, tibi dedi centum coronatos, sperans, quid aliud, si non reddas, possum te tanquam ingratum accusare, in eâ amicitia,*

citiâ , quæ ex virtute & voluptate , non item , quia utrinque aliud præstat , cum adest consuetudo & convictus : *Ergò Utilis* , ut in quâ utrinque querantur amici , se non assequi , quæ velint , altero eorum plus petente , minusquæ se habere conquirente , quàm dignus sit , altero verò negante , sequè imparem esse reddendis , quæ alter postulat , profitente . *Ut ita in Amicitia Utili frequentes occurrant querelæ , sive ea sit Morum seu Moralis , aut quasi Moralis veriùs , sive Legum seu Legalis , quarum illa juri non scripto , hæc scripto , æquiparatur* . Nam ut in illo incerta omnia & infinita , in hoc verò certa omnia & definita , quippè scripto comprehensa , ad hoc exemplum in amicitia utili officia aliàs sunt incertiora & determinabilia magis potentiâ , quàm determinata actu , aliàs certiora , & determinata magis actu , quàm determinabilia potentiâ . *Amicitia Utilis quasi Moralis* est , quæ contrahitur incertis legibus & conditionibus , de re incertâ , quoad æstimationem seu precium . Dico , quasi Moralis , quia verè moralis amicitia , quæ ex virtute , est imitatrix , moralis similitudine quâdam , quoniam ut in illâ , ita & in hac , nihil definiti aut certi , simulationequè , quoniam ut illa videtur propter virtutem esse , cum reverà non sit , ut

quæ honestum specierentur, & dicis, quod ajunt, causâ, utile autem verâ re persequatur, non tam dans amico beneficium, ut nihil inde emolumentum speret, quàm ut tantundem, vel plus etiam, & cum cumulo, accipiat, quasi non tam donârit, quàm commodârit, vel mutuo dederit, adeo quidem, ut nisi pro dignitate accepti, proquæ facultatibus, quasi ex pacto recipiat, à sponte suâ & ultrò dante, quia in amicitia convenit omnia esse voluntaria, alterum ut ingratum accuset, cumquæ benefacere videri velit, malit potius sibi benefieri, utile præferens honesto, in utriusque conflictu, contra officium viri moraliter boni. *Amicitia Utilis Legalis sive Legitima* est, quæ contrahitur certis legibus & conditionibus, de re certâ, quoad æstimationem seu precium. Habet quippè locum in rebus contrahendis & conventionibus certis ac definitis, pactoquæ hîc definitur, quid alter amicorum alteri pro accepto beneficio reddere debeat. Scilicet hæc est illa amicitia, in quâ omnia subtiliter ad calculos revocantur, parquæ pro pari exquisitissimè redditur, velut in emtione & venditione emtorem inter & venditorem. *Estquæ vel Strictior, vel Laxior.* *Amicitia Utilis Legalis Strictior* est, in quâ, nullo interposito tempore, aut morâ,

con-

continuò redditur beneficium , tanquam de manu in manum , sordidior quasiquè mercenaria & forensis hâc parte. *Amicitia Utilis Legalis Laxior* est , quæ amico ad satisfaciendum moram seu intervallum aliquod largitur , licet interim etiam hîc certum ac definitum sit , quid debeat , quidquè & quantum reddi debeat , sed cum morâ aliquâ , ubi amico videlicet erit commodum. Liberalior priori in comparatione , ut quæ ex indulgentiâ & fide pendeat , ex indulgentiâ hætenus , quia si fortè postea non reddat alter , tamen cogi nequit , propterea quòd nulla harum rerum apud quosdam sint judicia , jussvé dicatur ad repetendum hujuscemodi nomina , ex fide hætenus , quia omnia hîc fidei permittuntur , eò quòd inter bonos benè agier oporteat , præsertim in bonæ fidei contractu. Atque ex hoc Aristotelis loco eâdem operâ apparet , olim omnium contractuum voluntariorum , v g , emtionis , venditionis , locationis , conductionis , mutui , depositi , nulla fuisse judicia , solâquè in fide contrahentium eos constitisse. Atque ita simul è dictis liquet etiam illud , quod erat probandum , in utroque amicitiae ex utilitate genere querelas criminationes & accusationes reperiri , quando datorum & acceptorum non est par

ratio, sæpiùs tamen in morali, quàm in legali, propterea, quòd in hâc omnia sint certa & definita, in illâ non item. Usquè adeò rebus certis, ubi scitur utrinque, quid datum, quidquè reddendum, ubiquè certis pactis agitur, vix querelæ exoriantur, at ubi alter accipit, tanquàm ab amico, nihilquè redditurum se existimat, alter verò tantundem vel amplius expectat, eo in casu rixas & querelas exoriri necesse est. *Dixi utrinque. Neque enim tantùm in Amicitia, quæ inter Pares, siue Equiparantiæ, sed etiam in eâ, quæ inter Impares, siue Dis-
equiparantiæ, dissidia & querimoniæ reperiuntur*, vel ideò, quia fèrè tota ex utilitate pendet. Hoc ita esse, id verò Philosophus confirmat hoc trigario rationum 1. Quia etiam hic uterque amicorum sibi plus tribuendum existimet, tam inferior, quàm superior. Superior siquidem virtute plus sibi deberi putat, quòd bono semper plus debeatur, virtute autem? Immodò & utilitate, quâ qui superior, næ ille sibi plus præstari æquum censet, eò quòd in nullam partem utili, æquam tamen partem tribui, iniquum habeatur: Contrà inferior plus quoque sibi deberi autumat, eò quòd, sicut honos virtutis & beneficentiæ præmium, ita utilitas & lucrûm inopiæ sit do-

domesticum subsidium & præsidium. II. Quia aloqui non tam sit amicitia futura, quàm liturgia sive munus, cum onere, & per consequens querelâ, si unus alteri usque profit, nullam vicissim ab altero capiens utilitatem. Quid enim aliud liturgia, nisi munus publicum, præstatio inquam, operæ vel pecuniæ, publicè annexum habens onus patrimonii exhauriendi. III. Quia, nisi ab inferiore superiori reddatur id, quod potest, non quod debet, ea res dirimat, minimùm turbet, amicitiam. Dico, quod potest, non quod debet. Si enim quis præstet amico quæ potest, officium fecerit. Nihil quippè postulat aliud amicitia, nisi ut non tam pro meritis, quàm pro facultatibus, hoc est, id, quod potest, præstet amicus amico, amplius non item, utpote quod ne præstari quidem possit, quo exemplo videmus Deum & parentes, quibus pro merito satis retribui non potest, contentos esse, si pro facultatibus iis retribuatur, indeque adeò fit, ut si inferior, quod potest, hoc est, honorem, & gratiarum actionem, (ut enim referre gratiam nequeat, habere tamen, immò agere, potest,) superiori reddat, nihil sit, quod queratur superior. Ut breve faciam, si querelas in hac amicitia, quæ est inter impares, utrinque evitare

velimus , superiori plus tribuamus honoris oportet, inferiori contrà plus lucri, neutri utrumque. Etenim , ut & honorem , & commodum , utrumque simul , quis capiat , nœ illud æquè iniquum , ac si neutrum capiat. *Sic descripta Amicitia differt , & ab Amore Concupiscentiæ , & ab Amore Amicitiaë. Ab Amore Concupiscentiæ differt hætenus*, quia eo nos ipsos amamus nostrâ causâ, Habet siquidem hoc amor concupiscentiæ , ut in jucundum & utile tantùm feratur , sequens magis convenientiam cum inclinatione suâ , quàm convenientiam & similitudinem cum illo , à quo amatur , quæ res longè aliter se habet in amore amicitiaë , cùm per accidens tantùm sit amicitia , quæ jucunditatem aut utilitatem spectat , qui verò amatur amore amicitiaë , simpliciter & per se ametur , idèd scilicet , quia eum amare honestum est. *Ab Amore Amicitiaë differt hætenus* , quia , sicut benevolentia antecedit amicitiam , ut terminus à quo , amor amicitiaë concomitatur eandem , ut terminus medius , ita amicitia consequitur , ut terminus ad quem. *Amor hic Amicitiaë duplex est , Activus putà , & Passivus. Activus est* , quo amamus alios : *Passivus* , quo amamur ab aliis , aut redamamur potiùs , absque quo amore

&

& redamore , amicum inter amantem & redamantem , non magis datur amicitia , quàm sine fide conjugali , utrinque datâ & acceptâ , matrem inter & foeminam , matrimonium , cùm non magis quis secum contrahere possit amiciriam , quàm contrahere secum matrimonium : Eccur id ? Quia enim amicitia est amor reciprocus , v g . Socratis erga Platonem , & Platonis erga Socratem , isquẽ explicitus , non implicitus , similiterquẽ matrimonium consensus reciprocus manifestus partes contrahentes inter , non amantis contrahentisvè in numero singularitatis , sed amantium contrahentiumvè in numero dualitatis pluralitativè , dualitatis in matrimonio , pluralitatis in amicitia . *De hoc Amore Amicitiae disputatur & controvertitur apud Philosophos , utrum magis amicitia , quæ inde nomen accepit , consistat in illo , an in hoc ? E' r' n' amarenè magis , an amari ?* De sententiâ Aristotelis nullum potest esse dubium , qui prius confirmatum it sequentibus documentis . 1. Quia amicitiae , tanquam virtutum comiti , virtutum , inquam , usufructui , ea magis convenient , quæ sunt præstantiora & præstabiliora : Atqui amare est quædam actio , amari verò perpassio , actio autem præstantior perpassione : Ergò ! Amicitia certè per amo-

amorem constituitur , amor autem est actio amantis , non amati , sicut honor actio honorantis , non honorati , agentis , inquam , non patientis : Ergò ! 11. Quia beneficio afficere sit laudabilius in comparatione , quàm beneficio affici : Atqui beneficio afficere est ejus , qui amat , beneficio verò affici ejus , qui amatur : Ergò ! 111. Quia melius sit cognoscere , quàm cognosci , cum illud in solis animatis , hoc etiam in inanimis reperiatur : jam verò amare est cognoscere , amari verò cognosci : Ergò ! 1V. Quia amare sit in potestate & arbitrio nostro , amari non item , &c. Quatuor hæc documenta idem ex superabundanti confirmatum it argumento maternæ amicitiae , sive amoris materni erga pueros infantes , quos matres , quibus erga liberos amor est & amicitia summa , ament quidem , scientes hos esse suos , non laborent tamen , ut redamentur , quoniam id fieri nequeat per æratem , cum sint adhuc infantes , qui ne nōrint quidem matres suas : Ut ita satis sit matribus , nōsse liberos , eos videre salvos & incolumes , amarequē , hisquē benefacere , etiamsi nihil ab iis contrā sibi tribuatur , eò ferè modo , quo φιλόφιλος , quōs habent amicos , amant , non curantes , ut redamentur , quæ res argumento utique , amicitiam potius consistere

flere *ἐν τῷ φιλεῖν* ; quod activum , quàm
ἐν τῷ φιλεῖσθαι , quod passivum. *Ut verò*
in amare magis , quàm in amari , consistat
amicitia , & ratione sui , & ratione ami-
corum , tamen non desunt , qui amari po-
tiùs malint ; quàm amare , quo de gene-
 re sunt ferè ii , qui vel opibus & divitiis ,
 vel honoribus , vel quâ simili re , excel-
 lunt , uno verbo , amici ambitiosi : Ec-
 cur ? Quia amari propè idem , quod
 honorari. Amor namque est observan-
 tiæ & honoris quædam species , cujus illi
 sunt cupidissimi. Unde & *φιλοκόλακες* ex-
 istunt , plurisquè sæpè faciunt adulator-
 rem sive assentatorem , quàm amicum ,
 haud aliâ de causâ , quàm quia ab assen-
 tatoribus coli & obliervari consueverunt ,
 qui ut non semper sint inferiores , (quod
 tamen communiter fieri solet , cùm ge-
 nerosi vix assententur , sed humiliores ,)
 tamen & se tales esse simulant , & eos ,
 quibus adulantur , amare potiùs student ,
 quàm ab iisdem amari , admirantes eos ,
 omniaquè iis tribuentes , sibi nihil. *Ubi*
notandum in transitu , quamvis τὸ amari
& honorari valdè sint finitima , differre ta-
men , eòquòd honor ex eventu , nempè
 spe utilitatis ferè , amicitia verò per se ,
 nullâ propositâ utilitate , expetatur , quo-
 rum illud Philosophus probat duobus
 argumentis , tum quia multi inferioris
 con-

conditionis homines à potentioribus aut ditioribus honore quodam se affici cupiant, non tam quòd honorem expectant, quàm quòd spem inde capiant, fore, ut ab iisdem aliud quid consequantur, quod sperant, indicium assequendæ rei, quam cupiunt, capientes ex honoris delatione, tum quia multi superioris conditionis homines hoc studeant, ut ab aliis honorentur, haud aliâ de causâ, quàm quòd existiment, se, dum honore afficiuntur, eo ipso haberi pro bonis viris, aliis stultè credentes, se esse bonos viros, ipsi interim apud se incerti de eâ re.

Extrema Amicitiae duo sunt, alterum in Excessu, alterum in Defectu. In excessu ei opponitur Nimia Familiaritas, in defectu verò Solitudo. Nimia Familiaritas, quâ turpibus & inæqualibus consociati contemptum nobis parimus, crucemquè figimus, fide pronuicatorum: Melius est φίλον ἔχειν πολλῶν ἀξίων, ἢ πολλοὺς μηδενὸς ἀξίους, sectari non quosvis, sed dignos amicitia: Conversatio parit contemptum, raritas ipsa conciliat auctoritatem: in familiari consuetudine ægrè custodias opinionis augustum, continuo aspectu minùs verendos homines ipsâ satietate faciente, maiorequè ex longinquo existente reverentiâ, quia omne ignotum pro magnifico:

Si vitare velis acerba quædam ,

Et tristes animi cavere morsus ,

Nulli te facias nimis sodalem ,

Gaudebis minùs , & minùs dolebis.

Hinc Solitudo , quâ homines ut infestos fugimus , eorumquæ consortia ægrè ferimus , austeritate ac morositate , parens quæ est vitæ abstractivæ , amicorum solitudinem pariente. Usque adeò , neque *πολυφιλία* , neque *ἀφιλία* ; probatur ! Non *πολυφιλία* , sive nimia amicitia , ideò , ne necesse sit , unum sollicitum esse pro pluribus , cùm satis superquæ sit sibi suarum cuique rerum cura , alienis contrà implicari grave & molestum , si tanquam parturiant unus pro pluribus : Non *ἀφιλία* ideò , quia , qui vivunt sine amicis , eo ipso testantur , se aliorum mores non posse ferre , idquæ operam dare , ne cui pariant , verùm libertate utantur , cujus proprium , sic vivere , ut velis , quod qui faciunt , næ illi generi humano renunciant , aliumquæ moliantur mundum instar puerorum , cumquæ Domitiano venantur muscas. Quid medii ? Commodissimum fuerit , sic laxare habenas amicitiae , ut eas vel adducas , cùm velis , vel remittas , pro re natâ. Quod si quandoque captanda solitudo , ea capienda & capeflenda animo potiùs , quàm loco , qui non multum ad tranquillitatem confert ,
sed

sed animus sibi intentus, nec avocatus ad externa, vitâ monachum faciente, non loco. Scilicet miscenda atque alteranda solitudo & frequentia, alterâ alterius existente remedio, odio turbæ fanante solitudinem, tædio verò solitudinis turbam. Juvat loco coronidis in calce assuere dubia contra receptam in diatribis Philosophorum de amicitia doctrinam, eâdemquè operâ imponere colophonem huic operi. Objiciunt primò, tractatum de amicitia pertinere ad Oeconomicam & Politicam, ergò non ad Ethicam! Immodò ad omnes tres disciplinas distinctè. Ut enim amicitia respicit vitam hominis, sub dirigibilitate ad summum bonum hominis, ut sic, sive sub hoc conceptu objectivo & formali, pertinet ad Ethicam: Ut eadem respicit summum bonum domus sive familiæ, ut sic, sive sub hoc conceptu objectivo & formali, pertinet ad Oeconomicam: Ut denique respicit summum bonum civitatis sive Reipublicæ, ut sic, sive sub hoc conceptu objectivo & formali, pertinet ad Politicam. Objiciunt secundò, amicitiam non esse in potestate hominis, ut in quo non fit situm, ut ab alio ametur & redametur: Quare nihil minùs esse, quàm virtutem! Saltem virtuti similem, Ut enim in Socrate non fit situm, ut ametur

à Platone, si tamen Platonem amet Socrates propter virtutem, nã ille amici officium præstat. Objiciunt tertio, philanthiam, sive suiipsius amorem, non dari, cum ut justitia ita amicitia semper sit ad aliud, aut dari quidem, verum mollem effœminatum delicatulum! Immò masculum, qualis mentis & virtutis suæ causâ, memoriæ, laudis, gloriæ, qui fit, quâ naturaliter & inchoatè, quâ moraliter & perfectè. Quod attinet justitiæ parallelismum, nã ille ἀπαράλληλος, quia amicitia versatur quidem circa idem cum eâ objectum materiale, nempè bonum ætèrius, at nōn circa idem objectum formale, quod aliud illius, aliud hujus. Objiciunt quarto, benevolentiam esse proprium amicitiae, ergò non principium ejus! Immò verò utrumque, illud moraliter, cum sit habitus, inclinans ad benè volendum, quod proprium amicitiae, hoc naturaliter, non quatenus nomen habet à benè tamen, sed à bōno. At cujus amicitiae principium benevolentia? Honestæ honestæ, inquam, non utilis, aut jucundæ: Non illius, quia qui beneficium accepit par relaturus, non tam benevolus est, quàm justus & gratus, siquè alteri benefaciat spe retributionis amplioris, nã ille erga seipsum potiùs est benevolus, quàm erga alterum: Non
etiam

etiam hujus, quia eadem amicitiae voluntariae ratio, quae fructuariae & fructuosae. Objiciunt quintò, concordiam esse effectum, ergò non causam amicitiae. Immò verò utrumque, causam antecedenter, sumtam pro habitu, effectum consequenter, sumtam pro actu consentiendi in rebus, non tam contemplandis, quàm agendis. Objiciunt sextò, beneficos seu benefactores magis amare beneficiarios suos, quàm hi illos, ergò inter eos non dari exactam amicitiam, ob proportionis defectum, & per consequens beneficentiam non videri principium amicitiae! Putà internum, at bene externum, dum alteri beneficia tribuunt, retribuunt alteri, neque interim ad eum modum, quo creditores debitoribus. Etenim creditores debitorum amant sui commodi causâ, quò ab iis possint recipere debitum, benefactores contrà amant suos alumnos, sive beneficiarios illorum ipsorum causâ, non ut vicissim ab ipsis beneficia accipiant, quae si rependant, non melius merentur retribuendo, quàm alteri tribuendo, quoniam beneficia ex occasione, & per accidens, non primariò & per se, persolvuntur, neque ut debita civiliter, sed moraliter. Objiciunt seprimò, conversationem sive convictum sequi amicitiam contractam, non ante-

antecedere contrahendam , ergò malè
statui ejus principium ? Immò benè , ve-
rùm diversimodè. Antecedit quippè
naturaliter , ut sic principium ejus , se-
quitur moraliter , ut sic principiatum &
consequens , antecedens amicitiae con-
trahendæ , consequens contractæ. Obji-
ciunt octavò , felicitatem esse bonum
per se sufficiens , ergò non indigere a-
micis felicem ! Immò verò indigere , cum
felicitas non sit bonum simplex , sed cu-
mulatum , indigere , inquam , si minùs in-
ternè , & quoad actionem amicitiae im-
manentem , hoc est , respectu nostræ er-
ga alios benevolentiae , quæ esse potest
vel in felici contemplativo , toto defixo
in contemplatione , v g , Thalete aliquo ,
aut Pythagorâ , Antonio aut Hilarione ,
erga omnes bonos , etiam si cum illis non
conversetur , quoniam ut sic felix se-
ipso est contentus magis , quàm ami-
cis , saltem externè , & quoad actio-
nem amicitiae transeuntem , non quoad
essentiam , sed existentiam , ad amicum
vitæ suæ externum socium , etiam si nun-
quam eum viderit , quoniam extraordi-
naria non tollunt ordinaria , nec ordina-
ta subordinata. Objiciunt nonò contra
definitionem amicitiae , & adjuncta ejus
essentialia , benevolentiam amicorum
non semper esse mutuam , non utique , si
in-

interveniant adjuncta, ob quæ quis amari
 sit indignus, sive, indignus qui ametur.
 Quasi verò τὸ redamare sit quid insepara-
 bile ab amore, illicoquæ omnis amatus
 redamet, nisi par utrinque sit, ut hone-
 statis, ita utilitatis & voluptatis sive ju-
 cunditatis studium. Sed nec efficacem
 semper, putà, in amicis habitu talibus,
 non actu. Ut enim duùm generum dan-
 tur boni, vel κατ' ἔξιν, quales, qui virtu-
 tis habitu sunt præditi, sed non operan-
 tur secundum illum habitum, vel κατ'
 ἐνέργειαν, quales ii, in quibus habitus est
 efficax & officiosus: Eundem ad modum
 duplices dantur amici, vel κατ' ἔξιν,
 quales, qui disjuncti locorum intervallis
 simul vivere nequeunt, amicitiaequæ
 officia præstare, parati interim ad ea
 præstanda, vel κατ' ἐνέργειαν, quales, qui
 actu & reapse sive reipsâ tales. Quin nec
 apertam semper, eò quod nemo recessus
 & latebras alterius animi scire queat, an
 verè amet? Non scire aurem? Immò sci-
 re, saltem conjecturaliter, sive opinio-
 ne in experienciâ fundatâ, quæ sæpè fal-
 lax non est. Objiciunt decimò, obje-
 ctum veræ amicitiaë esse honestum, ergò
 non utile & jucundum, ut quæ secun-
 dum rationem suam formalem differant.
 Quid enim honestum, nisi quod rationi
 consentit? Quid utile, nisi quod alterius
 causâ

causâ expetitur, quid jucundum, nisi quod allubescit? Quasi verò honestum non materialiter includat utile & jucundum, sicut corpus lineam & superficiem, licet ab iis formaliter differat. Et quid impediat quæsdò, quò minùs omne honestum quoque sit utile & jucundum, quæ à virtute abesse nequeunt, non contrà omne utile & jucundum honestum, ut quæ à virtute abesse queant in subiecto vitioso. Obijciunt undecimò contra divisionem amicitiae in honestam utilem & jucundam, eam non esse divisionem generis in veras species, eò quòd membra ejus non sint opposita, cum amicitia honesta coincludat utilem & jucundam? Sed materialiter scilicet, non formaliter. Obijciunt duodecimò, contra amicitiam æquiparantiae, qualis eorum, qui conditione vitae, dignitatis, aliisque *τῶν φιλητῶν* generibus, sunt pares, ut Scipio & Lælius, Cicero & Articus, æqualibus personis, æquali amore, æquali officiorum communicatione, æquali virtute, talem amicitiam non dari, ob aliqualem saltem aliquam dissimilitudinem morum, & fortunarum diversitatem. Respondeo sufficere, ut, quæ maximè faciunt ad rem, sint paria proportionem arithmeticâ, à quibus, tanquam à potiori, sit denominatio. Obijciunt decimotertiò contra
ami.

amicitiā disquiparantiæ, qualis personarum inæqualium, cum alter amicorum alterum multum antecellit virtute, dignitate, potentiâ, autoritate, conditione, vitâ, ætate, & si qua sunt alia φιλῆντι gradibus differentia, v g, divitiæ, nobilitas, doctrina, in ordine ad pauperem, ignobilem, indoctum, neccalem amicitiā dari, quia in verâ amicitiâ debeat esse æqualitas, quæ hîc nulla sit? Immodò aliqua. Ut enim inter tales amicos non detur æqualitas arithmetica, datur tamen geometrica, ut non detur æqualitas in existentia, datur tamen in essentia, ut non in gradu virtutis, tamen in habitu. Potest quippè inter eos, qui his sunt inæquales, aliqua esse, si non paritas, saltem similitudo: Atqui non tantum pares cum paribus congregantur, sed etiam similes cum similibus, similes autem sunt, etiam qui ita inæquales sunt, nominatim virtute, cum virtutis & honestatis utrique sint studiosi, conspirentquè in objecto, nempe amabili honesto, in medio, nempe delectabili vitæ consortio, in fine, nempe fideli vitæ officio. Ad hoc exemplum liberalem cum magnifico, mediocriter studiosum cum insigniter excellenti viro, indoctum cum docto, ignobilem cum nobili, pauperem cum divite, officium amici

amici exercere videas, eò quòd inter eos non sit dissimilitudo moris, verùm amplitudo tantùm gradus, neque distractio animorum, sed in studio virtutis ardens quædam æmulatio. Objiciunt decimo-quartò contra amicitiam naturalem paternam & conjugalem: Contra Paternam, parentes magis amare liberos, quàm hi illos, ergò inter eos non dari exactam amicitiam, ob proportionis defectum! Immò verò exactam, haud quidem respectu rei, quomodo liberi magis tenentur diligere parentes, ex obligatione, quâ naturali, quâ morali, quâ civili, cum à parentibus vitam victum & cultum ingenii acceperint, ut qui sint causa essendi nutriendi sciendi, essentiam, inquam, & existentiam, at benè respectu rationis, non respicientis solùm obligationem, quâ tenentur liberi amare parentes, sed etiam naturam amoris, quæ in parentibus prævalet testimonio experientiæ. Quòd si quandoque pater abdicat filium, (nam hoc fortè dicat aliquis,) facit id non naturaliter, sed moraliter, siquidem sit ingratus, contumax ad omne faciñus, atque in omnem virgilitentiam præceps, quali filio pater moraliter non obligatur, tanquam degeneri, utut huic obligetur naturaliter. Contra Conjugalem, idem esse officium uxoris.

in maritum, quod liberorum in parentes, ergò has amicitias non differre specie! Immò verò differre, eò quòd non idem utriusque sit officium aut objectum formale. Quamvis enim amor sit objectum tam hujus quàm illius, illius quàm hujus, tamen amor filialis est alius formaliter ab amore uxorio, quemadmodum amor pecuniæ alius ab amore honoris. Objiciunt decimoquintò contra amicitiam civilem, ridiculam videri istam tot specierum & graduum enumerationem, eò quòd vel sexcenta amicitiae genera inde oriri queant, non absque confusione? Itanè, etiamnè, si primarii amicitiae gradus enumerentur, quòd hoc rectius vitam, secundum normam amicitiae, in omni societate instituire valeamus? Credat Judæus apella, non ego. Sed & illud movent contra eandem, æqualitatem & proportionem requiri inter veros amicos, eam autem inter imperantes & parentes esse nullam, ergò nec amicitiam? Nullam arithmeticè, & quoad proportionem externam, ratione putà dignitatis, autoritatis, & rerum externarum, aliquam geometricè, & quoad proportionem internam, ratione putà virtutis ac morum: Nullam ratione personarum, quæ inæquales, aliquam ratione materiae, sive rei amabilis.

lis. Amicitia quippè, ut justitia commutans, non personas & dignitatem, sed rem subjectam & virtutem, respicit. Objiciunt decimosextò & postremò contra amorem activum & passivum, sive redamare & amari, quorum illud melius hoc in comparatione, majus bonum evenire alicui, si ametur v g à rege, quàm si amet, ergò melius esse amari quàm amare! Melius autem? Immò utilius, non quoad bona animi & corporis tamen, verùm fortunæ. Ubi concludenter notandum, & illud in epilogo hujus operis, ut ut redamare inseparabile sit ab amore amicitiae in amicitia honesta, tamen non item, saltem non æquè, inseparabile esse in amicitia utili & jucunda, nisi par sit in amante & amato utilitatis & jucunditatis studium tamen. Quod enim attinet amicitiam utilem & jucundam, testis experientia, amari multos, neque tamen redamare, eò quòd eadem amoris causæ in multis non sint, quomodo sæpè pauper divitem amat, quem tamen dives non redamat, sed odit, senex deformis juvenculam formosam, quem illa tamen non redamat, avarus liberalem, quem hic non item, ob humorum & morum dissimilitudinem. Sed hic amicè finio, lector amice, tequè salvere ac benè rem gerere jubeo.

Quod attinet Errata Typothetica,
illa tam pauca sunt & levia, ut
industrius lector ea abs se domi ab errore
liberare, mequē ab hoc onere absolvere
possit.



A 81 1454405.







